



Summa und kurtzer Auszug aus den Actis Synodicis, aller Handlung der Adiaphoren halben, so von den Professoribus der Universitet Witteberg negstvergangnes LIX. Jar in Druck verordnet. : Wider die vermeinten Scribenten, Illyricum und Gallum, so wider dieselben Acta zu schreiben sich uterfangen.

<https://hdl.handle.net/1874/424199>

3

Summa vnd Kurzer

Auszug aus den ACTIS SYNODI-
CIS / aller Handlung der Adiaphoren halben/
so von den Professoribus der Vniuersitet Wite-
teberg nechstuegangnes LIX. Jar
in Druck verordnet.

Wider die vermeinten Scribenten/
Ilyricum vnd Gallum / so wider dieselben
ACTA zu schreiben sich vnter-
fangen.

Durch wolmeinende vnd iren
Præceptoribus danckbare Studenten/
aus den ACTIS gezogen.

Matth. 10.
Zum Zeugnis wider sie.

Johan.
Rome vnd sibe.

1 5 6 0.

THE UNIVERSITY OF CHICAGO

PHYSICS DEPARTMENT

PHYSICS 309

LECTURE NOTES

BY

ROBERT A. FAY

1962

CHICAGO, ILLINOIS

UNIVERSITY OF CHICAGO PRESS

PHYSICS 309

LECTURE NOTES

BY

ROBERT A. FAY

1962

Erinnerung an den Christlichen Leser.

ES haben unsere Praeceptores auff vieler fromer Christen bitte vnd begeren / nach Glacij vnd Galli vnseeligem vnd vnfruchtbarh Zigeunergeschrey / so sie von wegen der nachgelassenen A^d diaphoren / in der Kirchen erregt / klaren bericht von allen Wandlungen / so sich in diesen Landen zur Interimszeit zugetragen haben / gethan / daraus zuersehen mit was bescheide / sie in etlichen eusserlichen Ceremonien / irem Landsfürsten vnd hoher Oberkeit gewichen / vnd was sie dessen für hochwichtige ursach gehabt / Damit auch alle verstandige / Christliche vnd friedsame hertzen / gantz wol zu frieden sein / vnd dancken auch Gott von hertzen / vmb solche Erklarung / sein auch in guter hoffnung / es werde noch mancher fromer Christ / aus diesem Bericht / guten vnd richtigen verstand / von vielen grossen hohen dingen / schöpffen / welche zu vereinigung Christlicher vnd ruiger hertzen dienstlich sein wird / wie denn auch solches von tag zu tage bey fromen Leuten geschicht. Vnd wir hetten ver^{meinet} / ob gleich Glacius seinen bösen willen vnd gefasten neid behalten würde / wie wir vns denn zu im anders nie haben versehen können / so solte er doch seiner hierinnen schonen / vnd seinen verbitterten Geist so grob vnd gewulich / wider die offenbaren Wahrheit nicht haben sehen lassen / denn er ja zu

bedencken gehabt/ das sichs hinfort/ durch seine alte
Sycophanterey / nicht mehr / wie zuvor treiben
lies/ sintemal aller Tage einbringen vnd Wandlung
gen/ im vnd der gantzen Welt/ so gar augenschein
lich vnd klar / für die augen gemalt / das es auch
numehr alle verstandiae sehen vnd greiffen mögen/
Denn wer traun die Acta lesen kan/ vnd noch sinne
vnd witz hat/ oder nicht gar von des Flacij geist be
trönet ist/ der wird mercken vnd sehen / das Illyris
cus vnd seine andere Gesellen / für grimmigen zorn
vnd bitterkeit/ nicht allein blind / sondern auch toll
vnd töricht sein/ dieweil sie so trotzig/ iren alten Geis
fer/ sampt irem grund / darauff sie bisher gestan
den/ vnangesehen aller einrede vnd öffentlicher wie
derlegung/ widerholen/ vnd alles one grund vnd bes
scheid/ lügenstraffen/ vnd noch dazu die Leute in die
Acta weisen dürffen/ die doch stracks vnd augen
scheinlich wider sie sein/ die auch kein ehrlicher Man
lesen kan / der nicht sehe / das sie mit lauter Schel
merey vnd Subenstücken vmdgehen. Wir haben
inen aber des falls höchlich zu dancken / vnd sollten
nicht wünschē/ das sie es anders gemacht / aber
wunder nimpt es vns/ sagen wir noch ein mal / das
sie so toll vnd vnfinnig gewesen / das sie nicht gese
hen/ wie numehr/ dieweil alle Wandlung öffentlich
für augen/ ire alte Fidel nicht mehr klingen köndte/
Sondern mit gewissen / vnwandelbaren gezeugnis
vnd andern Actis / vnd nicht mit solchen losen vnd
lamen Fratzen vnd faulen Fischen/ damit sie vmb
gehen/ zubeweisen stünde / das es nicht also ergan
gen/ wie es die vnsern in iren Actis meldeten/ vnd das
sie dessen öffentliche vnd vnleugbare kundschafft
aufflegeten / oder aber aus der schrift beweiseten/
das

das jr bedencken vnrecht / vnd sie mit solchem weis
chen / wie sie sich in den Actis erkläret / vnrecht ge
than.

Aber wir lassen vns bedüncken / das es inen am
guten willen nicht gefeilet / sondern am gründlichen
Gegenbericht. Dieweil sie dann den nicht gehabt /
auch den Abat vnser Praeceptoren / in denen wich
tigen Wendeln / mit grund der schrift / nicht haben
widerlegen könnē / So solten sie ja weñ sie Biderleu
te / vnd etwa eine tugent in inen gewesen / dennoch
zu rück gedacht / vnd der armen Christlichen Kir
chen not / vmb welcher willen / sie sonsten alles wollen
gethan haben / betrachtet / vnd von irem giftigem
vnd boshaftigem fürhaben abgetretten sein / vnd
derselbigen hinfurt / wo sie der vnsern nicht hetten
verschonen wollen / verschonet haben / damit weiter
vnfriede vnd vnruhe / in der Kirchen were vermiden
worden. Aber bey denen Leuten wird der keines
geachtet oder bedacht / als die da nichts von rechter
Christlicher Kirchen wissen / oder halten / on allein /
das sie derselbigen blossen Namen / zugebrauchen
wissen / sich vnd ire böse rücke zubeschönen / denen
ein farbe anzustreichen / das der arme einfeltige
Man gedенcke / sie sein heilige Leute / denen der Kir
chen not hoch angelegen sey / welcher triegerery auch
numehr / in dieser irer nechsten schrift / allen ver
stendigen Christen augenscheinlicher worden / Sina
temal sie sich gantz keiner gründe / wie gehört / be
streiffen / Sondern allein ire alte Kunst / mit Trewe
men / Hörensagen / heimlichen Briuen / verstüm
melten vnd gezwackten schriften / als in der sie lan
ge vnd wol geübet / redlich practiciren vnd treiben /
ire verleumbdung zu spicken / vnd zu schmücken / dar
A iij an man

an man öffentlich spüret/kennet vnd sibet/das sie der
Kirchen / vnd der armen Christen heil vnd wolffart
in keinem wege bedencken/oder betrachten / vnant
gesehen/das inen die liebe Kirche/sonst in allen iren
Spielen/hinden vnd forne sein mus / So haben
wir oben gesagt / das sie es so grob machen/ das zu
greiffen / wie sie verstendiger vnd Gottfürchtiger
Leute vrteil/auch gantz vnd gar in die schantz schlar
gen/Denn sie fragen nicht darnach/wie es geraten
möge vnter den verstendigen/ heiffen derhalten al
les Lügen/was inen nicht gefelt/ vnd behelffen sich
mit so ehrlosen Argumenten / das es sich ansehen
lefft/als ob inen jr eigen hertz/ zu einem Propheten
vnd Prediger worden/das sie also jr eigen Gewissen
vberzeuget/das sie bey verstendigen Christen,nichts
zuerhalten vermögen/geben sich derhalben von der
Deuptsache / auff öffentliche lesterung vnd ver
leumdung/Vnd sind on zweifel der hoffnung/die
Bawren sollen es nicht mercken oder verstehen/vnd
ist jr einige hoffnung/durch solch zwacken / lestern
vnd liegen / mit irem elenden / gesüchten / genödig
ten/geslickten vnd faulen stinckenden behelff, nur ab
lein bey den Bawren vnd vnuerstendigen/ ein wenig
hangen zu bleiben / das sie nicht gar zu schanden
würden.

Allus aber wil etwas Ritterlichers gekempff
haben / leget derhalben im anfang seiner Schrift
gründe/wiewol er hernach den Baw darauff all zu
seer vbersetzet / wie wir denn im vnd der gantzen
Welt / solches augenscheinlich vnd greifflich ma
chen/vnd hernach auch auff dismal von des Ily
rici schrift/etwas in gemein antworten wollen/als
dessen Buch wir erst hernach bekommen. Wiewol
vns

Uns vngeweuelte / das alle verstandige / hoch vnd
nider / des vnnötigen vnd vnruigen streittens / Glac
cijs vnd der Glacianer / sampt den Begenschriften
vnd Verantwortungen / numehr müde sein / vnd sol
ches schreibens vnd lesens von beiden teilen gnug
haben / So ist es an jm selbst / wer es verstehen wil /
der verstehets wol / wo die Sachen hauffen. Wer
aber nicht wil / an dem ist aller Bericht verloren /
Dieweil aber je der Glacianische hauffe / das ende
noch nicht finden wil / müssen wir inen ein wenig
dienen nach dem Spruch: Antworte dem Narren
nicht nach seiner torheit / auff das er sich nicht für
Klug halte. Vnd das keiner andern meinung / denn
das Glacius vnd seine Glacianer erfahren / vnd innen
werden sollen wenn sie je meinen / sie müssen die ganz
te Welt mit iren Lesterschriften vberschütten vnd
beteuben / das dennoch noch Leute sind / die jeder
zeit / ir der Glacianer fürhaben / auch den Bawren
vnd vnuerstandigen / weisen vnd eröffnen können /
vnd eröffnen werden / Ob also ein Schwert das an
der in der scheiden gehalten wolte.

Die Doctrinalia aber werden unsere Præceptor
res wol zuuerfechten wissen / die auch bis anher iren
vleis / wie man aus iren öffentlichen schriften sehen
kan / bewiesen / vnd iren Lectionibus vnd Predigten /
noch gnugsam beweisen / mit dem sie auch allein ire
Hand voll zuthun / Vnd were ewig schade / das sie
ire nütze arbeit / auff deren Lecker hudeley wenden
soltten / Bitten aber den Christlichen Leser / er wolle
auff den Hauptstreit recht achtung geben / vnd bei
der schrift gantz lesen vnd einnehmen / So wird er
befinden / was zu leiden teilen gesucht / vnd wer es
recht

recht vnd gut mit der Kirchen gemeint hat / oder
nicht / Vnd wer es recht oder vnrecht meinet / damit
man sich wisse zu einem jeden teil guts oder böses zu
uersehen / vnd ein jeder für seinem schaden sich
wisse zuhüten / Ist zu besorgen / es werde bald / vnd
vielleicht ehe denn sichs zuuermuten / an tag brechen /
was Glacius Illyricus / seine Theologia vnd Chor
rock für habe / vnd wohin der gemeint sey. Der all-
mechtige / gnedige vnd gütige Gott / wolle allen vn-
ruigen vnd friedbrüchigen stewarten vnd wehren /
vnd Christliche ware Lere seiner Kirchen gnedig-
lich erhalten.

E hat vergangner tage der Han vort
seinem Wiste Regensburg / eine schrift
lassen ausgehen / welche auch daselbst
durch Heinrich Geisler gedruckt / mit
dem Tittel: Antwort an die liebe Kir-
che / von dem bösen zornigen Buch der Professorn
zu Witteberg / vnd das dieselbe seine liebe Kirche /
vber solche sachen vrteilen solle. In diesem Tite-
tel haben etliche die Kirchen Regensburg verstehen
wollen / dieweil er daselbst ein beruffener gehörter
Prediger / vnd wie aus greifflichen vrsachen / zuuer-
muten / im keine Kirche lieber / vnd eben alda dieses
Wanes Wist ist / vnd vihe vnd stall beisamen. Do
nu die Kirche zu Regensburg von im gemeint sein
solte / were die sache schon verloren / vnd nichts an-
ders zu besorgen / denn es würde eine newe verdamm-
ung vnd dritte Wan / nach den zweien offenbare-
ten folgen / Das nu in dreien Zeugen alle Warheit
stände. Denn wie man sagt / so hat Regensburg
ire Stipendiaten / vnlangst von der Vniuersitet
Witte

Witteberg abgefördert / das sich auff solche Præiudicia nichts anders zu befahren / Wierauff muste man die Theologos in der Chur Sachsen / vnd dem Lande zu Weissen Gott befehlen / vnd denn die Kirche zu Regensburg bitten / das sie denen gnedig sein wolte am Hauszinse / Da wir doch gedachter Stad vnd Kirchen / für keine schrift vnd arbeit / ires gesiderten Wechters vnd Haushanes mehr zu danken haben / vnangesehen / das derselben viel gantz rauch gesidert / als eben für diese nechste / vnd solte zu wünsch sein / das vielgedachte Stad Regensburg / solcher schriften ires Haushanes / viel in Druck fördern wolte. Denn ob wol bedacht werden kündte / als were solches der alten löblichen Stad nicht hochrhmlich / Es auch obgedachte Lande vnd derselben Theologen / auch die Vniuersitet Witteberg vmb die nicht verschuldet / das sie dieses beschmiffenen Danes Mist ausfüren / seine Federn stöberem / vnd wider frome / woluerdiente / vnschuldige Personen / den bösen Dan meisten vnd leitten / oder aber meisten vnd leitten lassen solten / So hat es aber Gallus wol verdienet / das solche seine Kunst / tugend / gründe vnd Bekentnis an tag / vnd für möglich / im selbs vnd seinem Dünerkorbe zu ehren / gefürdert werden.

Wer schertzens on / achten wir das der Augsburgischen Confession verwandte Kirchen / in Deuschland / vom Gallo gemeint werden / dieweil er derselben seiner lieben Kirchen / das Vrteil heimstellet. Denn er Gallus / dennoch so vnbedacht nicht vermeint wird / das er allein seine Pfarrhüner zu Regensburg zu Richtern setzen / vnd die allein für die grossen Herrn / geachtet haben wolle / die er zu

B erken

erkenntnis / der von sin vnd Gladio erregter vnd gestrittener Sachen / noch ein mal bewegen wil / wie zu ende seiner schriftt gemeldet wird.

Sollen nu dieselben Kirchen / der Augsburgiſchen Confession Richter sein / haben wir deste mehr den Stenbern / dieser des Galli Danenfedern zu dancken / Denn wir eben dieselben Kirchen zu Richtern kiesen / wehlen / setzen vnd begen / vnd niemands erkenntnis bas leiden können / noch begiriger wunden sehen .

DJeweil wir denn nu beiderseits / für einen Richter / wie geachtet wird / appellirt vnd fürkommen / ist es daran gelegen / das die Sachen recht eingebracht werden / Vnd aber der Dausban / von seinem Mist zu Regensburg / einen vngegründeten bösen Libell / den der Richter billich zureiſſen möchte / eingebracht hat / thun wir hiemit nordürfftigen Gegenbericht / Et petimus nobis ius fieri & iustitiam. Weis er nicht was das heiſſe / Selte vnd vermöge / mag er seinen Stadschneider / Doctor tenebat tantummodo / der Adiaphoristen / wie man sie nennet / vngnedigen Derrn darumb fragen .

Vnd thun wir als wolmeinende diesen Bericht / Nach dem wir vns zu vnsern Praeceptoribus bessers zuuersehen wissen / denn das sie sich mit einer solchen / dieses Galli schriftt bekümmern / oder der annehmen solten / vnd thun gedachten Bericht den Richtern zu einer erklerung. Denn inen Galilum vnd seines gleichen ferner zu berichten / thörllich sein wolte / die nicht sehen noch hören wollen / Ob es wol zu mercken / das sie gesehen vnd gehört / dauon inen Augen vnd Ohren weh thun.

WJe.

Wenn der Begenteil für gibt / so kumpt der
ganze streit vom Buch INTERIM her (denn
höher dürffen sie nicht beichten) Dieses hat der
grosmechtige Keiser Carel der V. / nachdem Brie-
ge vor XII. Jahren/erstlich beiden teilen/den Pöpstli-
chen / vnd der Augsburgischen Confession ver-
wandten/fürgestellet / des sie sich bis auff ein erör-
terung eines Concilij (dazu als bald / vnd der zeit
nicht zu komen) halten solten. Vnd ist der gute fro-
me Keiser beredt worden/als were das Buch beiden
teilen/wol annehmlich/vnd köndte also dadurch frie-
de/bis auff ein Concilium zuerhalten sein etc. Er
auch der Keiser selbs gemeines friedens halben / in
dem Artikel des Sacraments / vnd Priester ehe/
sampt etlichen andern / laut des Interims gewis-
chen etc.

ES sein aber die Pöpstlichen die ersten gewes-
sen/die wider das INTERIM protestirt haben/
vnd hat diesen dasselbe nicht annehmlich sein wollen.
Also hat nachmals Keiserliche Maiestat / von den
Pöpstlichen abgelassen / denselben ein sonderliche
Reformatio stellen lassen/vnd auff die Confessionen
wandten/allein des Buchs halben gedrungen/die
sich des viel mehr zubeschweren gehabt / Derhal-
ben denn etliche dafür gebeten / etliche aber aus
schwacheit vnd vnuerstand dahin geraten / das sie
es in jren Kirchen angericht / Etliche auch des sich
nicht auffhalten können/wie dieses alles wißlich
etc.

ES haben aber die vnwarhafftigen Leute/ Il-
lyricus vnd Gallus / vnd die sich an die nachmals
gehengt/ Weiland den Durchleuchtigen Hochge-
bornen Fürsten vnd Herrn / Hertzog Moritzen zu
B ij Sach

Sachsen / Churfürsten etc. mit auffrührischen
Schmachschriften beschuldiget / das der Keiserli-
cher Majestat / das INTERIM anzunehmen zuge-
sagt / vnd volgendts der zusage nach / dasselbige in sei-
ne Land habe dringen wollen / darauff denn seine
Theologen / in der Chur Sachsen vnd Weissen / ge-
heuchelt / vnd die Wahrheit verleugnet haben sollen /
dauon das Zigeuner vnd Wanengeschrey noch
vber sie gehet / sie seien Interimisten vnd Abgötti-
sche verleugner / sollen das bekennen / vnd derhalben
Busse thun / Wie denn dieser Wan / einem nicht seer
guten Deudschen Poëten / zu ende seiner Scarteken /
diesen Reimen / anzuhengen vergünnet / wo er den
nicht selbs gemacht.

Da der Han gut Wechter krecht /
War zeit das Petrus Busse thet.

WENN es aber mit vngereimpten Reimen aus-
gericht were / wolten wir hiegegen / mit warheit / fus
vnd billigkeit also reimen:

Der Han der also zu Regensburg krecht /

Bere werd / das man unten auffschnide vnd
wider zuneht etc. Wenn man im gnade beweisen
solt. Vnd würden doch hiemit nur die gestrafft so
nichts verschuld.

DAS er aber der Wan strefflich / sol sich vol-
gendts ausweisen / vnd stehet bey Richterlicher er-
kentnis.

WFF solche Illyrici vnd Galli aufflagen be-
richten wir / vnd aus den Actis / wie die im Druck
öffentlich / Deudsch vnd Latinißch ausgegangen. Erst-
lich von dem Churfürsten Hertzog Moritzen / hoch-
löblich

löblicher gedechtnis/ob wol derselbige numehr/sol-
chem der giftigen/vnwarhafftigen Leute antas-
sten/zu hoch gefessen/vnd deme keiner Verantwor-
tung von nöten/Das aus den Actis ausfündlich
vnd erweislich/wie hochermelter Churfürst/Wer-
tzog Moritz etc. des Interims halben/beide vor vnd
nach der publicirung desselben/dermassen sich ver-
halten/das vnfers erachtens/Christlicher bekentnis
vnd bestendigkeit halben/zu denselbigen sorglichen
vnd schweren zeiten/sich niemand billich vber in
wird zubezlagen haben/dauon denn alle hohe vnd
nidriges standes/so bey seinen Dandlungen zu
Augsburg/vnd bey denen/so in den Actis in son-
derheit beschrieben/gewesen sein/oder darumb wisse-
sen/zubezeugen haben/auff die wir vns hiemit der-
gleichen beruffen/denen on zweiuell die freuenliche
beschuldigung etc. beschwerlich fürkümpt.

Vnd hat der löbliche Fürst/wider das Buch
seine notdurfft/Christlich/bescheidenlich/vnd vns
uerholen fürgebracht/Endlich auch sein schriftli-
che Protestation dawider/Keiserlicher Maiestat ge-
antwort/vnd nach vielfeltigem/ernstlichen vnd ge-
schwinden anhalten/nichts weiter bey sich erhal-
ten lassen/noch zugesagt/oder bewilligt/als das er
sich für sein Person/des Buchs INTERIM hal-
ben/was des mit Gott vnd gutem Gewissen gesche-
hen köndte/gehorsam erzeigen wolte/vnd bey sei-
nen vnterthanen dergleichen gehorsam befürdern/
Damit er nu solcher seiner gethaner Zusage nachke-
me/hat er nach fürlegung des Interims/an seine
Theologos vnd Landstende/auff allen Land vnd
Dandlungstagen/nichts anders jemals begert
B iij. noch

noch gesunnen/ als was mit Gott vnd gutem Gewissen geschehen köndte/ vnd in der reinen vnwan- delbaren vnd nötigen Lere / keine verenderung nie gesunnen/ Sondern sich vnd seine Vnterthanen da- bey zuerhalten/ alle Christliche/ vnd mögliche Mit- tel gesucht / auch denen alle veterliche fürsorge vnd schurtz geleistet/ wie denn solches seine Landordnung in beiden Regimenten ausweisen. Das also der hochlöblich Fürst nicht das INTERIM bewilliget noch angenommen (das er für sich selbst/ an vielen orten / Christlicher warheit entgegen / vermerckt/ vnd in den Rheten zu Augsburg/ laut der Acten ge- strafft/ vnd von allen Artikeln desselben/ sich ferner von seinen Theologen vnterrichts erkundiget/ wie dieselben Bericht alle in den Actis fürgelegt sein) Sondern allein / was in dem Adiaphoron / das ist/ mit Gott vnd gutem Gewissen angenommen werden köndte. Das nu er der Churfürst / für sich selbst nicht thun wollen/ hat er viel weniger andern / als seinen Vnterthanen einzudringen / sich vnterstan- den/ Wie das abermal alle Handlung ausweisen.

Vnd nach dem er der Churfürst / vor der zeit/ vnd von dem XLIII. Jar an/ ehe denn jemand vom Interim hat trewmien können / aus vielen bewegli- chen vrsachen / auch auff ansuchen seiner eigenen Landschafft/ eine gewisse / vollkomene Kirchenord- nung zubestellen / vnd eine im XLV. gestellet/ vnd auff dem Landtag zu Leiptzig/ im Julio des XLVII. gehalten/ von allen seinen Theologen vnd Superin- tendenten approbirt vnd bewilligt worden / Aber von denen bis nach dem Augsburgischen damals vorstehendem Reichstag/ ins werck zu bringen/ ver-
schob

schoben / Vnd dieweil auff demselben Reichstage/
das Interim fürgelegt / vnd ob gemelts erlicten/
vom Churfürsten / Keiserlicher Maiestat gethan
etc. Dette der Churfürst gerne in die gestellte Kir-
chenordnung gebracht gesehen / was aus dem In-
terim in Mitteldingen annemlich / vnd sein alle
Wandlung dahin gegangen / damit Keiserliche Ma-
iestat / in annemung alles das Christlich vnd mög-
lich / seiner des Churfürsten / vnd seiner Landschafft
geneigten willen / zu allem gebürlichen gehorsam
vermerckte / vnd also schein vnd vrsachen / aller weis-
terung gegen ime vnd seinen Unterthanen / abge-
schnitten / vnd die nicht ferner bedranger würden/
vnd da als denn vber solchem seinen gehorsam / fern-
er etwas gedrungen werden wolte / das als denn
meniglich verstehen müste / das die eusserste not ver-
handen / vnd nicht mehr gewichen werden kündte/
was halt Gott schicken würde. Dieser Bericht ist
also von dem Churfürsten aus den Actis zu finden.

DJe Theologen aber belangend / haben die auff
fürlegung des Interims / vnd des Churfürsten be-
gern / erstlich des Interims halben notdürfftigen
bericht / in vielen Privatschriefften gethan / vnd nach
der lenge auff dem Landtage zu Weissen / von allen
Artikeln etc. welche auch von inen / den Glacianern
selbs / wiewol vbel verfelscht vnd verstümmelt / in
Druck verschaffet zu Magdeburg / Denn die mit
dem Formular / so in den deudischen Actis eingeleibt
ist / vbel eintreffen.

Es haben auch sich die Theologen zu allem
Christlichem gehorsam / erboten / aber gleichwol zu
keiner enderung / auch in den jenigen / die mit Gott
vnd

vnd gutem Gewissen geschehen künden / als sein Kirchenordnung vnd mittelding rhaten können / Sondern alle enderung / als zu solchen zeiten / vleissig vnd trewlich widerraten / vnd dafür gebeten mit anzeigung aller gefahr / so daraus entstehen möchte etc. vnd etwas vleissiger vnd gründlicher / denn alle ire Widerwertige bisher gethan haben. Vnter welchen gesehrigkeiten / auch diese nicht die geringste / das vnruhige Leute solches zum ergsten deuten würden / vnd newe zwiespalt erregen / welches sich denn an Illyrico vnd Gallo reichlich erwiesen.

Als aber der Churfürst vermeint / das im von seiner zusage nicht abzutretten sein wolte / vnd dagegen bedacht / wie gros die gefahr weren / so die Theologen erinnerten / were doch aus vielen vrsachen / diese grösser / Da kein beuleistung einiges vnd mögliches gehorsams vnd weichens / als in denen / das mit Gott vnd gutem Gewissen / geschehen künde / erscheinen solte / Denn daraus folgen möchte / das solche zerrüttung verursacht würden / dadurch die reine ware Lere / gantzlich in diesen Landen gesetzt / oder aber denen gar genomen / vnd also mit vnötiger eusserung möglicher ding / erhaltung des nötigen verwarlost werden möchte etc. hat er der Churfürst darauff ferner angehalten / vnd dauon nicht abtretten wollen / das fürnemlich zu erhaltung der reinen Lere in diesen Landen / vnd denn fernere scheidens zuuerhüten / Key. May. auff dem rhateschlage des Interims in allem / was mit Gott vnd gutem Gewissen geschehen künde / gehorsamet würde / vnd von den Theologen erfordert / das die anzeigen wolten / wie / vnd was on verletzung Christilicher warheit

warheit angenommen / vnd auffgerichtet werden
künde / darauff endlich eine Kirchenordnung zu
stellen.

Hie hebe sich nu der streit / was den
Theologen als denn zu thun gebüret
habe.

Der Churfürst Dertzog Moritz / hette sich zu
vor auff dem Landtage zu Leipzig gegen sei-
nen Theologen vnd Superintendenten / lau-
ter erkleret mit diesen worten :

Das wir den Papistischen mißbreuchen vnd alle dem/
das Gottes wort entgegen vnd vnchristlich ist / vns nicht
wider anhengig machen / noch darein lassen wollen.

Vnd in diesem Wandel von den Adiaphoris/
der gleichen je vnd allwegen fürtragen lassen / auch
eigner Person bezeugt / das er nichts / als was mit
Gott vnd gutem Gewissen geschehen künde / nach
zu geben begerte / vnd in der Christlichen / nötigen/
vnwandelbaren Lere / keines wegcs gewichen ha-
ben / Sondern die rein / lautter vnd vnueruckt wis-
sen wolte.

Item / das eben darumb solches weichen in
mitteldingen begert würde / damit dieselbige nötige
Lere erhalten würde / vnd dieses weichen in Adia-
phoris derselben dienete etc. Denn er bedacht
Gott / was Gottes ist zu geben / Vnd dem Keiser
was des Keisers etc.

Also wird nu strittig / wie gesagt / was den
Theologen in der Chur Sachsen vnd Meissen / auff
solche des Landesfürsten erklerung vnd anhalten zu
C thun

thun habe gebüren wollen. Es ist aber von inen
dieses gehandelt: Nemlich/ das sie nach notdürff-
tigem/ vleissigen vnd sorgfeltigen erwegen aller
vmbstende (wie denn all jr bedencen in den Actis
volkömlich beschrieben) nicht haben finden kön-
nen/ sich dem zu widersetzen/ vnd solche dienstbar-
keit vnd Adiaphora bey warer/ vnuerruckter/ reiner
Lere/ vnd eben von der wegen/ damit die erhalten
werden möchte/ zu tragen/ nicht haben zu fliehen
gewußt. Vnd nach gehaltenen vnterreden die Adia-
phora: so angenommen werden köndten/ articulirt vnd
specificirt/ vnd endlich damit man wüßte/ wie vnd
was gestalt die zu halten/ eine Kirchenordnung
darauff gefasset/ welche den fürnemsten Pfarherrn
vnd Superintendenten/ öffentlich vorgelesen/ vnd
zu lesen geben zu Grimme vnd Keiptzig/ da denn
auch Erasmus Sarcerius etc. dabey gewesen/ wel-
che die alle/ vnd neben denen auch gemelter Sarce-
rius/ gütlichen approbirt vnd bewilligt/ wie sie ge-
stellet.

Vnd ist letztlich/ nach dem die sachen also von
der Landschafft/ Theologen/ vnd Kirchen dienern
bewilligt/ des Churfürsten öffentlich Mandat ge-
folget/ das jenige so also geordnet vnd bewilligt/ zu
halten etc.

Vnd diesem entsethet nu alle klage/ oder aber
aller schein derselben/ wider die Theologen/ so Adia-
phoristen genent werden/ als die nicht hetten dieser
gestalt weichen/ noch Adiaphorisiren sollen.

Wer aber solches an denen straffet/ der gibt ja
so viel zuuerstehen/ als hetten die Theologen also
denn Auffrühr drawnen/ aus dem Lande lauffen/
vnd

vnd verursachen helffen sollen / damit vollend ver-
derbet würde / was Gott erhalten / vnd bleiben gelas-
sen etc.

Vnd solten wol die Leien Gallum vnd Jlyris-
cum verdencken / als weren sie der meinung gewe-
sen / dieweil es mit dem Kriege nicht dahin geraten /
wie man gerne gesehen / das sie einen newen Bund-
schuch betten machen wollen / vnd also gewolt / das
alle Theologen aus diesen Landen geloffen weren /
sich zu inen versamlet / vnd ein Euangelium betten
hoffen predigen / das sie von des Keisers gewalt er-
löset / wie die Jüden einen Messiam haben wolten.
Aber mit der warheit vngeschertzt / vnd hie von an-
derawo.

Obgemelter Bericht / beide den Landsfürsten
vnd seine Theologos / vnd Landstende betreffend /
ist also klar in den Actis zu finden / auff die wir vns
beruffen / vnd sein die Sachen auff öffentlichen
Landtagen furgetragen / vnd in geheim nichts ge-
schlossen / das also angezogene Wandlung von den
Adiaphoris / der gantzen Landschafft kund vnd wis-
sentlich / Vnd soltē die vnwarhafftē vffrürische leute
dennoch bedencken das die Acta das ist alle Wand-
lung / wie die ergangen / itzt im öffentlichen Druck /
vnd beiden sprachen / meniglich fürgelegt sein / vnd
es sich nicht mehr / wie vor der zeit / von inen den
Glacianern vnd Galatern schreiben lassen wolle.
Dieweil aber je Gallus vnd seine Helffershelffer /
eben auff vorigem iren mörderischen / gedichten vnd
vnerfindlichen aufflagen / beruhen / vnd dieselben
dermassen widerholen / als ob kein Gegenbericht /
nie geschehen were / ist dennoch Gallus vnd die sei-
nen schuldig / vorhin die offenbaren Acta / so wider
C ij seine

seine beschuldigung fürgelegt / als falsch oder vn-
warhafftig / zu rettung seiner Ehren / zu beweisen /
Wollen auch es sol vns das Richterliche erkentnis
nicht abfallen / Denn weil die Acta stehen / Kan er
mit Recht / Gott vnd ehren / vnwiderlegt derselbi-
gen / mit keiner beschuldigung forsfaren.

W wollen wir auff dieses Mordtöblers Ar-
gument antworten / vnd anders nicht / als das me-
niglich in die Acta geführt werden / vnd allen Bes-
richt gegen den vrthuigen / leichtfertigen / vnwaren
Schreibern / daselbst holen.

Gallus schreibt / es sein sünden vor Gott / mit
den Adiaphoren oder mitteldingen begangen / vnd
in denen vnrecht gewichen / Beweist das mit zweien
gründen / Demonstration vnd Erweisungen / wie er
es nennet / vnd stehet der Wandel fast aller auff dem
ersten / darauffer auch selbs fast alles setzt / vnd mus
mit demselben grunde / seine klage wider die Adia-
phoristen stehen vnd fallen.

Derselbige erste grund Galli ist dieser:

Es sey nicht in den Adiaphoris oder Mitteld-
dingen / sondern in bekentnis der warheit gewichen /
vnd also Gott verleugnet (wie das seine wort sein)
Denn Adiaphora haben dazumal ire Natur vnd ei-
genschaft verloren / vnd sein nicht mehr frey vnd
Adiaphora gewesen / Sondern in vnchristlich ding-
per transubstantiationem, oder consubstantiationem ver-
endert / aus folgenden zweien vrsachen. Die erste /
das sie den anhang bekommen / das sie verdienst oder
Gottesdienst / zur seligkeit oder sonst nötig sein.

Die andere / Das sie sonst wider die waren Reli-
gion

ligion dienen haben sollen/vnd schleust hierauff als
für erwiesen/vnd erstritten/das der Theologen in
Sachsen vnd Weissen solche Adiaphora gewesen
sein/vnd darumb nicht mehr Adiaphora.

WJerauff sagen wir kürtzlich ad contestationem
litis/das dieses von Gallo zu Regensburg/vnd sei-
nen Helffershelffern/den Theologen in der Chur
Sachsen/vnd Weissen/auch vnsern Praeceptoribus
zu Witteberg/böslich/vnd mit der höchsten vn-
warheit auffgedichtet werde/vnd wissen Gallum
vnd seine Mitgenossen/were auch die sein/die sol-
ches obgedachten Theologen schuld geben/für kei-
ne Ehren/noch Biderleute zu halten/ehe sie diese
aufflagen beweisen.

Das aber die Theologen in Sachsen vnd Weis-
sen/mit keinem solchem anhang/als verdienst oder
Gottesdienst/oder sonst als nötig zur seligkeit/ire
Adiaphora jemals haben angenommen/oder bewillig-
et/wie denn dieses auch von niemand jemals ge-
sunnen/Setzen wir folgende erweisung aus den Ac-
tis/so öffentlich im Druck ausgangen/vnd sey-
nen trutz/allen gros vnd klein/das sie diese vnwar-
vnd vnerfindlich erweisen.

Etlich wird fast in allem Bedencken der The-
ologen vom Interim/so in den Actis eingeleibt/er-
innert/das vnterscheid zu halten sey/zwischen nö-
tigen vnd vnnötigen dingen. Es setzt auch das In-
terim selbs etliche Adiaphora nicht als zwenglich/
Vnd stebet im Bedencken zu Witteberg gestellet/so
vom Flacio zu Magdeburg in den Druck geschafft/
also/un Tittel von Ceremonien: A. 129.

Den wir wollen von denselben mitteldingen nichts
E iij zanken/

zanken/so viel den eusserlichen brauch belanget / also auch
irret vns nichts/man esse fleisch oder fisch/ Gleichwol mus
man die Lere von vnterscheide rechttes Gottesdiensts/ vnd
solchen mitteln vnnötigen dingen/nicht verleschen lassen/
wie sie vor der zeit schier ganz verlochen gewesen etc. Vnd
ist Gottes wille/ das man jederman von rechten Gottes/
diensten/ trewlich vnterweise.

Item/man lese das gantz bedencken vom In-
terim auff dem Landtag zu Weissen gestellet / vnd
durch den Druck zu Magdeburg verfesselt / stehet
von der Firmung folio 165. mit Reformation vnd ab-
stellung der misbreuch/so in dem eingefürt / Sonderlich
das es an jm selber zur seligkeit/nicht für notwendig gele-
ret würde/ Vnd vom Fleischessen x folio 174.

Was Fleischessen belangt/wird die Welliche Ober-
keit wol wissen zu ordnen/ Jedoch mit der mass / das kein
Cultus/das ist/Gottesdienst draus gemacht / noch die Ge-
wissen damit beschweret werden etc. Item in der Nottel/
auff dem Landtag zu Torgaw begriffen M in folio 230.
Vnd das solches als eine Welliche Pollicez vnd Ord-
nung gehalten werde / nicht als ein Gottesdienst oder
werck/das verdienstlich sey/vnd das solches auff den pre-
digstülen dem Volck klar angezeigt vnd berichtet werde.

Aber ausdrücklich stehen in Actis / da der
Theologen bedencken vnd yrsachen erzelt wird/war
umb die auff geschעהenes anhalten / in den Apo-
phoris zu weichen geachtet haben. Diese wort Ji
folio 19.

Wenn in dieser Ordnung zu forderst der grund vnd
Zeytpunct Göttlicher lere / vleissig vnd eigentlich solte
verfasset/auch daneben gnugsam verwart/vnd verschren-
cket werden/das die verordente Ceremonien vnd mittel/
ding/so umb frieds vnd erhaltung Christlicher lere/ auch
vergleis

vergleichung sucht vnd wolstand willen angenommen/
nicht als notwendige Gottes dienst / die seligkeit dadurch
zu erlangen / aufferlege würden.

Item im Bedencken der Theologen auff dem
Landtag zu Leipzig des XLVIII. vbergeben / stehet
also X^o am 268. blat. Denn die Lere vom rechten vnd
warhafften Gottesdienst / sol gleichwol in vnsern Kir/
chen bleiben / Nemlich / das rechte Gottesdienst sind alle
Tugenden vnd wercke von Gott geboten / nicht diese mit/
telndung etc.

Vnd nochmal im bericht der Theologen auff
sürfallende sorgfältigkeit der Landstende etlicher
Artikel halben / Ny 270. sind diese wort. Vnd ist in
allen Artikeln fürnemlich daran gelegen / das man gelarte/
Gottesfürchtige Prediger habe / die allezeit in allen stücken /
von rechter Lere / vnd rechten Gottesdienst / das Volck
wewlich unterweisen können.

Es ist auch sonst allwegen die Sach / auff nöth/
dürfftige erinnerung der Pfarherrn gesetzt / welche
die Leute von der Cantzel berichten solten / vnd also
alle ergernis ableinen.

Item es ist in allen Artikeln ausdrücklich aller
Aberglaube vnd missbrauch ausgeschlossen wor/
den / Wie denn dieses der fürnemste Aberglaub ist /
Gottesdienst vnd nötig ding aus den Adiaphoris
machen.

Es ist auch deutlich vnd offte ausgedruckt / das
rechte reine Lere sol dabey erhalten werden / vnd ste/
het in der Theologen antwort / irem Beschuldiger
zu Torgaw geschrieben / also : Zum fünfften / So sein
in der jetzigen Ordnung keine neue Ceremonien / sondern
die jetz gewöhnlichen Ceremonien sind vmb guter Ord/
nung

nung vnd gleichheit willen also gefasset / Vnd ist dabey so
offt ausgedrückt vnd erholet / das rechte reine Lere
sol dabey erhalten werden / Bbb 28). So ist nie nichts
anders / wie oben zum öfftern mal gemeldet / von dem
Churfürsten gesunnen noch begert / viel weniger von den
Theologen zugelassen / als was mit Gott vnd gutem Gew
wissen on abbruch der schrift / geschehen / vnd das dem
wort Gottes nicht entgegen / damit ja gnugsam ausge
schlossen / Alles was wider Gott / die Schrift vnd gute
Gewissen / wie denn dis fürnemlich sein muste / da Adia
phora für Gottesdienst gebraucht werden solten.

Vnd stehet klar in des Churfürsten Protestatio in
seinem öffentlichen Ausschreibē / mit diesen worten:
So wollen wir doch nochmals dir vnd vnsern Vnterthanen
hiemit vermeldet haben / das vnser wille / gemüt vnd
meinung nicht sey / vns in einigen mißbrauch / der wider
Gott / sein heiliges wort / vnd die Christliche Religion
ist / einzulassen / Sondern viel mehr das jenige zu fördern
vnd zu halten / das Gottes wort gemes / vnd zu erhaltung
der Christlichen Religion dienstlich / Darumb wir dem
vnd wie wir vnser Vnterthanen / in friede vnd ruhe er
halten vnd regiren möchten / zum höchsten sorgfältig sind.
Ccc 285.

Item man lese die schrift an die von Franck
fort / die auch in den Actis eingeleibt / so wird man
hie von / vnd andern / guten Bericht finden.

Vnd sein der kundschafft viel mehr in den Actis /
welche zu lang alle hie einzuführen. Wer richten will
mus die Acta gantz lesen / dazu diese vnser einweil
sung dienen solle.

Aber damit alle einrede vorkomen / vnd mit ei
ner kundschafft / den Sachen abgeholfen werde / ist
auff manchfeltige vnterrede vnd Dandlungen von
den

den Adiaphoris / nach dem die specificirt vnd be-
willigt / ein Kirchenordnung gefast / vnd der gestalt
zu fassen bedacht / das auch in den Weuprpuncten
Christlicher Lere / notdürfftiger vnterricht / dane-
ben eingeleibt würde / vnd berichten die Acta folio
278. Wie das darumb mit einzuleiben bedacht
worden sey / damit es nicht ein blosser Agenda were /
von Ceremonien allein / vnd so viel leichter die wider
zu mißbrauch geraten möchten / Sondern das da-
neben die Lere auch angezeigt / vnd mit was maß /
vnd wie die Ceremonien zuhalten sein solten.

Demnach beruffen wir vns auff alle Pfar-
herrn / vnd Superintendenten in der Chur Sach-
sen / vnd Weissen / denen dieselbig Ordnung öffent-
lich zu Grimme vnd Leiptzig vorgelesen worden / ob
nicht von den Ceremonien vnd Adiaphoren / diese
wort in derselbē stehen / wie die vns ein guter Freund
mitgeteilet hat / Nemlich:

Von Kirchen Regiment.

DAben sol man auch oft vnterricht thun / das
Gott aus vnaussprechlicher Barmhertzigkeit seine
Lere vnd verheißung geoffenbart hat / vnd hat seinen son
Ihesum Christum zum Prediger / Priester / Bischoff vnd
Pastor geweiht vnd gesetzt / vnd als bald im anfang ein
Kirchenregiment geordnet / welches er fur vnd fur im
Menschlichen geschlecht gnediglich erheit / Dieses solle
das heilig Euangelium predigen / die Sacrament austet-
len / Diener zum Predigamt ordnen / vergebung der
sünden verkündigen / denen die sich bekeren / vnd mit dem
Bann von der Kirchen ausschliessen / welche in öffentli-
chen

chen sünden wider Götliche Lere verharren/ vnd sol kein
ne andere Lere/zuwider dem Euangelio auffschreiben.

Und ist eine grosse vnaussprechliche gnade Gottes/
das er durch die stimme des Euangelij / vnd durch die
Sacrament in Menschen wirken wil/ vnd wirket / vnd
gibet dadurch den heiligen Geist/ vnd samlet im also eine
Kirche/ die bey Gott in ewiger welsheit / gerechtigkeit/
vnd freuden leben wird. Darumb spricht Paulus zum Rö-
mern 1. Das Euangelium ist Gottes krafft zur seligkeit al-
len die daran glauben. Item 2. Corinth. 3. Das Euange-
lium ist ein dienst/ dadurch der heilige Geist gegeben wird
etc. Vnd ist eine grosse gabe vnd wunderwerck/ das Gott
solche grosse ewige ding / durch armer schwacher Men-
schen / der Prediger mund wirket / Wie vnser Heiland
Christus spricht/ Wer euch höret / der höret mich / Vnd
wer euch verachtet/der verachtet mich.

Darumb sol man das Volk vleissig vermanen/ die
Kirchenregierung / das Predigamt vnd Diener des
Euangelij zuehren/ vnd dem Ampte darin/ Gote zu loben/
in demut gehorsam zusein.

Es sind auch Bischoff vnd Prediger schuldig/
die Lere des Euangelij trewlich zu predigen vnd zu leren/
vnd ein vnstrefflich vnd Christlich leben zu füren.

Vnd nach dem in der Kirchenregierung in diesem
menschlichen leben / auch eusserliche ordenungen / mit
Lection/ Gesenge / bestimpten Festen/ vnd dergleichen/
von den personen welchen die Kirchenregierung befohlen
ist/ dieser meinung gemacht werden/ das die öffentlichen
versamlungen ordenlich vnd zierlich gehalten werden/
wie S. Paulus spricht: Es soll alles in der Kirchen zier-
lich vnd ordenlich geschehen/ Denn es ist one allen zweif-
fel Gottes ernster will/ das öffentliche/ schöne/ ehrliche
versamlung in Kirchen gehalten werden/ Gott will auch
selb der schutzer darob sein / vnd sie erhalten.

zu sol

Zu solcher schöner ziere sollen die eufferlichen Ordes
nung dienen/ vnd solle das Volck vnterricht werden/das
solche werck nicht vergebung der sünden verdienen/das
sie auch nicht zur Gerechtigkeit vor Gott nötig sind / das
auch die vnterlassung one freuel vnd auffser dem fall der
ergernis nicht sünde sey / wie weiter dauon offte soll bes
nicht aus Göttlicher Schrifft geschehen / welches die
nötigen Gottesdienst sind. Vnd wie vnterschiede der
werck / die Gott gebotten / vnd solcher menschlichen ordes
nung zuhalten. Dabey sol aber das Volck vermanet wer
den / das ein jeder selb / in betrachtung / das zu erhaltung
des Predigamptes / vnd zu reichung der Sacrament / die
öffentlichen versamlungen zum höchsten nötig sind / vnd
das Gottes will sey / das wir dieselbtigen versamlungen
erhalten sollen / gerne vnd williglich darzu helfen wollen /
vnd wölle solche ordenung darzu dienlich / nicht zureissen /
Wollen auch hirinne das Exempel vnd Ergernis zu ge
müt führen. Denn so das junge oder grobe Volck verach
tung solcher ding bey andern sihet / will es auch vngibun
den sein / wird wilder vnd heidnisch / verachtet Zucht vnd
Tugend / vnd kompt nicht zu Gottes erkenntnis vnd rech
ter anruffung. Dieses gross ergernis / das folget auß fre
uentlicher verachtung nützlicher Kirchenordnungen / soll
ernstlich geschewet werden / vnd solle eines jeden leben zu
Gottes ehre vnd den Menschen zu guttem exempel fürs
nemlich gericht sein / wie S. Paulus spricht / Alles soltet
Ir thun zu Gottes ehre / vnd solt der Kirchen kein Ergern
is geben.

DJeses alles ist also mit dem Churfürsten Herz
zog Moritz etc. selbs / den Churfürstlichen Abeten /
Landstenden / auch Pfarhern vnd Superintenden
ten / des meiste teil in öffentlichen Landtagen vnd
versamlungen / gehandelt / vnd verlesen / vnd trutz
abermals dem Dan mit federn vnd allem / das er
D ij es anz

es anders darbringe / Dieses sey auff den ersten teil
des ersten grunds geantwort / da der vnware Gal-
lus krehet / wie bey den Adiaphoristen / die Adia-
phora den anhang bekommen / das sie verdienst odet
Gottesdienst zur seligkeit nötig sein etc.

Dr das ander sagt er / die Adiaphora haben
sonst wider die ware Religion damals dienen sol-
ten / dieses ist noch vnverschempfter gedichtet / denn
oben aus den Actis bericht / das diese Wandlung
vnd einfürung der Adiaphoren alle derhalben für-
genommen vnd dahin gemeint / damit durch allen
möglichen / billichen vnd Christlichen gehorsam /
weichen vnd dienstbarkeit / die ware Religion in die-
sen Landen erhalten / vnd verwüstung der Kirchen
abgewendt / auch den Nachkommen zu erhaltung
warer Lere gedienet würde / vnd dieses lassen wir
abermals die Acta sagen / on einigen zusatz an sol-
genden orten.

Wüssen aber zuvor erinnern / das oben bericht /
wie Wandlung von den Adiaphoren / vor der In-
terims zeit / von vergleichung der Ceremonien / in
diesen Landen Christlicher zucht / vnd gewisser ord-
nung wegen / fürgenommen sein / darauff nachmals
das Interim mit fürgefallen. Nu folget in Actis
im Churfürstlichen fürtragen auff dem Landtag zu
Weissen am 157. Blat.

Wd wolt euch mit antwort auff der Keiserlichen
Majestat begeren / dermassen eneschliessen / damit man
auff Key. May. ferner erinnern gefast sey / vnd die Key.
May. vermercken können / das wir vnd jr geneigt sein /
vns in allem / was zur Christlicher vergleichung / ruhe /
fried vnd einigkeit dienstlich / vnd mit Gott vnd gutem
Gewissen

Gewissen geschehen kan/unterthenigst gehorsams zuver/
halten. Vnd folgen ferner daselbst diese wort.

WJe dieses fürtragen also verlesen/ist nachmals
das Buch INTERIM den beschriebenen Sten/
den/verantwort/vnd ferner von des Churfürsten
wegen / begert worden / das sie sich nicht wegern
wolten/Key. May. in allem/so vnerruckt der war/
heit/Göttliches worts/vnd on verletzung der Ge/
wissen/einiger weise geschehen köndte/zu weichen/
vnd zu gehorsamen/beide von fried vnd einigkeit we/
gen/vnd denn allerley fürstehende gefahr abzuwen/
den/Was aber dem Nichtscheid Göttliches worts
nicht gemes/das wolten die Herrn Theologen an/
zeigen / denn Churfürstliche Durchleuchtigkeit
gantz nichts/das vngöttlich/zulassen wolten etc.

Item/man lese die gantz Churfürstliche In/
struction zu der Pegawischen Handlung vberge/
ben/am 149. Blat/welche zu lang einzuleiben / vnd
doch hieher nötig zuverlesen / Stehet aber doch
folio 195.

Was gestalt Keiserliche Matestat dis falls beant/
wort werden sol/damit man irer Matestat vngnaden ver/
meiden/auch derselben weiter Mandat/oder Gebot vor/
kommen / vnd sich gleichwol/ Gottes / vnd der Gewissen
halben gnugsam verwaré möchte/Vnd abermals 196. Ee.

DJeweil denn vnser meinung nicht ist/das wir/ oder
die vnsern halsstarrig/vnd pertinaciter vmb vnser vnd der
vnsern ehre vnd rhum willen / auff vnserer meinung ver/
harren / vnd wie sichs von etlichen ansehen lest / ehe das
Land bekriegen/verwüsten vnd verderben lassen/ehe denn
wir in etwas/das doch on Gottes vnd der Gewissen ver/
legung

legung geschehen möchte/entweichen wolten / So sollen
vnser Rhetor/vnserm Oheim/dem von Anhalt/ vnd den
beiden Theologis zu gemüt führen/das durch diesen Rath
schlag den Landen geholffen / vnd entholffen werden
kan/Darumb sey vnser bitte vnd beger / seine Lieb vnd sie/
wolten sich eins teils halsstarriger Leute/die nicht viel zu
verktren haben/gar nicht bewegen/noch auch etwas an/
fechten lassen / Sondern raten / das in allem entweichen
werde/das on verlegung der öffentlichen/heiligen/Götze-
lichen schrift geschehen kan / Denn vnser meinung ist/
Gott was Gottes ist / zu geben / vnd alles was des Kai-
sers ist dem Kaiser / als von Gott geordenter Oberkeit/
vnd in allem was on verlegung Gottes geschehen mag
zu entweichen / vnd die Sach mehr zu einigkeit / denn zu
zwiespalt zurichten/damit vnser Land vnd getrewe Vn-
terthanen/vnverderbet / vnd gleichwol bey Gottes wort
bleiben. Sie wolten auch bedencke/welchs besser sey/in al-
lem was mit ichtem on verlegung Gottes geschehen kan/
vnd dadurch der grund warhafftiger Religion / das ist/
die reine Lere vnserer Rechtfertigung erhalten werde / zu
entweichen / welche Lere Gott der allmechtige / als den
guten samen/nicht on frucht lassen wird / oder ob es besser
sey/gestraft vnsern willen vnd autoritet zu erhalten/die ding
auff die wege eines Kriegs zu setzen / dadurch endlich die
ganze Religion (da Gott gnediglich dafür behüte) ver-
drückt vnd gebempfft werden möchte / Vnd wolten sich
demnach also verhalten/das es mehr zu Gottes ehre vnd
verhütung des verderbens dieser Land gereiche/ als wir
des zu irer Liebden/ freundlich / vnd zu dem andern gne-
diglich versehen.

Item/ man lese das antragen auff den Land-
tag zu Torgaw/am 214. Blat.

Vnd was bald darauff folget. 215. Blat.

Item

Item 216. wird von den Theologen begert/dits
lauts / ob sie etwas mehr befunden / darinnen on
abbruch der Schrift kündte der Key. May. zu wil-
len gelebt werden / das sie in dem allen jr bedencken
wolten anzeigen / vnd die sache zu Gottes ehre vnd
dabin richten helffen / damit ruhe vnd fried der
Landen erhalten / vnd die gefahr / die gantze Christo-
liche Religion auszurotten / abgewendet werden
möchte.

Item man lese das gantz bedencken der Theo-
logen / warumb die in den Adiaphoris gewichen /
in Torgischen Landtag eingeleibt 217. Blat / kan
von der leng wegen / auch nicht hie gesetzt werden /
vnd doch von denen die richten wollen / zuverlesen
keines wegs ehrlichen vnterlassen werden / Stehen
aber doch am 218. Blat diese wort :

Erstlich das vnser teil je vnd allwegen / vor der zelt sich
erboten / da die ware Lere vnerruckte bleibe / in allen an-
dern zu weichen / wie das in der Augsburgischen Confes-
sion / in der Apologia zu finden / vnd sonst aus allen Hand-
lungen vnd schriffteu wissentlich. Da man nu dem wider-
komen solt / das es bey vielen zu grosser halstarrigkeit / vnd
alle erbietung / als vff einen schein gethan / gedeutet würde
werden / das man sich auch des im geringsten nicht wolte
erzeigen / vnd kündte dieses viel Leute von vns abwendig
machen / die darumb von vns vnd vnsern gangen teil desse
weniger halten würden / Möchte auch denn so viel mehr
ursach in diese Kirchen / weiter zu dringen genommen wer-
den / das vielleicht wol verbliebe / da man spüret vnser gut-
willigkeit in mäglichen vnd zimlichen dingen.

Item folio 219. Item da die Adiaphora oder mit-
tel ding recht gefast / vnd in ein Christlich vergleichung
vnd gute Ordnung gebracht würden / were es desse bas
auff.

auff die Nachkommen zubringen / Denn da in der ungleichheit vnd confusion / mancherley gebrauch bleiben solten / vnd denn die jetzigen Lerer verstürben / were zubeforgen / das eine viel nachteiligere vergleichung möchte hernach fürgenommen / auch die reine Lere als denn in gefahr gesetzt werden / welches jetz alles durch Göttliche gnade zuuert waren were.

Item fol. 121. Vnd dieweil sich ansehen ließe / als were zu hoffen / da sich die vnsern in solchen mitteldingen / wie das erbitten allwege gewesen / nicht häre erzeigren / vnd sich mit der that beweiseten / damit Keiserliche Majestät vnd meniglich zu spüren / das es in allen zimlichen vnd leidlichen Artickeln / zu guter vnd Christlicher vrgleichung / nicht mangel sein würde / das als denn diese Kirchen / bey den Hauptpuncten Christlicher lere vnd frey Pfarhern erhalten / vnd nicht solche zerrüttung / wie anderswo / zubeforgen sein solte etc.

Vnd bald hernach Dieweil denn die Ceremonien vns dienen sollen / der Kirchen zum besten / zugebrauchen / hat man dafür gehalten / das die nimmermehr besser angenommen / getragen vnd gebraucht werden köndten / denn da sie hirtzu dienen solten / das die reine Lere erhalten / vnd auff die Nachkommen gebracht werden möchte. Item folio 223. Da aber vber solches weichen / in Adiaphoris oder mitteldingen / solte begert werden / das der empfangen reinen Lere vnd Göttlicher ordnung / vnd einsetzung zuwider / vnd zu auffrichtung der schedlichen misbrauch gerethen solte / müße man beten / das der liebe Himlische Vater / vmb seines lieben Sone / vnsern Herrn Ihesu Christi willen / seinen heiligen Geist / sterck vnd gnade allen verleihen wolte / alles am gut / leib vnd leben / was sein gnediger wille were / zu leiden / damit man vom erkentnis vnsern lieben Herrn Ihesu Christi / vnd seiner vnaußsprechlichen liebe nicht gesündert / oder ichtes thut
oder

oder willigen solte / das seitem heil:amen Wort entgegen /
Wie das auch der Churfürst Herzog Moritz, sampt ganz
der Landschafft allwegen erbötig gewesen.

Item in der Cellischen Wandlung fol. 231. ste
het Klare. Vnd die Kirchen in diesen Landen dermassen
bestellet werden möchten / damit Key. May. auff jr bes
gern vnd anhalten / in allem (so mit Gott geschehen
kündte) gewichen / an jm selbs ordnung vnd zucht gera
ten / aller vleys gebürlichs gehorsams bewiesen / vnd vor
stehende gefahr abgewendet würden / vnd dieses alles mit
einander zu erhaltung der reinen vnd waren Lere dienet /
dabın es denn alles endlichen gemeinet vnd gerichtet / vnd
der vrsach halben / alle Handlung surgenomen worden
sein. Vnd wird dieses widerholet fol. 232. Item
man lese das 240. Blat. Item 243. in der Chur
fürsten Gesandten antwort / stehet also: Vnd
dieweil dis werck von euch / auch von vns / trewlich vnd
von hertzen gemeint / So ist Gott bekand / das wir wis
sentlich nichts suchen noch raten / das wider Gott / sein
Göeliche ehre / vnd sein heiliges Wort / mit ichte sein
möchte / Seellen auch in keinen zweifel / L. S. G. vnd jr
werdet nicht weniger / diese zuuersicht vnd vertrauen / zu
vnserem gnedigsten Herrn vnd vns haben / denn sein C.
S. G. vnd wir dieselben zu euch tragen etc.

Item man lese das 272. Blat / im Leipziger
en Landtag / Fürnemlich aber sol man lesen der
Theologen antwort in der Torgischen Wandlung
am 280. Blat. Item 280. liestet man folgende wort:
Zum andern / So ist diese Ordnung / die bedacht ist /
fürnemlich zu einer ehrlichen gleichheit der Lere / vnd Cer
emonien in diesen Kirchen bedacht / vnd nicht zu ster
kung des Pappsthumbs / Vnd ist war / das in der ersten
visitation / da an vielen orten die Privat absolutio / Sechswö
chen / vnd viel ehrlicher Ceremonien / ganz abgethan was
ren /

ren / hat man derselbtigen etliche widerumb auffgerichtet /
Vnd ob wol die zeit auch Eisleben vnd andere schrien / wir
richten das Bapstum widerumb auff / so ist gleichwol
solche auffrichtung der Ceremonien nicht dafur gehalten
worden. Vnd so man durch diese Ordnung / zu besser Diszi-
plin komen köndte mit dem Bann / vnd andern züchtigen
wesen / so were es seer gut / vnd wir wündschen solches
von hertzen / arbeiten auch das die jugent zu Kirchen vnd
Ceremonien gezogen werde / so viel vns jmer müglich /
wissen aber wol / das viel Leute also verwenet sind / das sie
zu viel freiheit haben wollen / vnd streitten mehr von eig-
ner freiheit / denn von hohen nötigen Artikeln Christli-
cher lere / vnd von rechter vnd falscher anruffung vnd gut-
ter zucht etc. Zum dritten / ob man gleich spricht / diesel-
weihen geschehe aus furcht / darnumb stercke man das
Bapstum. Wenn gleich diese furcht auch ein vrsach wer-
re / so ist doch solches nicht zu straffen / das wir nicht vn-
fern Personen zu gut / sondern dem Volck / Kindern / vnd
dem ganzen Regiment zu gut furchtsam sein / so fern das
wir zu erhaltung nötiger Artikel / in vnnötigen weichen /
Besunder weil geschrieben stehet : Man sol leiden wo es
nötig ist. Item / Ir solle friedlich sein mit allen / so viel an
euch ist / Vnd ist eines jedem Gewissen eröstlich / so er
weis / das er von wegen nötiger sachen leidet / vnd nicht
vrsach gibt in vnnötigen jm selbs zu leiden / vnd sonst zu
zerstörungen.

Item 283. in der Grimmischen Handlung lau-
tet des Cuhrfürsten mündliche Protestatio / das seine
meinung niemals gewesen / das man einige ender-
rung in der Lere / oder nötigen Artikeln machen sol-
te / vnd das er bisher nichts anders begeret / auch
damals in keinem wege gesinnete noch begerete / als
was mit Gott vnd gutem Gewissen geschehen kön-
te / Vnd das allein sein begeren were / das die Prie-
ster

ster/etliche eufferliche gebreuche / in ordnung der
feste / Lectio / vnd Kleidung halten wolten etc.
Wie in der Agenda verleibet.

Wd diesem allen sol man auch die beide Briue
an Franckfort vnd Damburg geschriben / verlesen/
wird man dergleichen viel vnkund finden.

Wch darff Gallus der ehrliche Dan schreiben/
wie folgende seine wort lauten: Es sein die Adia-
phora wider vnser ware Religion öffentlich fürgenoe-
men gewesen.

DJeweil denn nu diese beide seine gründ vnd
vfflagen / als bösslich / vnuerschempt / auffhürisch
vnd mörderisch gedicht / vnd vnwar erwiesen / vnd
das die Adiaphora nicht den anhang gehabt / den
inen Gallus auffleget / noch wider die warheit ge-
diener / so ist auch alles was er hieraus schliessen
vnd folgern wil / entwicht / vnd leit allhie sein erster
grund / sampt allem so darauff gebawet / als öffent-
lich vnwar / für augen / vnd sind Adiaphoren in allen
diesen Handlungen blieben / was sie bey Christen
sein / vnd nichts anders worden.

Was der Keiser mit dem INTERIM gemeis-
net / ist oben gemelt vnd wissentlich / weist auch des
Buchs namen aus / Was aber der Churfürst Dero
zog Moritz sich darauff erbotten / besehe man in den
Actis / vnd stehet Gallo vnd seinen Dänern zu be-
weisen / das einiger Punct / so der waren Christli-
chen Religion zu wider / im INTERIM geboten /
von dem Churfürsten / bey seiner Landschafften vnd
Theologen erfordert / viel weniger von den Theolo-
gen vnd Landstenden angenommen sey / Denn es
nicht am gebieten / sondern am erbieten vnd volgen
der fall stehet. Er beschuldiget auch vnser Kirchen

verleugnis Gottes vnd Abgötterey / alles aus obge-
satztem grunde / von welchen vrkund angezeigt / das
er böse / vnwar vnd entwichr.

Woch vnangesehen des alles / dieweil das die-
ser mörderlichen Leute einiges vnd ewiges Liedtm
ist : Adia phora in casu confessionis non sunt Adia phora.
Wie nechst Weigand zu Magdeburg auch geschrieb
hen / Das mittelding / wenn es die Christliche war-
heit bekennen gilt / nicht mehr mittelding / Vnd sein
die groben Gefellen so vbel gerüst / das sie auch er-
wan Schweinen fleisch essen bey den Jüden / vnd
Weirauch an der Abgötter gereuch / den Christen /
für Adia phoren eingefüret vnd exemplircirt haben.

Stehen hierauff vnser Kirchen bekentnis vom
Interim / im öffentlichen Druck vor augen menig-
lich / sein nu Biderleute / die weisen der warheit zum
besten / das einige Abgötterey des Interims gebil-
licht / vnchristlich / vnrecht / vnwar / für Christlich /
recht vnd war gesprochen / vnd Christliche bekent-
nis der warheit / in denselben vnserer Theologen
schrifften / oder sonsten / nicht geleist sey / können sie
das nicht erweisen / so bleibt die vi warheit auff
inen / vnd volget das allein von rechten vnd waren
Adia phoren gehandelt vnd gewichen sey. Als nem-
lich in denen / da es mit Gott vnd gutem Gewissen
hat geschehen können / Wie denn die gestellte Kir-
chenordnung / so in grosser anzal der Pastorn / laut
der Acta / öffentlich verlesen vnd approbirt / ausrech-
sen mus / dieweil denn die Confession oder bekentnis
aus Gottes gnaden geleistet / bleibt der streit von
den blossen Adia phoris / vnd die nichts anders sein
denn Adia phora / Ist auch an jm selbst wunderbar
zu hö

zu hören/ Das Adiphora nicht Adiphora /
das ist Mittelding nicht mittelding sein sollen/
wie alle verstendige mercken / es rede das oder schrei-
be es wer da wolle / Denn Adiphoron heisset / einse-
tig zu erklären / alles / das mit Gott vnd gutem Ge-
wissen / gethan oder vnterlassen werden mag / Sind
nu die Adiphora falsch oder Al göttisch / wie sie
sagen / so mus volgen / das dasjenige so mit Gott
vnd gutem Gewissen gethan / oder vnterlassen wer-
den mag / vnrecht vnd Abgöttisch sey / das klünge
eben / als wenn jemand sagt: Ein hältzen Fehereis-
sen / ein ströhener Federpusch / ein rostige Wellepars-
ten / oder Stadtschreiber auff einem Dorff / vnd der
gleichen. Denn so es mit Gott vnd gutem Gewis-
sen gethan / oder gelassen werden mag / so kan es ja
nicht falsch oder Abgöttisch sein / man thue es oder
lasse es.

Flacius gibt ein Exempel von einem falschen
Bruder / saget vnchristliche Adiphora lauten wie
ein falscher Bruder / Denn sey er falsch / so sey er
kein Bruder. Ist er aber ein Bruder / so sey er nicht
falsch / das war doch nicht als ein Exempel oppoliti
in adiecto zulassen. Denn es kan ein Bruder wol
falsch sein / das erklären wir mit seiner des Flacii ei-
gener Person / da er zu Witteberg / als ein Professor
neben seinen Praeceptoribus war / schreib er keun-
lich / vnter gedichtem Namen / wider seinen Praeces-
ptor vnd Witruerwandre / die er als Vetter vnd Brü-
der hette halten sollen / Wie man sich denn zu jm / als
einem Bruder / alles guts versah / schriebe nemlich
den Mariani / vnd andere saubere arbeit / wie er des
sich zu erinnern weis / Da war traun Flacius ein
L iij Bru

Bruder/ vnd ein falscher Bruder/ beides zusammen/
vnd nicht ein fromer Schalck. Denn from kan
nicht schalck sein / vnd schalck nicht from/ Aber
dieses setzen wir auch zun Lichtern / vnd gehört in
die Dialecticam/ darinnen Flacius fertig ist/ hinten
vnd fornen.

Woch was die Leute setzen / das mus gelten/
vnd was sie surgeben/ das mus man gleuten / wer
auch das nicht thut/ der ist in irem sinn des Teuf-
fels/ denn dahin haben sie es bracht / wie sie sich
düncken lassen / das alle jr schnuderwerck / Weils
thumb / vnd was jnen sonst entferet / reuchwerck
sein mus. Item es gehört aber zum bekentnis der
waren Lere auch dieses/ das man Adiaphora nicht
Gottesdienst sein lasse / noch die dafür anneme/
Das aber auch diese bekentnis / Christlich vnd be-
stendiglich geleistet / ist oben erwiesen / vnd dieses
heißt Casus confessionis in Adiaphoris.

W mus man Gallo auch ein wenig von seinen
Interlocutorijs im ersten grund/ den Menschen zu ge-
fallen/ vnd das Creutz zu meiden sagen/ Denn also
Frehet er / Ir habt dem Keiser zu gefallen gewick-
en/ vnd ewren Landen zum besten / darumb seid ir
Abgöttisch vnd Verleugner. Diemit gibt Gallus
klar zuverstehen/ das er doch nicht klar hat schreib-
ben dürffen oder wollen/ Das Adiaphora / wenn
sie dem Keiser zugefallen/ vnd von gemeiner wolfsart
wegen/ angenommen worden/ auch nicht mehr Adia-
phora sein/ denn diese zween anheng hat er droben
nicht gesetzt vnter den andern/ welche die Adia-
phora in vnchristlich ding transsubstantirn / Die steo-
het es abermal auff dem/ das man wisse / was man
gegen dem Keiser sich erboten/ vnd dem zu gefallen
gethan/

gethan/nemlich was mit Gott vnd gutem Bewiſſen geſchehen köndte/ das kan nichts anders ſein als Adiaphoren/denn dieſe allein können mit Gott vnd gutem Bewiſſen / den Leuten zugefallen angenommen werden/vnd iſt niemals einige verenderung in der Lere/bey den Landſtenden vnd Theologen/geſucht/oder etwas hierinnen zu weichen geſonnen.

ES iſt auch der grund Gallo genommen / vnd hinweg/das die Adiaphora den anhang bekommen/den Gallus meldet / der ſie in Abgötterey vnd vn-chriſtliche verleucknung verendert habe. So folget nu/das man den Feinden/ wie ſie Gallus nennet/das iſt/dem Römischen Kaiſer (denn dieſer hat das INTERIM erfoddert/vnd nicht der Papſt/dem es entgegen/wie nachmals ferner ſol bericht werden) in dem ſo mit Gott vnd ehren geſchehen möchte/zu weichen ſich beuliffen habe / vnd alſo Kaiſerlicher Maieſtet allen müglichen vnd ſchuldigen geſeham auff Erden zubeweifen ſtehet / das in dieſen Landen/etwas wider Gott/vnd die warheit zugeuerden / Key. May. zu gefallen fürgenommen ſey/ Sondern alle nörtige Lere / aus Gottes gnaden/trewlich bekant / beſtetigt vnd erhalten / wie die Acta vñ darauff geſtelte Kirchenordnung/laut der Acta/ausweiſen/Bleibet nichts anders/ das Gallus ſtraffen kan / als das man Key. May. ſchuldig vnd Chriſtlichen gehorſam geleistet / vnd hat leiſten wollen.

WJe ſehet dennoch Gallus mit zu/das er nicht zu laut Frehe/vnd ſein Geſang die Thonaw hinab flieſſe/wenn er ſampt ſeinen zugethanen/die jen igen verdammen wil / vnd für verleugner Chriſti / vnd
Deuchler

Deuchler ausschreien / vnd also meniglich zum wu
derspiel führen vnd leiten / die Key. Matheer allen
Christlichen / schuldigen gehorsam / zu leisten sich
beulissen / Denn er Gallus dennoch zu bedencken /
das Regensburg nicht Magdeburg / vnd wer hier
an Interesse hat / auch einsehen zu haben verursacht
werden möchte / denn damit ja kein missverständnis
stat hab / sagen wir noch ein mal / das in keinem
Artikel / gros oder klein / Key. May. gewichen / da
es Christlich nicht habe geschehen können / Vnd
damit wir weiterung verhüten / weisen wir menig
lich in die Acta / wie die im Druck vor augen / vnd
sol hie von im andern Artikel mehr geredt werden.

ES sagt auch Gallus ferner / das durch solche
einführung vnd Exempel der Adiaphoristen / auch
andere gelert werden / den Feinden in Lere vnd Cer
remonien zu heucheln / vnd vnter dem namen Adia
phora Mess lesen / vnd andere gewel on nachteil
der warheit / wie die Praeceptores zu Witteberg ge
than / treiben mögen / dieses halten alle die rechten
wollen / gegen obgesetztem Bericht / vnd wie der
nach der leng in Actis / vnd heissen Gallum war
machen / das man den Feinden in der Lere gewi
chen / impia / Gottlose ding / Mess lesen / vnd andere
gewel / für Adiaphora angenommen / daran sich al
so jemand zu ergern habe. Was die Theologen
zu Witteberg für Rhat geben haben allen / so des
Interims halben bey inen angefücht / wissen die ier
nigen / so der mitgeteilt / zu berichten / Vnd sein etli
che Rhat schlege / an etliche Stedt / Fürsten vnd
Land / bey den Actis gedruckt / wer daran mangel
hat / mag den anzeigen. Was nu ein jeder zur In
terims

terims zeit sich gehalten / vnd dieser itsigen zeit thue
oder lasse / vnd künfftig thun vnd lassen werde / las
sen wir einen jeden verantworten.

Als aber die Theologen vnd Landstende in
Weissen gethan / ist in den Actis beschrieben vñ ver
antwort / vnd niemand anders vnd anderer ort je
mals damit beladen worden / Sondern einem jeden
verbesserung gegünnet / Vnd setzen abermals den
Richtern zu erkennen / ob gedachte Theologen des
Interims halben / so vbel gehandelt etc. Das sie
lieber in allen müglichen vnd Christlichen dingen /
weichen / denn Krieg vnd vertruckung der waren
nötigen Lere / in die Land haben ziehen wollen / oder
ob Gallus vnd andere seine Gesellen / zur Interims
zeit das gehandelt / das sie ire Kirchen zum teil ver
lassen / zum teil ire vnd andere Kirchen / in eusserste
gefahr vnd verderben gesetzt / vnd allen billichen ge
horsam verdampt vnd verworffen haben / Davon
bald mehr.

Item er schreibt in denselben Interlocutorijs /
den Papisten werde also anleitung gegeben / newe
Interim zu machen / vnser Kirchen damit zu hin
terschleichen. Dierauff antworten wir / was den
Papisten gegen vnsern Kirchen zu thun sey / leret sie
nicht der Theologen in Weissen Rhat schlege vor
12. Jaren gestellt etc. Sondern der Passawisch ver
trag vnd Augsburgisch vnd Regensburgisch ab
schied / & econtrá / des man sich beider seits halten
sol / & leges presumunt unumquemq; esse bonum uirum.
Vnd sollte sich Gallus mit vnserm D^EX^A Gott be
kümern / der mittel finden würde / wo dem nicht
gemes gelebt werden solte (wie denn des frische vrs
kund) vnd seine allmechtige Hand nicht verkürtzet /
S dem

dem wir vnseren Kirchen ferner befehlen / Vnd
achten dafur / Gallus besorge sich keines Interims
in corde suo &c. / ob er wol dis vnd anders in seinen
Interlocutorijs schreibt / Vnd sehe er Gallus zu / das
er nicht selbs vnsern Kirchen / etwas böfers als ein
Interim verursachen helffe / Bedencke auch aus
allen Exempeln / das es an im selbs ausgehen möch-
te etc.

Wenn wir aber je Gallo dienen wolten / könd-
ten wir allhie einen grund setzen / den Gallus für
sucht vnd grosser scham / nicht hat schreiben dürf-
fen / vnd solte wol der Deuptgrund / vnd grund ab-
ler gründe sein / vnd wenn man schnappen lassen
dürffte / wolten wir also setzen / Das Adiaphora als
denn fürnemlich vnd vor allen anhangen in vn-
christlich ding / Abgötterey vnd verleugnung des
Glaubens / Mameluckey / vnd noch ergers / verkert
vnd transubstantirt würden / wenn sich ein Fürst
derhalben einliesse / was gestalt auch das geschehe
dem wir feind / vnd da vnd dort nicht wissen wol-
ten / vnangesehen ob gleich die Vorfaren vnd Nach-
komen / eben dieses auch gethan hetten etc. Dieses
were ein Euangelium / daran man wol ein zwelfff
Jar predigen köndte / wenn einer gleich kein Bibel
hette / vnd andere Bücher etc. Vnd solte wol Flacio
vnd Gallo das hertz treffen sein / Aber still / Lep-
pisch.

Das Gallus ferner schreibt in seinen Interlocu-
torijs / man habe gewichen / das Creutz zu meiden /
vnd darumb Abgöttisch vnd verrheterisch an der
Religion gehandelt / möchte jemand fragen / War-
umb Gallus von Regensburg vnd seiner Kirchen
gelauffen were da der Keiser Carol V. Victor in
der

der nebe etc. Wir achten jm hab gegraut / vnd sein
liebes Creutz meiden wollen / So müste folgen / das
er Abgöttlich vnd verrheterisch gehandelt / denn er
vnsers wissen / seine Kirche vnbestalt verlassen / Dar-
nach auch da er von Witteberg gen Magdeburg ge-
lossen / nam er abermals ein Wawer für ein Bantzer.
Aber was er Gallus gethan / lassen wir in verant-
worten / vnd können sein Person für kein gut Exem-
pel brauchen / jedoch ein solcher steiffer vnd vnuer-
zagter Peltz / der alle schwache vnd blöde tod haben /
vnd dem Teuffel geben wil / solte billich seine Kirche
auch mehr als sein leben bedacht haben.

WArumb aber in den Adiaphoris gewichen /
ist oben angezeigt / denn man versuchen gewolt / ob
mit allen müglichen / dienstbarlichen / vnd doch
Christlichen weichen / die reine Lere / diesen Landen
behalten / vnd also auch vngleichen leuten / die nicht
alle starck / sondern viel schwachen geraten / vnd ge-
meine Landschafft / vor vnnötigen schaden bewa-
ret werden möchte. Das stehet nicht zu leugnen /
vnd bey Richterlicher erkenntnis / ob daran vnchrist-
lich vnd Abgöttlich gehandelt sey. So ist auch hier
in dieses bedacht worden / wie Adiaphora frey ab-
zuwerffen / also auch die frey stünden / anzunemen.
Vnd dieweil die Adiaphoren vnd Ceremonien vns
dienen sollen / der Kirchen zum besten zu gebrau-
chen / hat man dafur gehalten / das die nimer besser
angenomen / getragen / vnd gebraucht werden könt-
ten / denn da sie hiez zu dienen solten / das die reine Lere
erhalten / vnd auff die Nachkomen gebracht wer-
den möchte / vnd also mit keinem schein noch schuld
das Creutz herzu ziehen vnd verursachen wollen.

Da aber etwas vber alles Christliches / mögliches weichen / ferner gefoddert / vnd darauff thetlich fürgenomen werden solte/hat sich der Landasürst/ Landstende vnd Theologen / gnugsam erkleret/was sie zuthun bedacht/ wie in Actis zu finden. Vnd sollen alle / die so hierüber sprechen / vnd vrteilen wollen / der Theologen gantz bedencken/ von den weichen in den Adiaphoris einnehmen vnd bewegen/das beide anderswo in den Actis vnd fürnemlich in den Handlungen des Landtags zu Torgaw gehalten/beschrieben/dahin wir hiemit die jenigen gewiesen haben wollen / welche auff verhör beider teil/vnd nicht eines allein/wie fromen Richtern zu stehen/hierinnen vrteilen wollen vnd sollen. Vnd kürztlich hie von zu reden/ist zweierley Creutzflucht/ Eine da man aus furcht des Creutzes / vnd zeitlicher leiblicher scheden/ wider Gott/Gewissen vnd ehren handelt / von solcher furcht stehet geschrieben: Wer etwas liebers hat / denn mich / ist mein nicht werd. Vnd hat Gott die Theologen / Pfarrherr vnd Kirchen in Meissen/ laut der Acta/dafür gnediglich behütt / dem man dafür zu danken schuldig / denn es seine gabe allein ist / vnd stehet nicht allein in Menschlichen krefften etc. Vnd leßt sich ansehen/als habe Gallus die Adiaphora lieber gehabt als Gott/ vnd der Kirchen Gottes wolfsart etc.

Die ander ist diese/da man zuuerhütung zeitlicher vnd zeitlicher scheden / Christliche mittel vnd wege braucht / vnd was man dadurch abwenden kan/nicht herzu ziehen wil/Dieruon stehet geschrieben: Estote prudentes/Seid fürsichtig. Es gehört auch hieher: Non tentabis Dominum Deum tuum.
Du solst

Du solst Gott deinen **DEXXN** nicht versuchen.
Item/Leidet wo es von nöten ist/welches billich
kein Creutzflucht kan genennet werden / Ist aber
auch hierinne einer stercker denn der ander / nach
dem die gaben vngleich / vnd sein nicht viel die S.
Lorentzen stercke haben/ausgenommen Glacium vnd
Gallum. Wie nu dieses / vnd wie ferne von den
Theologen gebraucht/was auch dis falls bedacht
worden sey / Vnd ob sie die Theologen sich selbst/
oder andere bedacht haben / das lese in den Actis
ob gemeltes ortes/wer vrteilen wil/vnd nicht vnuer
hörte verdammen etc. Können doch nicht vntero
lassen/folgende wort am 222. Blat einzuleiben / die
lauten also: Vnd haben demnach die Theologen fer
ner bedacht/das sie hierinnen nicht allein sich bedencken
müßten/nach anderer schwachheit / nach irer verhofften
stercke/messen vnd achten / Sondern in dem der schwach
chen sich annemen / welcher auch vnter denen viel sein
möchten/die sich damals am aller beständigsten vnd ster
ckesten düncken ließen / Wie denn dieses ein Exempel in
dem heiligen Petro fürgestellt wird/des Geist auch wil
lig/aber das fleisch schwach ware / Vnd warnet der hei
lige Paulus / der da stehet/das er zusehe/das er nicht falle.

DA nun sie die Theologen auch der zeit/vber
vielfeltiges voriges erbeiten in Adiaphoris ichtes
einzurümen/wölten hart vnd steif sein/vnd die an
dern darzu bewegen/vnd fiel darüber ein ernst für/
vnd würden nur erst vmb wegerung der mittelding
aus iren Kirchen geweisset/vnd also die Kirchen ver
lassen / (wollen herters geschweigen) köndte sich
zutragen/das viel armerleute als den weichen wur
den/vnd darüber auch die Hauptlehr fallen/dar
S iij. aus

aus den aller fluch vber die Theologen folgen müßte
das sie die one not darein gefüret / vnd ire gewissen
bestrieket / inen sünde gemacht hetten / da keine
Sünd ist / vnd sie die armen leut darüber ver lassen.

Vnd sonder zweiffel die jenigen / so bis anher
vnser Kirchen dieser vrsach halben / zum bittersten
anklagen vnd beschuldigen / sampt denen so solche
Flegel in gefallen lassen / vnd darzu helfen / diesel
ben alle sampt wurden auff den fall nicht weniger
vber die vnsern geruffen haben / das sie die sachen
wol hetten lindern mögen / vnd nicht gewolt.

Wie mit hat auch dieses bedencken müssen ein
fallen / ob damit nicht Gott versucht wurde? So
man also ein verfolgung selbs vber sie zoge / welche
man wol ehrlicher vnd Christlicher weis hat ver
komen können / vnd das man in solchen dingen
nicht hette weichen wollen / dauon scheinliche vrs
sach gewaltsamer handlung zufüren / vnd mußte
in der anfechtung / das gewissen einen harten puff
tragen / das man vmb vnnötiges dings willen lie
de / ja andere in leiden füret / als etwan vmb eines
gesangs / Kirchenkleide oder dergleichen mittel dinn
gewillen.

Es kondte wol darzu komen / das die / so zur
zeit derselben handlung am gestrengsten hielten / in
einem sauren Winde / nicht allein in den Adiapho
ris / sondern in einem grösseren vielleicht weichen
möchten.

Es were gnug / das man lidde / wenn es so sein
sol vnd von nöten ist / vnd das man also denn fest
vnd bestendig sey / vnd andere dazu trewlich verma
ne / vnd

ne/vnd ein jeder für sich Gott darumb bitte / Denn
es seine gabe/vnd nicht in Menschlichen krefftten ste-
het/vnd das man on not / das leiden nicht zu sich
ziehen/vnd vor der zeit/sich selbs vnd andere/ in ge-
fahr Leibs vnd der Seelen bringen solt.

Item 223. Vnd ist demnach für notwendig erach-
tet/das man sich zuvor bereitet vnd gewis machte der vr-
sachen/ob die gnugsam / darumb man liidde/damit/so es
dazu keme / das man denn nicht zu rück pralte / vnd als
denn/nach wol in den Hauptarticeln zu schwach werden
möchte / oder da man gleich verhoffte dauon zukomen/
gleichwol das arme Volck denn in dem jamer vnd elend/
on trost nicht stecken lieffen etc.

DJeweil sie aber je die starcken Welden/vnsere
Theologos als Creutzflüchtige ausruffen / finden
wir in vielgedachten Actis/das sich vnsere Praecep-
tores die Theologen/aus Gottes gnaden/zum öf-
ter mal erboten zu weichen/vnd williglich das Land
zu reumen/wenn es vmb sie zuthun/vnd damit fries-
de zuerhalten sein solte/ Actis fol. 129.

Item sie haben auff ir eigehe/nicht des Landes
fürsten/oder Landstende gefahr/ire bekenntnis thun
wollen. Actis fol. 172. X. Item 198. Dd.

Item zu Weissen der Landschaft widerraten/
neben jnen den Theologen / die Confession so man
stellen solte / vnd dem Keiser zuschicken / zu vnter-
schreiben/Sondern das man sie die Theologos sol-
che allein vnterschreiben lieffe/vnd also die sachen
auff ir der vielgedachten Theologen / eigne gefahr
gehandelt/vnd andere nicht mit eingezogē würden/
Damit aber die vrkund vollkommen/wollen wir der
Theologen derhalben zu Weissen im Landtag den
Land

Landstenden vbergebene schriftt einleiben / in Actis
fol. 176. Lautet von wort zu wort also :

Den Predicanten gebüret nicht mehr / denn trew-
lich anzuzeigen / was die warheit ist / Weiter gebüret uns
nicht / die Herrschafften oder Landschafften / mit fehrlig-
keit der Bekentnis zu beladen / Sondern das sol ein jeder
bey sich selbs schliessen / vnd so wir mit der Landschafft
vnterschrieben / hette es diesen scheinh / als wolten wir sie
damit zum schutz verpflichten / das ist vnser gemein gang
nicht / Sondern wir bitten / ein Landschafft wolle selbs
schliessen / was sie auffss eusserst vnd endlich halten wolle /
vnd ire fehrligkeit selbs bedencken / Wir wollen diesen
Kirchen / durch Gottes gnade / trewlich vnd einrechtig-
lich dienen / so lang man uns duldet / vnd wollen nicht vn-
sach geben zu vneinigkeit / oder zu zerrüttung / vnd wollen
vnser fehrligkeit Gott befehlen.

Item als der Keiser aus Speier dem Churfür-
sten Dertzog Moritzen geschrieben / das er Herrn
Philippum Melanthonem des Lands verweisen
solte / hat gemelter Philippus / keine Festen noch
schutz gesucht / Sondern seines Beruffs in Wittes-
berg trewlichen abgewartet fol. 136.

Item man lese Herrn Philippi Melanthonis
Sendbrieff / an einen Churfürstlichen Rath / am
97. Blat.

Audere mehr vrkund / lassen wir einen jeden
selbs aus den Actis zusamen bringen / welche gnug-
sam ausweisen / das man nicht im Rosengarten ge-
sessen / vnd dennoch Gott bestendigkeit vnd selige
bekentnis verliehen / dem sey lob ewiglich. Vnd dar-
mit wir nicht allein von den Theologen reden / mag
Callus lesen / was in den Actis am 84. Blat am ende
de der

de der Keiserlichen replica: beschrielen/ Vnd solte
wol Gallus darüber erschrocken sein/ wollen von
mehrern nicht sagen/ wenn er damals des Chur-
fürsten Rath/ vnd zu Augsburg gewesen were/ wü-
de besorgt haben/ sein Herr möchte in nicht verant-
worten/ Denn er Gallus je von Regensburg abge-
zogen/ ehe denn er noch eine solche stimme gehört/
oder im die gefahr so nahend komen.

Das nu Gallus setzt/ er vnd sein Dauffe wol-
len nicht/ das man solche Creutzflucht vben solle/
wie die in der Chur Sachsen vnd Meissen geübet/
vnd oben etwas/ aber noch vollkomener in den Actis
vermeldet ist.

Es felt im denn je nicht/ was andere thun/
wird im Gallo vnd seinem Dauffen gegünnet/ zu
machen vnd leren/ was er weis vnd kan/ vnd hat in
niemand je hierzu gemüßigt/ Dat auch noch wol
macht/ das er gen Magdel urg lauffe/ vnd die Pfaf-
fen wider hinaus predige/ vnd wehre sich aller bil-
ligkeit/ auch andere dazu verbetze/ vnd sey so böß als
vor je etc. Andern aber/ den dieser weg nicht gefal-
len zu Christo zu schwimmen/ vnd das Schiff ge-
braucht haben/ lasse er auch frey zuthun/ was sie zu
verantworten wissen/ Denn er vnd seine Gesellen/
haben als die newen Bepste/ meniglich zu irer wei-
se dringen wollen/ vnd wer nicht tobet vnd schrie-
wie sie/ den selben haben sie verdammet vnd verban-
net/ Wie denn die verbannung wider vnser Kir-
chen/ aus Magdeburg/ durch einen öffentlichen
Druck/ ausgangen/ vnd ist alles hierumb zuthun
gewesen/ das man nicht trutziglich vnd frech/ son-
dern bescheidenlich/ mit that vnd vernunfft hat
G handeln

handlen wollen/ Wil er aber Gallus/jemand Abgötterey vnd verleugnung beschuldigen/so thue er es mit ehren vnd warheit/ vnd andern gründen / als bisher geschehen/oder es gehe an im aus/Amen. Vnd setzen abermals zu Richterlicher erkenntnis/ ob Gallus bas gehandelt/der die zeit lermen gekrebet/grewliche zwietracht vnd zerrüttung in vnserē Kirchen/vnd viel arme vnschuldige Leute / in jamer/ verderben vnd sterben gefüret/vnd es dennoch hat bleiben lassen müssen/wie vor/ Aber hie von auch gnug auff dis mal.

Vnd dieses sey Gallo auff seinen ersten grund aus den Actis gewiesen vnd geantwort.

**Von der andern Demonstratio/
grund vnd Erweisung/des vnrechten weichen
in Witteldingen/danon Gallus schreibt/geno-
men von der Offenbarung des An-
tichrists.**

Der ander Grund / Erweisung vnd Demonstratio Galli / ist seer scharff vnd tieff gesucht/Vnd wolte der gute Knecht / gern viel sagen/wenn er wüßte/was/ vnd böse sein / wenn er wüßte/wie/ist aber dieser :

Die Adiaphora/so die Theologen in Sachsen vnd Weissen etc. angenommen / hat der AntiChrist geboten/Von diesem aber sollen alle Christen nach dem befehl Christi ausgehen/das ist/sich in der Religion absondern. Nu haben obgedachte Theologen/die Adiaphoristen/Papistische/das ist / Antichristische Adiaphora angenommen / vnd also den
Anti

AntiChrist/wolder in die Kirchen gelassen/vnd dem
widerumb gewalt/ vnd zugebieten in der Kirchen
ingereumt. Dieses ist der ander grund Galli: Auff
diesen setzt er abermals als erstritten/vnd erwiesen/
dieses folgende Zeter vnd Mördergeschrey vber vn-
sere Theologos/Denn wir nicht wüsten/wie sie der
Blutschreier gewlicher ausruffen köndte/wenn sie
dem Dencker an den strick vbergeben weren / vnd
das war sey sine wort / Das alles was die A-
diaphoristen gethan/in der that so viel sey / als dem
AntiChrist ein gebitt oder gewalt in der Kirchen
Christi einreumen / vnd nu auch nach geschehener
Offenbarung vnd absonderung / die gnade der Of-
fenbarung wider verdunckeln/zu schand vnd nichte
machen / den gewel der verwüstung in Tempel
Gottes widerumb einsetzen / vnd das Regiment
Christi vnd dem AntiChrist/mit einander teilen/
zweien Herrn dienen/Gott/sein Gebot wissentlich
verachten/vnd gleich vmbkeren. Denn da er die
ausgehen heisse / so noch vnterm AntiChrist sein/
heissen sie dagegen die schon ausgegangen sind / eben
wider hinzu gehen / füren damit auff die armen
Christen vnd gantze Kirchen/alle sünde vnd gewo-
el/fluch vnd verdammnis/des gantzen Papstumbs
(id est: alle das blut vom Abel dem gerechten / bis
auff Zachariam etc.) Machen das letzte vor Gott
erger/denn das erste je gewesen / vnd was noch viel
mehr/diesen jamer vnd gewel an zuzeigen vnd zu-
behertzigen (mit eiteler pur lauter warheit) hie ge-
sagt/doch nimer mehr gnug/wie es an im selb/vnd
vor Gott ist/mag erkleret werden. Hæc ille: Dat
was ein quade sinck. Habt euch das jr Adiaphoris-
ten/vnd heisse euch diesen Dan mehr Prehen / Es
solte

solte einer noch ein mal denken/ Er hette ein Blutschreiber Formular/ in seines Doctoris Werckstad ergriffen/ Vnd schreibet dennoch Gallus gar herrlich dazu/ er wolle seine antwort vnd gründe / one widerlesterung/ gethan vnd gesetzt haben.

Unfenglich aber müssen wir Gallum in Steidatum / oder aber in die waren Historien führen/ vnd im sagen / wie oben gemelt / Das Keiser Karl der V. vnd nicht der Papsst des Galli AntiChrist sey/ der das INTERIM geboten/ Denn gedachtlich hat sein wollen/ der auch durch den Cardinal Sphrondatum seinen gesandten Legaten etc. dem widerprochen / Auch hochstgedachter Keiser Carl/ lang kein indult darüber vom Papsst bekommen können/ laut der Pegawischen Wandlung etc. Derhalb er verursacht/ den Papsstlichen eine sonderliche Reformation zu stellen. Ist nu dem AntiChrist mit dem Interim gedienet/ so ist es der Keiser/ vnd nicht der Papsst/ Vnd hette der Papsst lieber gesehen/ das man sich aller billigkeit widersetzt / vnd endliche zerstorung dieser Kirchen verursacht hette / Dieses alles ist Gallo so bewust/ das er andern hievon predigen kondte/ wenn es im gelegen sein wolte / das aus dennoch erscheinen wil/ das dieser Dan zu Kegensburg seer einen bösen zorn hat / vnd dem Adler sonderlich gefehr ist / der auch den todten Adler in die Federn hacket/ wenn es doch ein Schwan were/ von denen liestet man / das sie mit dem Adler kriegen/ Aber dieses Names ange sibet darumb seibel/ das andere from sein etc. Serue male, ideo oculus tuus nequam est, quia alij boni sunt. Sed ad rem. Das mit

mit wir aber zur sache komen. Wie wenn man in
des Galli Kirchen zu Regensburg/vnd seiner Besel-
len dort vnd dort / Bepfliche Adiaphora fünde /
wer suchen wolte / denn darmit wir vom Gallo res-
den/erfahren wir/das der noch etliche/ in seiner Kir-
chen haften blieben sein/ wie reine er auch auffge-
reumet hat/Vnd damit meniglich sehe / was man
an Gallo für einen Dan habe / müssen wir hiemit
dieses zu einer vrkund offenbaren / Nach dem die
Stad Regensburg / vmb eine Kirchenordnung für
ir Gemeine sich beworben/ ist vor 8. Jaren der Er-
würdige vnd Hochgelerte Herr Doctor Justus Jo-
nas/Christlicher vnd seliger gedechtnis / aus seiner
Pfarr vnd Superintendentia zu Liefeld / dohin
verliehen vnd geschickt wordē/der/ im harten Win-
ter sich auff den weg gemacht etc. vnd in gegen-
werd/die Kirchenagenda / mit alten vnd löblichen
Ceremonien vnd Gesungen bestellet/Wie die in den
Kirchen/der Chur Sachsen/vnd Meissen/auch das
mals in Düringen gebreuchlich/vnd die D. Luther
selbs/gar wol hat leiden mögen / vnd hat sich die
Kirche Regensburg derselbigen Kirchenordnung/
zu danck vnd mit gutem gefallen gebraucht / mehr
denn ein Jar/bis auff Galli zukunfft. Da aber dies-
ser Gallus in seine alte wohnung/zum Kirchenampt
zu Regensburg/wider eingekert/ hat er sich als ein
Feind der Adiaphoristen fürnemlich / vnd nach-
mals als ein Feind der Adiaphora / von der Adia-
phoristen wegen / Ritterlich L eweisen wollen / vnd
alles was von Doctor Jonas geordnet / auff ein
mal / vnd mit einem anlauff / in einen hauffen ge-
stossen/vnd ein newes gemacht/als nemlich die jetz-
ge ordnung/die ein jeder Gast in der Stad Regens-

burg sehen mag / Denn er sa alles in einen hauffen
geworffen / was andern Leuten / auch wie gemelt/
D. Martino selbs gefallen / Was das sey / lassen wir
alle verstendige vrteilen / Aber doch wie rein er auff
gereumet / so hat er die Vesper bleiben lassen / Denn
er helt Vesper / vnd das man sich mit füssen Creutzen
vnd segnen möchte / Behelt Gallus / der ein Feind
des Chorrock's / nichts weniger als der Türck / ein
Feind des Creutzes / dieser Gallus sagen wir noch
ein mal / helt vnd braucht den Chorrock in seiner
Kirchen / Wie aber das zugehe / wollen wir folgendes
an seinem ort berichten / vnd wird alle verwunder
rung auff denselben vnsern folgenden bericht bald
fallen vnd sich legen. Item wir erfahren das er
nachmals dennoch den Introitum wider zu gnaden
angenomen habe / Damit er es aber nicht mache
wie andere / so singet er den nach der Predigt. Dar
mit wir nu wider zur sache komen / Vesper vnd Chor
rock / sampt andern Kirchenornat. Item den Intro
itum hat trauen nicht D. Luther geordnet / Son
dern als gute / oder ja vnstreffliche ordnung vnbe
schwert bleiben lassen.

Item er Gallus / helt auch Osterfest / Pfing
sten Weihnachten / vielleicht auch Fasnacht etc.
Wie nu? Wöllen wir den auch / für einen einlasser
des Antichrists halten? Wie er sich nu entschuldig
gen wird / solle vns auch gelten. In des sagen wir/
das nicht alle der Pöpstischen Adiaphora des
Papsts / viel weniger AntiChristlich / denn also we
ren sie nicht. Adiaphora / Vnd sind viel nützlicher
gebrauch / von alten Christlichen Leuten eingefurt/
ehe denn der Papst vnd AntiChrist worden / wel
cher etliche die Christenheit von tausent Jaren her /
behalt

behalten / Auch forthin zu behalten sein / es wolte
denn jemand auch den Altar verkeren / vnd gegen
den Leuten wenden / Wiewol das auch Papistisch /
vnd Papistische Exempel landkündig etc. Oder die
Pantoffel für die Nasen hengen / weil die Papisten
die an Füßen tragen etc. Vnd dieselben alten wol
hergebrachten Ceremonien / vnd keine andere / sein
auch in diesen Landen / vnd von vnsern Theologen
bewilligt / vnd abermal keine andere.

Wenon thun gedachte Theologen bericht / in
der Torgischen Handlung / da sie auch von einem
bösen Vogel / wie der Dan itzt zu Regensburg / an
gefochten worden / vnd Abgötterey geziehen / Vnd
stehen in Actis diese wort A a fol. 280. Vnd den
Papist anfechten / ist nicht seinen blossen Namen anfech-
ten / sondern vnrechte Lere in Hauptstücken anfechten / vnd
gehet das Papstumb nicht an / das man Ceremonien wil-
ligen / die in der ersten Kirchen gewesen sind / zu der Apo-
stelzeiten / als Natalis Domini, Pascha, Ascensio, Pentecoste, Dies Domi-
nica etc. Deren wir bis anher auch viel gehalten haben /
vnd so wir sie nicht wolten halten / sagten solches were
Heptisch / so were solche Barbarey eine streffliche hals-
starrigkeit / vnd ein vnordnung / die dem Volck zur verhin-
derung der zucht vñ Lere dienete / Denn dieses ist ja gewis-
lich war / das zur zucht vnd pflanzung der Lere / bey der
Jugent vnd dem Volck / Ceremonien von nöten sind / wie
wol darbey irrehumb von Ceremonien einreissen / so man
nicht verstendige Prediger hat / die das Volck davon
recht vnterrichten etc. Vnd ist derjenigen so richten
wollen vnd sollen / notdurfft / das sie diese angesoge-
ne schrifft / wie denn auch die andern Acta gantz le-
sen / Wer gelert were / der wüste alle anfeng / dieser
vnd jener Ceremonien / aus den Historien zu erzelen /
wenn /

wenn/ vnd wie die in die Kirchen komen/wollen et-
ne weile hierauff studiren / vnd nachsuchen in der
Magdeburgischen / vnd vielleicht bald anders zu
nennen / Kirchen Historien / vnd sonst / damit wir
Gallo/wenn er mit seinem grösseren vnd doch Kurz-
tzen Buch/wider die Acta komen wird / begegnen
können. Stehet also die verantwortung dieses theils
auff der widerlegung des ersten grunds Galli. Denn
ist man allein in Adiaphoris gewichen/so ist die Le-
re vnuerruckt / vnd bleiben solche Adiaphora auch
billich vnbeclagt / können auch Adiaphora nicht
AntiChristisch genennet werden/Denn AntiChri-
stische Adiaphora oder mittelding/sein nicht mittel-
ding/Sondern vnchristlich ding / Vnd ist Gallus
hie schuldig/die Adiaphora/ so er als für Antichri-
stisch/von den vnsern angenommen / schreiet / in son-
derheit/vnd namhaftig zu erzelen/welche die sein/
vnd wie/vnd was gestalt/die auff AntiChristisch zu
halten geordnet / welches Gallo zu thun vnzüge-
lich.

ES stehet in den Actis in obgedachter der
Theologen schrift/ vnd verantwortung/ so in den
Torgawischen Handlungen eingeleibt/eine summa
der Adiaphoren / so in denselben Handlung / zur
Interims zeit bewilligt / mit diesen worten Bbb
fol. 28j.

Diweil man denn bekennen mus / das Ceremonien/
wie droben gesagt / nötig sind / warumb wil man denn
diese gewöhnliche Feste vnd Gesenge nicht halten / dabey
sind etliche stücke von öffentlicher Poenitentia / vnd von be-
kenntnis des Glaubens/in der Confirmation/welches nützliche
stück sind zur zucht etc. Item bald hernach am selb-
en Blat. Nu machen wir keine neue Gottesdienst/
erhalt

erhalten auch reine Lere/ Vnd ist keiner Kirchen verbot
ten/ordnung in Ceremonien zu machen / in rechten ver
stand/zur zucht/ vnd zu unterweisung des Volcks / Wie
S. Paulus sprichet: Es sol alles in der versammlung ord
entlich vñ zierlich gehalten werden/Vnd eben diese form
die wir in der Mess halten/ ist also gehalten worden vor
tausent Jahren/ wie Dionysius klar bezeuget/Darumb vn
ser nothdurfft ist/zu antworten/ das wir nicht Abgötterey
in dieser ordnung anrichten / Sondern bitten Gott von
ganzem hertzen/das er vns für Abgötterey bewahren wol
le etc. Diese ist gar ein kurze summa der bewillig
ten Adiaphoren/vnd sein die an andern orten mehr
benennet/ Wir finden aber in den Actis/das die A
diaphoren im Landtag zu Leipzig des 48. jars/nur
articulirt/vñ in rechtem verstand vñ erklerung/ leider
seits der Theologen vnd Landstende/nach gehalten
ner vnterredung/also bewilligt sein/ Nach welcher
bewilligung vnd vergleichung / nachmals ein Kir
chenordnung auff dieselben articulirten Acta / von
den Theologen gefasset / wie denn zum teil auch
oben berichtet/das also nur die Capita vnd Artikel
in den Actis erscheinen der meinsten Adiaphora/
vnd aller vollkommener bericht/ wie / vnd was gestalt
die gehalten werden sollen/in der Kirchenordnung
beschrieben wirdt / welche aber noch nie anders/
als durch öffentliche fürlesung / zu Grim vnd Lei
pzig publicirt / vnd derhalben die zu erster gelegen
heit/in den Druck zu geben / vertrösten / das also
folgen mus/das Gallus vnd Illyricus/die mit aus
gen nie gesehen / vnd also dasjenige / so sie noch
nicht beschriben gesehen/wie/vnd was gestalt es
gehalten werden solte/ verdammen/ vnd für Ant
Christlich ausschreiben. Daben sie denn die gesehen/
D vnd

vnd vnehrlicher weise / wie viel anders / bekommen /
lassen wir einen jeden selbs schliessen / was das für
Leute sein / die vber allen vollkommenen / hellen vnd
klaren bericht / solche beschuldigung wider die jeni-
gen / so sie vnschuldig wissen / ferner ausschreiben.

Item es folgen daselbst ferner diese wort 281.
Vnd solten billich die vngestüme Leute bedencken / das
wir auch Gliedmas dieser Kirchen sind / vnd rechte Lere
lieben / vnd darumb vielleicht mehr denn sie leiden / vnd sol-
ten vns nicht so grausamlich lestern / als weren wir Ab-
göttisch / Vnd ist dieses ein neues Bapstumb / das solche
vngestüme Leute / alle andere zu irer weise dringen wol-
len / vnd wer ihnen nicht folget / denselben also grewlichen
verdammten. Vnd damit wir es kurtz machen / sa-
gen wir auff obgesetztes / dieses Mordtöblers vnd
Blutschreiers Zetergeschrey / abermals ad contesta-
tionem litis / das die Landstende / Theologen / vnd
Kirchen / in Sachsen vnd Meissen / keine AntiChri-
stische Ceremonien / niemals angenommen noch be-
williget / den AntiChrist in die Kirchen nicht gefas-
sen / niemands zu dem wider hin zugehen geheissen /
das auch niemals an sie gesunnen / viel weniger an-
dern von denen geraten / Sondern die ware reine
Christliche Lere / wider den AntiChrist vnd alle ver-
fälschung / nach jren besten vermögen / trewlich /
aus Gottes gnaden / bezeugt / gelert / erklet / vnd
darob gehalten / vnd AntiChristliche Lere / vnd
missbreuche / allerwegen widerfochten / auch alles
darüber zu leiden / willig vnd bereit gewesen
sein / vnd zweien Herrn anders nicht gedienet /
als das man den jenigen / so solches bey ihnen ge-
sucht / gewiesen / Was Gottes sey / vnd was des
Kaisers / damit dieselbigen / die des bericht begerten /
Gott

Gott was Gottes/vnd dem Keiser / was des Kei-
fers/geben möchten/wie die Acta ausweisen / auff
die wir vns abermals beruffen/vnd in die meniglich
mit dieser vnser anleitung/gewiesen haben wollen/
vnd ehe Gallus vnd seine Helffershelffer / solche ire
aufflagen/vor benentten Richtern / der gantzen lie-
ben Kirchen / der Augsburgischen Confession etc.
ausfindlich machen / müsten wir in Gallum vnd
seine Federgenossen / fur ehr vnd glaublos halten
vnd schelten/ist aber bey diesen Gesellen / auff ehren
vnd glauben nicht hoch geschworen. Es bringet
auch Gallus bey den Interlocutorijs dieses seines
andern grundes ein / Es sol einer geschrieben ha-
ben/ Je neher zum Pappst / je besser. Was behilffte
sich der ehrliche Vogel mit solchen spröden / gerin-
gen dingen/das doch eben so bald erlogen/ als war
sein Kan/wie denn seinen worten zu glauben seer mis-
lich/wir wollen jm wol mehr sagen / vnd das gewis
ist/Es stehet in den Actis/in der Theologen schrift
auff dem Landtag zu Leiptzig / des xlvij. vberges-
ben fol. 268. Xr. das etliche gemeinet haben/ man
sol zuuerhütung Kriegs vnd zerstörung / alles willig
gen/das heist wol mehr/als je neher/je besser. Aber
mein Gesel/es ligt an dem nicht/was dieser oder je-
ner gesagt / oder fur gut angesehen / oder auch jm
hat trewmen lassen/vnd was ein jeder/fur sein Per-
son/aus seinem wunderlichen eigenem Kopff / vns
gesunnen vnd vnbesunnen furbracht hat/Sondern
an dem / was bey den Theologen gesucht / vnd die
dem Churfürsten vnd Landstenden geraten / vnd
semplichen approbirt vnd geschlossen haben/Weis-
stu da viel so sage/du wirst sein dürffen/darumb lies-
se ferner an obangezeigten ort / so findestu dabey ge-

schrieben diese wort: Das kan auch nicht sein / quia non sunt facienda mala ut eueniant bona. Denn man sol nichts böses thun / von des guten wegen. Vnd befehlen den Richtern vnd Lesern / dieselben angezogene schrift / ires inhalts volgendts zuuerlesen.

Die müssen wir Gallo auch ein wenig von dem sagen / das die Adiaphora geboten worden sein / auch vom ergernis so daraus entstanden / denn diese beide Punct / auch gantz bitter in seinen Interlocutorijs angezogen werden.

Vnd ist zwar das geschrey vom ergernis vnd Christlicher freiheit gros gewesen / vnd sind diese zwo ire beste Sturmglöcken / die sie gegen dem armen einfeltigen Man gebraucht haben. Es ist aber für augen / wie viel nicht der Kirchen / vnd Christliche / sondern eufferliche / vnd ire eigene freiheit gesucht haben / Was nu die Theologen dieser Land / beide Christlicher freiheit vnd ergernis halben / bedacht / lassen wir die Acta sagen / daraus es den jennigen / so hierinnen richten wollen vnd sollen / zu sehen gebürt / Jedoch wollen wir etliche furnemort / zu kurtzer anweisung anziehen / ist aber dieses die summa / Das / nach dem man je / zu erhaltung Christlicher / vnwandelbarer Lere / vnd verhütung vnnötiger zerrüttung vnd Krieg / in Adiaphoris zu weichen gesunnen / vnd die nicht abzuleinen gewesen / hat man die gefahr Christliches weichens / vnd Christlicher dienstbarkeit / gegen andern gefahren gehalten / deren sich zu besorgen da man allem müglichen vnd leidlichen weichen / sich widersetzen solt / ob wol auch das weichen / on gefahr nicht abgeben würde. Vnd ist wol vnd vleissig bedacht / das es bey

einfelt-

einfeltigen schwachen Leuten / ein ergernis geben
möchte / die es als für ein neigung / zum Papstumb
verstehen möchten / Ist aber dagegen bedacht / das
denselben einfeltigen schwachen / viel sorglicher sein
wolte / wenn es zu einer verfolgung / eben vnd nur
allein solcher Adiaphoren vnd mittelding halben
geraten solte / die als denn auch wol die vnuwandels
bare Lere / vber den Adiaphoren entgehen / oder fa
ren lassen möchten / vnd das derhalben denen aus
drücklich / alles das jenige / darinnen zu weichen
möglich / von dem vnmöglichen weichen gescheiden
würde / welches denn im fall künfftiger verfolgung /
zu vielen dienstlich / auch an im selbsts hochnötig /
vnd das solche schwache einfeltige / keines weges /
von der Adiaphora wegen / in solche gefahr zu führen
sein wolten / Sondern inen hiemit gedienet / vnd der
gestalt ir geschonet werden solte / vnd das auch bey
schwachen / da sie guthertzig / durch rechte Lere von
Christlicher freiheit / alles ergernis leichtlich abzu
wenden sein würde / Fürnemlich aber würde alles
ergernis bey denen fallen / wenn sie die Lere / lauter
vnd rein / bestendiglich / nach als vor / leren hören /
vnd durch ire Pastoren / von den Adiaphoren vnd
Ceremonien / recht vnterrichtet / vnd aller fügeno
mener enderung notdürfftig / von den Cantzein vnd
sonst berichtet werden solten / Bey tösen aber vnd
vnrhüigen Leuten / würde es eingenomen / vnd nicht
gegeben ergernis sein etc. Wie denn viel vnrhüige
Predicanten iren Pfarrleuten / ein ergernis dieses
falls eingeildet haben / da sie / die Zuhörer / inen
selbsts keines genomen hetten (welches denn gedach
ten Predicanten / deste leichter damals zuthun / vnd
die Leute deste bas zuverführen gewesen / dieweil man

der verenderung/ so der Krieg verursacht in ciuilibus/
vbel zu frieden etc. Vnd dieweil gehoffet werden
wolte/ als solte durch solches Christliches weichen
in mitteldingen/ Christliche lere vnd Pfarren erhal-
ten werden etc. ist dieses weichen / eben wider das
rechte Haupt vnd allergröste ergernis falscher Ler-
re / vnd zerrüttung der Kirchen gerichtet worden/
das also alles zufelliges vermeintes ergernis / deste
weniger zu schewen geachtet / Vnd ist erwiesen vnd
für augen/ aus den Actis vnd sonst/ das vnser The-
ologen/ aus Gottes gnaden/ dem ergernis falscher
Lere/ das in den Kirchen den grösten schaden thut/
wo nicht allein/ jedoch fürnemlich / widerstanden
haben/ auch alle Wandlung recht vnd wol gemei-
ner/ Das nu vnruige/ boshafte/ ehrsüchtige/ arg-
wönige/ neidische Leute / inen dieses oder jenes / so
an jm selbs/ einseitiger vnd guter meinung gesche-
hen/ zur ergernis anziehen / vnd ausruffen wollen/
dafür kan niemands / Vnd hat sich an Christo
selbs/ sein eigen Volck geergert etc. Wer sich aber
hat wollen berichten lassen/ der hat vber kein ergernis
zu klagen.

Dieses finden wir in Actis folgende vrfunden/
im Torgawischen Landtag / da alles der Theolo-
gen bedenkē/ warumb die in den Adiaphoris gewis-
chen/ nach der lenge erzelet wird / ist von ergernis
auch notdurfftiglich bericht / vnd stehen vnter and-
ern auch diese wort am 219. Blat.

Vnd obs auch etwa schwache / gutherzige stoffen
würde/ die Christlicher freiheit nicht berichtet / so köndte
doch das durch die Predig wol abgewendet werden / vnd
da sie es ein wenig gewonten / vnd an der Lere nicht man-
gel sünden/ würden sie wol zu frieden sein/ vnd sich wenig
gererz

ger ergern / denn zu der zeit / da des viel / das nicht vnnützlich
Gewesen / on not vnd vrsach / nicht mit geringem an-
stos / vieler Leute abgethan / Vnd solten die jenigen / so viel
vom ergernis fürwerffen / billicher mehr dieses ergernis
vnd schaden so daraus entstanden / bedencken / denn das
sie ob jren gebreuchen / die sie jres gutdünckens / auch vber
Doctoris Martini ordnung vnd Confession selbs auffges
richtet / so starck halten / als ob sie die verbündlichsten Des
cret vnd Artikel des Glaubens weren / das auch das ges
tingste bey jnen zu endern / die gröste ergernis sein müste.

DJeses heisse nicht recht von Christlicher freihets
vnd ergernis geleret / alte vnstraffbare / vnshedliche ge
breuche abthun / etwas sonderlichs machen / vngleichheit
on not einführen / sol frey sein / vnd da kein ergernis sein
noch angesehen werden / Widerumb aber in jren ordnun
gen ichtes vmb gleichheit vnd einigkeit willen / zu endern /
zu bessern / oder abgebrachte / vnstraffbare gebrauch wi
der vmb friede vnd des besten willen anrichten / sol auff
das höchste ergerlich / vnd weniger frey sein / Denn das
höchste Götliche Gebot auffheben / vnd das man dar
umb Leib vnd Leben lassen / Land vnd Leute in gefahr
setzen sol / vnd welche solches nicht thun / das die vnchris
ten sein sollen / das heisse je verkerlich gesprochen. Ob
gesetzte wort sind also in den Actis zu finden.

WIr finden auch ferner / das bedinget wird /
die Leute von den Cantzeln / trewlichen vnd nach
notdurfft zu berichten / in denen Puncten / die einfel
tigen ergerlich sein möchten / vnd das der vrsachen
halben / in die Kirchen Agenden / die gantze Lere
Christlicher warheit / vnd von den Ceremonien /
wie die zu brauchen / eingeleibet sein sol / wie hienon
auch oben meldung geschehen / vnd also alles wider
das

das ergernis/damit das nicht gegeben würde / ge-
richtet gewesen.

Item 220. stehen diese wort. Darumb diewel
ursach solcher handlung abermal/wiewol beschwerlich/
fürsien/solee doch das dahin zum besten zu wenden sein/
das dadurch mit gutem Rath/eine gleichformige Christ-
liche ordnung auffgerichtet/dadurch mehr ergernis weg
genommen/denn wie besorget/auffgerichtet würden. Man
lese was folget.

Vnd stehet in der Theologen Rathschlag auff
dem Landtag zu Leiptzig geantwort. 268.

Darumb was nötig ist/sol man erhalten/in andern
mitteldingen mag man gedult haben/vnd sollen die Leute
vnterwiesen werden/das sie nicht aus fürwitz/oder eignen
sinne/in vnnötigen sachen/sich vnd andere in gefehrlicheit
setzen/darumb sie hernach böse Gewissen haben wür-
den/Wir werden zuthun gnug haben/von wegen ande-
rer grossen sachen etc.

Vnd bald hernach. Vnd ist die warhafftige Kir-
che/zu allen zeiten / in seruitute / das ist / in dienstbarkeit
gewesen/ ob gleich eine zeit etwas gnedigers ist denn die
ander/Darumb sollen wir vns in diese / vnd andere last
schicken lernen/vnd sind annemung dieser Mittelding/al-
lein ein cufferliche leibliche Seruitus &c.

Item in einer Antwort den Landstenden auff
denselben tag den Theologen vbergeben am 270.
Blat.

Sondern vernünfftige Pastores vnd Superinten-
denten/werden zu jeder zeit / sich vnd andere / von fürsialt-
lenden stücken/in den Kirchen / Christlichen wissen zu er-
innern/wie denn nicht möglichhen/solche Ordnung zu schick-
len / darin alle fürsialende Casus ausgedruckte werden müs-
sen etc.

Item

Item bald hernach: Vnd ist in allen Artickeln
fürnemlich daran gelegen/ das man gelehrte/ Gottfürchtis/
ge Prediger habe/ die allezeit in allen stücken / von rechter
Lere/ vnd rechtem Gottesdienst das Volck trewlich vnt-
erweisen können etc.

Vornemlich aber wird vom Ergernis vnters-
chiedlich vnd klar berichtet/ im Sendbriue an die
von Franckfort 289. Blat/ da stehen folgende wort:
Es ist aber ein ergernis/ die Widersacher stercken mit eis-
nem schein/ als neigten wir zu inen/ darauff antworthe ich:
Wenn eine beständigkeit sein wird / in dem bekentnis von
notwendigen dingen/ wie es denn sein sol / So kan man
vns mit warheit nicht fürwerffen / das wir abgefallen
sind/ Denn ich wil/ das man auch hinfort/ allezeit die vor-
rigen reinen Lere erhalten/ vnd keine falsche Gottesdienst
annemen sol/ In andern dingen aber/ da laßt vns vnser
bescheidenheit vnd gedule/ in der dienstbarkeit beweisen/
wenn diese demut vmb erhaltung des Euangelij gesche-
he/ das were ehrlicher denn der stoltz/ das man die Kir-
chen verläßt. Vber das/ so ist es auch eine grosse ergernis/
vmb geringer vrsach willen / die Kirchen verlassen/
oder vrsach geben/ das vns der gemeine Man schuld ge-
ben solte/ wir weren halsstarrig / vnd fürten vmb gerin-
ger vrsach willen / Krieg vbers Land/ Dieses ist ja bes-
schwerlicher/ denn vnsern Widersachern vrsach geben/
das sie vnser lindigkeit / vbel deuteten / Vnd dencke im-
nach/ wer vnrechter handelt / der / der hart vnd wilde/
welcher lieber die Kirche verlassen wil / denn die Klei-
dung endern/ auff das er das lob behalte/ er sey ein bestän-
dig Man/ oder der/ der gedüliger ist / vnd lieber dienst-
barkeit leidet/ auff das der Kirchen geholffen werde / vnd
ein Bürden auff sich nimet / die im nicht lieb ist / doch
nicht wider sein Gewissen / auff das Christliche Lere in
fürnemsten stücken erhalten werde/ vnd die Kirche in
J frem

frem stande bleibe/die Predigt des Euangelijs nicht auff
gehoben / vnd die anruffung im Volck nicht gehindert
werde/denn das er solte die Kirchen vmb eines geringen
dinges willen verlassen/vnd zusehen/ das Lere vnd Pred
digstule in einen hauffen siele/Geschichtes doch auch offe/
das dieselben harten / vnd hefftige Leute / grösser ding
nicht warnemen/ja auch verhindern / Vnd richten vnter
des ein gros geschrey an/von liederlichen dingen / wie ges
sagt ist / von denen / die Mucken sichten vnd Camel ver
schlingen. Es streitten etliche vom Kleide/vnd schwach
gen vnter dessen von der zucht ganz stille/ja sie schwächen
sie noch viel mehre / Schweigen auch stille von der E
communication / vnd andern dingen / dadurch falscher
Gottesdienst erhalten wird. Ja sprechen sie / du sterckest
gleichwol vnser Widersacher? Wenn ein bestendig bes
kennis in notwendigen dingen bleibt / so stercken wir die
Widersacher nicht/Sondern erzeigen vnd erklären vnser
bescheidenheit vnd treuen vleis/die Kirchen zu erhalten/
das wir auch eine harte dienstbarkeit dulden / vnd zwar
darumb dulden/das vnser Kirchen nicht verlassen wer
den. Item/auff das meniglich verstehe / das wir nicht
vnser freihete halben / sondern vmb notwendige Artikel
Christlicher zucht Kempffen/So last vns in die dienstbar
keit deste gedultiger leiden/denn wir haben der allzumal/
vnter einem schein der freihete / all zu seer gemisbraucht /
Vnd wir müssen bekennen/das nicht ein geringer furwitz/
in vielen gewesen ist / die Lere zu turbiren / So hat auch
nicht allein das Volck / sondern auch die Regenten vnd
Kleisten / die vbung in messigkeit / die zu der anruffung
dienstlich ist / all zu seer verachtet / vnd in Wind geschla
gen / Ist auch grosse versumnis gewesen im Lermen/
nachforschung vnd erklerung der warheit / niemand hat
darauff achtung geben/das die Kirchen besucht / vnd die
ungelereten Pfarherrn vnterrichtet worden weren / Viel
Lerer

Leher haben iren begirben all zu viel nachgehungen / *Les*
liche haben auch Kirchensachen / vnd andere Handel / vns
geschickt in einander gemengt / Diese vnser sünde / vnd
andere viel mehr / last vns itzung im gegenwertigen sa
mer bedencken vnd beklagen / vnd last vns die dienstbar
keit also tragen / das wir die Kirche nicht verlaen / so
lang wir inen dienen können.

Item an die Damburgischen fol. 293. Was
vnser Widersacher wider vns igestercket / vnd sie in irem
troz vnd gewalt bestetiget haben möge / danon were viel
zu sagen / vnd lest sich nicht in Briuen schreiben / wie *Al*
ristoteles sagt / Aber gleichwol scheinert es / als hette die
vneinigkeitt vnd ungleichheit in vnsern Kirchen / die Herr
schaffen dazu verursacht / das sie eine newe Form särke
steller haben.

Vnd ist in denselben angehengten Briuen gu
ter vnd kurtzer bericht / aller Wandlung von den *A*
diaphoris / welche Briue wir derhalben hiemit den
jenigen / so richten wollen / befehlen / vleissig zuver
lesen. Wer richten wil / sagen wir / mus bericht ein
nemen / Der nicht richten wil / darff weder mit den
selben noch andern sich bekümmern / vnd gebürt
demselben das man zu halten / Da aber jemand je
sich richtens anmassen wolte / vnd die Acta nicht
lesen / oder also lesen / wie sie dieser vnflätig / Man
vnd seines gleichen gelesen / nach irer schriftten aus
weisung / dem müste man dennoch sagen / Audi alte
ram partem. Lines Mannes rede / eine halbe rede /
Man sol sie hören beide / Vnd da solches nicht helf
fen wolte / köndte ein jeder selbs verstehen / was von
einen solchen Richter gehalten / auch gesprochen
werden müste etc.

DJeweil aber Gallus / der ergernis nur blos
J ij gedenckt /

gedenckt/vnd wider angezogene gründe / in den Actis nichts einbringt / wollen wir es dieser zeit vnd orts auch nicht disputiren/vnd es bey obgeschriebener anweisung auff dis mal bleiben lassen.

Das müssen wir aber auff die beschuldigung/ des vermeinten vnd ausgeruffenen ergernis / zum beschlus erinnern/das meniglich / so hierinne richten wil vnd kan/bedencke/was grewliches ergernis dieser Gallus sampt seinen Mituerwandten / so andere vnschuldige Leute/ergernis halben beschrien/ in der Kirchen angerichtet/vnd verursacht haben/ Denn sie es leider in obgemelten vnsern Kirchen/ der Augsburgischen Confession dazu gebracht / das der Küster wider seinen Pfarherr/der Pfarherr mit seinem Diacon vnd Schulmeister / vnd diese mit dem Pfarherr/eine Kirche/ja ein Nachbar mit dem andern / zu haddern gewinnen / vnd hiedurch solchen misserstand/misstrawen/zerrüttung/verbitterung/auch verkleinerung der Christlichen Leren vñ lere/beide bey den Widersachern vnd dem gemeinen Man/auff vnsern teil / verursachen / das daraus das grewlichste ergernis vnd grösserer schaden vnsern Kirchen entstehet/als alle ire Feinde vnd Verfolger/mit aller irer macht vnd liste / diese vierzig Jar her haben stifften können/vnd gedachte Glantz aner/die sachen dahin noch teglich arbeiten/damit ja dem gemeinen Man vrsach geben werde/von diesen so viel zu halten/als von jenen. Ob sie aber solche grewliche scheden vnd zerrüttung zu stifften/billiche/Christliche/vnd gnugsame vrsach gehabt haben/von wegen des jenigen / so vnserer Theologen / Kirchen / vnd Landschafft gehandelt / steht aus

aus den furgelegten Actis / vnd wie die in dieser
schrifft / kürzlich widerholet / einem jeden fromen
Christen vnd Biderman zu vrteilen / vnd weist sich
greifflich aus / das diese Ergernisruffer auch hier
in Cameluerschlinger vnd Muckensichter sein / als
die noch andern Leuten / viel vom ergernis zu predi-
gen sich nicht schewē / vnd sey dieses auch den Rich-
tern heimgestellt / zuerkennen.

W von dem Gebot auch ein wenig. Denn
Galli wort latuen / das die Adiaphora vnrechter
meinung / vnd wider vnser ware Religion / öffent-
lich fürgenomen vnd geboten sind gewesen / Ob
wol aber er Gallus / des Gebots auch nur mit einem
wort gedeneckt / wollen wir jm doch hiemit dienen /
vnd seine meinung wie die Galli Gesellen / vnd Il-
lyricus selbs / offtmals von sich geschrieben / erkle-
ren / Vnd er Gallus in seiner fünffrigen / weitleuff-
tigen antwort / die er den Adiaphoristen dreyet /
selbs eröffnen wird.

Also hat aber etwa Illyricus / da er noch ein
Neminist war / vnd Antonius Abba hies / oder
sonst ein Flacianer / wer der gewesen (daran nie-
mand gelegen) sich vernemen lassen / das Adiapho-
ra / wenn sie geboten / nicht mehr Adiaphora sein
soltten / Sondern von wegen des gebots nötig ge-
macht / vnd also / wider Christliche freiheit / ver-
bindlich vnd vnchristlich worden / Denn Adiapho-
ra soltten sie Adiaphora bleiben / müsten sie keinen
zwang haben / Warumb nu Gallus die sachen auch
nicht also furtracht / ob er sich des grunds gesehe-
met / oder von kurtze wegen / können wir nicht an-
zeigen / Aber das ist vor augen / das sich Gallus ge-
gen

essen andern seinen gründen/dieses weniger / als der
andern zu schemen gehabt hette / So ist im on das
der Schemel empfallen. Wir müssen aber doch be-
kennen/das eben dieser grund auch seer Illyrisch/
des zwangs gantz hinterlistig / vnd gefehrlich ge-
dacht werde/denn der zwang vnd gebot / also ver-
standen werden können/auch diese Gesellen anders
nicht verstanden haben wollen / laut des Galli ob-
gesetzten grunde/als hette man die Leute zu Adia-
phoren der gestalt zwingen wollen/das sie als Gots-
tesdienst/vnd nötig ding zur seligkeit/ annemen sol-
ten vnd müsten.

Dieser zwang vnd solches gebot / were on alle
mittel/vnchristlich/vnd liesse sich nicht verantwor-
ten/das auch der nie gesunnen/noch gebraucht / ist
oben erwiesen/Sondern das ist geschehen/das erst-
lich die Theologen / auff folgende erklerung des
Landsfürsten / darnach die Landstende dergleich-
en/nach notdurfftigem bericht aller vmbstende / in
die Adiaphora / auff dem Landtag zu Leipzig ge-
williget haben / vnd also nachmals eine Kirchen-
ordnung begriffen worden/darin volgendts die für-
nemsten Pfarherrn vnd Superintendenten des
Lands / auff den Wandlungstagen zu Grim vnd
Leipzig gewilliget haben/ Nach solchen bewilligun-
gen allen/vnd nicht ehe / ist nachmals Churfürst-
liches Edict/der geschlossenen vnd bewilligten Kir-
chenordnung halben / von den Adiaphoris aus-
gangen/darinnen trawen nichts abgöttisch noch
vnchristlichs/sondern allein der gehorsam/ auff die
bewilligte Agenda erfordert wird / vnd das die an-
dern Pfarherrn/vielgedachte/bewilligte Ordnung
bleiben lassen/gleichheit vnd vneinigkeit erhalten/
auch

auch gebürlichen gehorsam/ beide gegen Gott / vnd
der ordentlichen Oberkeit/ fürdern wolten/ wie die
obgesetzte wort sein desselben Gebots.

Wenn nu nichts Abgöttisch noch vnchristlich
gehalten werden sol/ bedürffen Christen keines an-
dern zwangs/ als das irer Oberkeit wille/ vnd mei-
nung inen kund werde/ welcher den vngehorsamen
ire straffe mitbringet. Dieser vnd kein anderer
zwang/ ist damals gebraucht worden / das lassen
wir das Edict selbs sagen/ vnd kan vnd mag on sol-
chen zwang/ keine Ordnung gelten noch bestehen/
Denn was einem jeden frey stehet zu brechen / kan
keine Ordnung sein noch genennet werden/ vnd ist
dieses ein eusserlicher zwang der Oberkeit/ damit die
Theologen nichts zuthun habē/ auch die niemands
zu einiger bewilligung/ jemals gemüßigt / ist also in
summa nichts anders geboten / als das man die
Christliche/ beschriebene Kirchenordnung vnd A-
diaphoren/ so geordnet vnd bewilliget/ eintrechtig-
lich aus obgesetzten vrsachen/ halten wolte/ Vnd ist
dieses / wie gemelt / der Oberkeit eusserlich gebot/
auff das jenige / so sie mit gutem Gewissen gesche-
hen kondten/ vermerckt/ vnd kan wider solches Gebot/
nichts gehandelt noch geklagt werden/ che denn
erwiesen werde/ das in derselben Kirchenordnung/
so geboten worden/ etwas strefflichs vnd vnchrist-
lichs/ eingeleibt worden sey/ vnd die als nötig zur sel-
ligkeit geboten.

Albie mus Gallus anfangen / wider das ge-
bot zu reden. Dieweil aber obgesetzte seine gründe
grundlos erwiesen/ mag er das gebot vnangefoch-
ten lassen/ sonderlich dieweil er dieselben Kirchen-
ordnung

ordnung nie gesehen/oder sa nicht mit ehren hat se-
hen können/der zeit/da er wider die gefochten /ist
auch vielgedachtes gebot/nicht an den Theologen/
vnd Pfarherr/sondern an seine weltliche Vnterhan-
nen gestellet / vnd sein die widerspennige Pfarherr
an die Consistoria vnd Vniuersiteten / in denselben
gewiesen worden. Wir wüsten jm aber / das sol-
ches gebot nicht vnchristlich/wol zu exemplificiren/
das er Gallus selbs/in die schneiden greiffen solte/
wenn wir nicht nach der zeit / gemacht zu handeln
bedacht weren / kan sich aber doch zur andern zeit
finden. Vnd befehlen abermal den Richter in dassel-
bige Churfürstliche Edict oder Gebot / vleissig zur
uerlesen / welches Gallus vnd sein Dauffe / wider
sich selbs/vnd zu einem zeugnis wider sie / nachge-
druckt hat en.

Vnd abermal zum beschlus / müssen wir Gal-
lum/hie seiner selbs erinnern/Denn wir vns sagen
lassen/als er vergangner Jar aus Magdeburg/nach
gemachtem friede / zu seiner Kirchen gen Regens-
burg wider eingekert/hab jm damals sein Bürger-
meister vntersagt / er Gallus müste den Chorrock
anziehen / des sich denn Gallus damals als ein
Feind des Chorrock's / wie oben gemelt / gewidert.
Nach dem jm aber ferner angezeigt/das die sachen
also stünden/wo er den nicht anziehen wolte/wür-
de er jr Pfarherr nicht sein können/hat Gallus auff
diese anzeigung / sich des Chorrock's nicht mehr
euffern wollen/sondern ist in den gedültiglich gekro-
chen/vnangesehen / das er allgerie etlich Jar/dar
wider geschrien / gemalt vnd geschrieben. Da nu
dem also/wolten wir dennoch von Gallo gerne hö-
ren/wenn solche vnd dergleichen gebot / die Apha-
phora

phora vnchristlich machen / wie er sich Bey Ehren
erhalten wolle? Denn es sich ansehen leßt/ als sey
er mit dem Chorrock / von der Pfarre vnd Prebens
den / vnd also von seiner eigenen wolfart vnd nutzses/
vnd in summa / von des Bauchs wegen / gewichen /
da doch die Theologen in Sachsen vnd Meissen/
nicht ire Person / sondern gemeine wolfart / vnd die
schwachen Gewissen / in irem weichen bedacht ha-
ben / vnd sich zu der bekentnis auff jr eigene fahre/
erboten etc. wie oben bericht / welche er doch nicht
auffhöret als verleugnet / vnd abgöttisch auszu-
schreiben / Vnd solte wol dieses die ursach sein / dar-
umb Gallus die einrede vom Gebot nicht so scharff
als die andern seine Gesellen / surgebracht hat / de-
ten Argument oben volkömlich erzelet. Wil er
denn sagen / er habe es seiner Kirchen Regensburg
zum besten gethan / damit sein Person der nicht ene-
tzogen / vnd die ware Lere bey derselben / durch in er-
halten würde / so triet er zu den Idiaphoristen / wird
derhalben öffentliche Busse thun / vnd sich von sei-
nen Gesellen absolviren lassen müssen etc.

Als verschneiden sich die boshafftigen Leute
selbs / wie man hieraus vrfund nemen mag / die an-
dern nicht gelten lassen wollen / das sie selbs gethan /
da sie es doch weit nicht so Christlich vnd gut ge-
macht / auch so grosse ursachen nicht gehabt ha-
ben etc. Vnd mag Gallus hieran gedencken / so offt
er seine Euglin auff sein Chorhempt sincken leßt/
gerade oder schel etc.

Als sey zum Gegenbericht / als in Kartz vnd eil-
gnug / vnd wolte Gott / es keme zu einer öffentlich-
en / messigen / Christlichen verhöre / solten sich als
B denn

Denn die jentgen/so diesen Begebenbericht dieser zeit/
vbenennet thun / neben andern finden / die alles
was hierinnen summarie beschriben / im Gallo/
vnd seinen Mitkompnen/nach der lenge vnd demait
sen / wie sich das gehört / vnter augen fürhalten
würden/vnd zu aller Rede vnd antwort / als ehrlie
che Leute stehen solten/vnd sich vor seinen des Galli
grossen Herrn/gantz nicht entsetzen / Die on zweif
fel an Galli vnd seiner Gesellen freuel vnd vntwar
heit/kein gefallen tragen würden/die auch numehr
so viel berichts/aus den Actis vnd sonst empfangen
haben/auch vor augen sehen /das sie Gallus der ge
stalt/wie vor der zeit / nicht mehr anführen würde/
vnd mag er hiemit selbs zusehen. Wollen also auff
sein des Danes/weitleufftiger Buch vnd gründli
cher gründe/wider die Adiaphoristen warten / da
mit er diesen Landen vnd Theologen drawet / Gott
behüte in für Wein vnd Anobloch / vnd der Pfeffer
sey ferne von im/das er nicht böser werde. Vnd ist
zubeforgen/er werde das Ey legen/daraus ein Bar
siliscus werde/Denn er ja nu vber neun Jar/damit
schwanger gangen.

IX nennet die Acta/ein böß/zornig Buch/vnd
befinden selbs/das es im Gallo/gar ein böses buch
ist/der on zweifel niemand/das zulesen raten wird
Sondern meniglich dauon nach vermögen abhale
ten/vnd dafür warnen / sol auch ob Gottwol im
vnd seines gleichen/kein gut Buch/nimmermehr sein
noch werden. Das er es aber als zornig verklei
nert/thut Gallus als jener vnnütze böse Vogel/dar
von geschriben stehet/ wie man in geleret habe er
sol einen ins Andlitz streichen / vnd wenn sich der
geschlagene wehren wil / sol er als ein Wan / den
Spot

Sporen heben/vnd zu Kratzen/Also sagen wir/thut
der Dan / auff seinem Mist zu Regensburg auch/
welchem Dan kein Mensch vor der zeit kein leid
gethan/Sondern im ist ehre vnd guts/vnd alle fürs
derung/bey der Vniuersitet Witteberg widerfaren/
Vnd nach dem er sich den Teuffel / hat wider wol
verdiente vnschuldige Land vnd Person / vnd seine
Præceptores reitten lassen / auch mörderlichen gegen
denen gekratzt vnd gekrehet / wie noch teglich / vnd
man gegen im vnd seinen Gesellen/nach langer vnd
vt er langer gedult/ein wenig/seinem verdienst vnd
der notdurfft nach / sicher zeigt / müssen eitel böse
Leute / zornige böse schrifften vnd Bücher sein / die
sich des leidigen Danes vnd Buckucks auff halten/
Vnd da sie schier XII. Jar geschrieen haben / hat
man ire vnware schand vnd schmachschrifften vnd
Gemelde/wider hoch vnd nider / eitel Christlichen
einer nennen müssen. Nu sollen sie auch ein mal
Leute finden/die die warheit wider ire Lügen zeugen
sollen / vnd das ir Waremundus vnd Christian/
Lügemaulus vnd Rusian sein etc. Es folge halt
was Gott wil. Vnd damit er nicht klage/ wir schie
cken im auch eine zornige schrifft/haben wir dismal
also mit im dem Gallo/schertzen wollen / vnd vber
eilet vns bis anher kein zorn/ob wol die öffentliche
vnwarheit/vnd falsche mörderische bosheit/on vns
gedult nicht abgeben kan / Aber dieses künde je
mand den zaum nemen / das der heilose verlogene
Dan (on die Weibe) Nicklas Gallus/sich vnd sei
ne Dickompen/den heiligen Geist nennet / Denn
vnter seinen der Adiaphoristen beschuldigung / setzt
er auch diese/das sie den heiligen Geist dazu grew
lich lestern/dafür/das er sie straffet / vnd zur Busse

vermanet/vnd wil sich Gallus also fur ein heiligen
Geist auffwerffen/als dem in solcher seiner vnwar-
heit/nicht zu widersprechen sey/vnd wer in lügen
straffe/der vergreiffe sich an dem heiligen Geiste/
vnd verunehre denselben/welche sünden nicht ver-
geben werden. Die müssen wir jm sagen/zu rettung
der ehren Gottes/des Namen er missbrauchet/In-
crepet Dominus in te Satan. Der D L X X selte
dich du Satan / denn du nicht ein Geist der war-
heit/sondern der Lügen bist/vnd der leidige Teuffel
wircket sein werck in dir/das ist/liegen/triegen/Cal-
umnijrn dauon er seinen Namen hat / so offft vnd
viel/du vnd deine Gesellen / die Theologen vnser
Praeceptores/vnd diese woluerdiente/vnschuldige
Lande vnd Person/einiges abfalls/abgötterey/ver-
leugnis vnd anderer / deiner alten beschuldigung
nach/beschuldigst/redest als denn / aus deinem ei-
genen/nicht aus Gott/noch aus dem heiligen Gei-
ste/Wie dir denn deine böse/faule/verlogene gründe/
dismal/sampt allen/so du darauff bawest/nir-
der gelegt sein/Gott habelob/vnd forhin ferner/
mit Gottes gnaden/jeder zeit erlegt werden sollen/
Vnd lassen nochmals gantz Deuschland/vnd die
gantze Welt/auch dieser Geister eigen Gewissen/
aus furgelegten Actis vrteilen/Ob Flacius/Gall-
lus/vnd denn ire Welffersbelffer/als ehrliche/
warhafftige/Christliche Widerleute/von dem
verstorbenen Churfürsten/vnsern Theologen/dies-
ser Landschaft vnd allen der zeit fürgenommen
vnd gehaltenen Handlungen/berichtet/geschrie-
ben/gemalt/gesungen vnd geschrien haben/vnd
was von euch vnsterigen Geistern allen zu hal-
ten..

Überlegte seine grundlose gründe/ wider die
Adiaphoristischen Wandlung/hat Gallus zu meh-
rer verbitterung/auch ander ding angehengt / das
dieselbe Wandlung nichts angehet/Auch wir dieser
zeit vnd orts/vns des nicht annemen wollen/ noch
darauff antworten/vnd von der Sach also abfüren
lassen/Sondern allein den gemeinen Leser / einfel-
tig der bitteren warheit berichten/wie/vnd wenn die
selbigen folgende streit entstanden.

Nach dem die vnheiligen / vnwaren Geister/
etliche viel Jar/die Kirchen/Land vnd Leute/hoch
vnd nider/mit iren lügen vnd mordgeschrey vber die
Adiaphoren/betrübt/verunrhuigt/beschedit/ver-
derbt/vnd aber sie wol verstanden / das dasselbige
geschrey/sie die Schreier selbs zuerhalten/vnd mord
vñ auffrühr zu erregen/in die lenge zu schwach sein
wolte/wenn das nicht mit frefftigeren zusatz / dem
gemeinen Leien gespicket würde / wie denn das all
gemach verleschen wil/vnd sie nicht viel ehre daran
erlauffen haben/Itzt aber nach eröffneten vnd pub-
licirten Acten/ire ewige schande vnd spot vor augen
sehen. Demnach haben sie allgemach / mit in der
Lere zu grübeln angefangen/beide für sich selbs et-
was newes vnd bessers zu machen / vnd das jenige
anzufahen / das vor der zeit / niemands jemals in
diesen Kirchen strittig gemacht / Vnd denn auch/
das sie vor der zeit/strittig/vnd vnertleret/ gewisset/
zu vngelegenen zeiten vnd örten/herfür gesucht/vnd
vnsern Theologen vnd Præceptoribus / als ein Netz
für gestellet haben/die in euffersten verdacht bey dem
gemeinen Man zu bringen / als die nicht mehr E-
uangelisch sein solten.

Und dieweil es mit den *Adiaphoren* / wie gesaget / nicht genug sein wolte / sieng *Illyricus* erstlich an / in das erste Capitel *Johannis* zu greiffen / vnd von dem Wort / welches der *Son Gottes* ist / *Disputationes* zuerregen / daraus vnserer *Præceptoren* gute Lere / auch gestelte Gebet / anzustecken / wie des öffentliche *Schriften* verhanden / vnd wie rein *Illyricum* dis falls / *Gallus* machen vnd schmücken wil / so sein doch gedachtes *Illyrici* *Schriften* im öffentlichen *Druck*. Was auch vnd wie im sey dieses falls mit *Illyrico* / kan seiner fürnemsten *Patronen* einer berichten / von welchen wir in öffentlichen *Schriften* gelesen haben / das er vielgedachten *Illyricum* bedrewet / wo er von solchen *Disputationibus* nicht abstehen würde / wolte er selbs wider in schreiben / vnd das sich als denn die zamen *Dünricken* selbs aneinander beissen würden. Und wie volgendes *Illyricus* vermerckte / das dieses auch nicht gehen wolte / ist er allgemach abgezogen / vnd sein die sachen von seinen *Spiesgesellen* / auch im dem *Glacio* selbs / so gut man gekünnet / beschonet worden / Aber wie gesaget / die *Schriften* sein verhanden / daraus richte / wer richten wil vnd kan.

WAben aber volgendes nicht auffgehört / in der wolgegründten vnserer *Kirchen* *Christliche* Lere / wie die vusletigen *Sewe* zu wülen / Und sein zum andern hierauff *Komen* / das sie die *Leute* vberreden wolten / die *Theologen* zu *Witteberg* / welche so lange das *Euangelium* geleret hetten / wüsten noch nicht / was das *Euangelium* were / hetten ire *Dialectica* vergessen / vnd das nicht recht definiert. Denn sie es auch ein *Busspredigt* seliger *Busse* sein ließen /

sen / vnd das es die sünde / vnd aller größte sünde
straffen solte / damit sie denn das Gesetz aus selig
machender Buss ausschließen / würden also Antio
nomi vnd AntiLutherani / vnd weis was mehr etc.
Vnd sein darauff Antwort vnd Begenschriften
auch im Druck / vnd ist gnugsam dargethan / das
man das Gesetz nicht ausschliesse / sondern einer
jeden Lere jr eigenschafft setze / Stehet aber der
Handel dieser zeit darauff / das Gallus / Flacius /
vnd Weiland Superintendenten zu Magdeburg / be
richten sollen / Ob der glaub des Euangelij oder
des Gesetzes lere vnd predig sey / vnd ob das Euan
gelium auch den newen gehorsam predige / Item /
Wenn das Euangelium keine Buss predige / ob
nicht im Gesetz widersinnige meinung vnd Con
tradictoria sich finden lassen / als nemlich das / das
Gesetz vollkommenen gehorsam foddere / vnd sich an
dem angefangenen vnd vnvollkommenen gehorsam
genügen lasse? Item / Ob sich die beide Lere / als
mit einer Mauer vnterscheiden lassen / das keine die
andere berüre / Oder aber / das Euangelium eine er
pferung bes Gesetzes sey / oder nicht? Auch ob die
Lere / die keinen trost weiset / sondern nur schrecket
vnd drawet / eine selige Busspredigt könne genen
net werden?

Wenn nu auff furgelegte Fragen / bericht gefellet /
wird die zeit leren / was folgen werde / vnd lest sich
ansehen / als solten sie wol hirin / auch nicht grosse
Lhre einlegen / dürffte sich auch wol zutragen / das
die grossen Reformatores vnd Inquistores. Flacius vñ
Gallus selbs / noch nicht wissen möchten / Was das
Gesetz oder Euangelium were / vñ kan noch zur zeit
niemand /

niemand/der Hirinnen an jnen zweiuelt/billich verdammet werden.

Darnach hat sich funden/ die aller größte vnd grauſamſte Ketzerey/wie Ambſdrff ſchreibet/ ſo je auff Erden komen/das erliche in der Chriſtlichen Kirchen haben predigen wollen / Gute wercke ſein nötig zur ſeligkeit/Wie haben ſie die ſachen warlich droffen / vnd die Bawren derſelbigen Predigt ſo gefehr gemacht / has ſie die keines weges leiden wollen/Behüte Gott/wie haben die Flacianer dieſe Propoſition zuſület / vnangesehen / das man ſich gnugsam erkleret/vnd ſolche Rede in keinem wege/ von verdienſt oder vrsachen vnſer Gerechtigkeit oder ſeligkeit wil verſtanden haben/Auch vmb Friedens willen/ der wort halben gnugsam erbotten/das alle ehrliche vnd frome hertzen / gar wol mit zu friede ſein/vnd kein ehrlicher Man billiche vrsach hat/weiter hierin zu grübeln. Es hat ſie aber zwar vnſer **DEIX** Gott/darüber in ſenlum reprobum/das iſt/in verkerten ſinne gar redlich fallen laſſen/des mag man ſich in jren Gegenschriften erkündigen/wer ſie luſt zu leſen hat. Vnd verdammet Galus öffentlich/nicht den modum loquendi/ſolche weiſe zu reden/ſondern auch den verſtand dieſer Rede/Denn er ſchreibet ausdrücklich in ſeiner Scarteken wider die Acta / dieſe bekentnis ſeines Glaubens: Das gute wercke nicht nötig ſind ſelig zu werden/oder zur ſeligkeit/vnd mögen keines weges recht/als nötig dazu verſtanden werden. Vnd bald ſchreibet er ferner/das dieſe rede an jr ſelbs (das iſt per ſe/nicht im miſſuerſtand) vnrecht ſey/kan also niemand wiſſen/was er von guten wercken halte/vñ ob jm Gottes gebot nur zur luſt / oder fur die lange weile/

weille/oder zu seiner gelegenheit geselet sein / Vnd
solte wol jemand nicht zuwendencken sein / der hiers
aus argwohnen schöpffte/als ob Gallus ein Antinomer
mer were/wie seer er auch die Antinomer versecht
ten wil.

Derweil er aber je so bösen willen zu guten wer
cken/hat er die laube/das er sich vnser Kirchen auß
sere/vnd allem rechtem verstande vnd lere wider
spreche/vnd bleibe bey seinen Gesellen / da man les
ret/Gott frage nichts nach guten wercken/vnd das
gute wercke schedlich sein zur seligkeit/bey denen
bleibe vnd sterbe er / denn er besser Gesellen nicht
werd ist/vnd wil er nicht anders / so behüte in Gott
für der ersten vnd andern Tafel / da kein gutes
werck an sein des Galli Kocken/nimmermehr kome/
da mag er als denn zusehen / das der Teuffel den
nicht anzünde. Vnsere Kirchen können aus Got
tes gnade nicht erwiesen werden / das sie die Lere
vom Glauben vnd guten wercken/nicht rein gefurt
noch behalten hetten/vnd wenn gleich Flacius vnd
Gallus daruber bluten solten tropffen/wie die Das
ckemeser stiel.

Vnd als den selben vnrhüigen Gesellen / der
kunst hierinne abermals zu wenig werden wollen/
haben sie ferner gegriffen/als Leute / die rhue/ frie
de vnd einigkeit fürchten / vnd einen Dader vom
freien willen/angehoben/Sagen/der Mensch thue
nichts mehr zu seiner bekerung/als ein Bloch thun
kan/oder auch weniger als ein Bloch/Vnd das der
Mensch aduersatiue, repurgatiue & hostiliter bekeret
werde/vnd den heiligen Geist bekomme wider seinen
willen/vnd mit feindlichem seinen willen.

Item wie vnlangst ein Decanus Theologiae öffentlich vnd gantz statlich vnd Prelatisch vnterricht gethan hat/das in Gott zweierley willen sey / Approbativa & efficax &c. / welches er denn von Myrtaico gelernet / der dieses in Druck geschrieben / vnd demnach wider wertige willen in Gott sein müssen etc. das man als denn einen betrübten / verzweyuelten Sünder also trösten müste / Er solle warten / bis Gott kome / der in ziehe / Vnd wie Flacius schreibt / wird derselbe Arme auch nicht beten dürfen / sondern allein andere für sich beten lassen / das mögen wol erleuchte Leute sein / So macht auch eben dieser Man Gallus / zu Regensburg / Gott eine vrsach der sünde / Denn er schreibt ausdrücklich / Gott wircke gutes vnd böses etc. Was das für eine Theologia sey / vnd was sie gutes geben mag / wird ein jeder verstendiger vnd fromer Christ / zu bedencken haben.

Dieses ist der vierde Wader / denen sie bey den vnsern suchen / ob sie ferner anzünden möchten / aber Gott beschützet gnediglich / denn sie Jes auch hierinne also machen / das es auch die Leien anheben zu mercken / vnd sie selbs ire eigene zugethane end frembden etc.

Wollen zu Gott vertrauen / sie sollen sich hiermit auch redlich abrennen. Wie denn in obgesetzter irer Lere geschehen.

Was aber vnser Birchen vom Freien willen / wieder Mensch bekert werde / vnd diesen allen leren vnd halten / ist in öffentlichen vnser Præceptoren schriftten surgelegt / vnd von diesen vnrhüigen ansechtern / vor der zeit vngestraftt blieben / were auch noch wol von jnen verblieben / wenn der anfengliche

die erste Hader von den Adiaphoren/allein sich frieden zu brechen/vnd Brieg zu entzünden/starck vnd frefftig gung hette erzeigen wollen.

Dies sich neben andern vrfunden / auch hiers aus zuerkundigen/das Flacius selbs / vor der zeit/wider die harte Lere / von Göttlicher verfehung geschrieben hat / Vnd von dem 9. 10. vnd 11. Capitel zum Römern / daraus dieselbe harte vnd rauhe Lere / von den Stoischen Theologen gezogen wird / vnseres verstands / Christlichen vnterricht gethan hat / wie er den in vnsern Kirchen gelernet / Vnd das war sey / finden wir in seinem Buch / zu Magdeburg gedruckt / durch Michael Lotther / welches den Titel hat / Regulae & tractatus de sermone sacrarum literarum / diese wort M 5. 166. Ex disputatione Pauli de reiectione Iudaeorum, quae est, 9. 10. & 11. Romanorum. Duriores quidam multa aspera, parumq; pia imò etiam uehementer destruentia concludunt. Nam ex illa duriore sententia de praedestinatione plarumq; securi suam securitatem confirmant, & desperabundi altius in desperationem immerguntur. Docuit me id propria experientia integri triennij, quo tempore cum grauissima tentatione, ac ut clarius dicam, Ipsa aeternae salutis desperatione conflictatus sum, Eandem experientiam & aliorum multorum esse comperi, unde factus sum stoicæ illi sententiæ non parum iniquior.

Diese des Flacij wort/geben zu deudsch vngesehrlich diese meinung. Aus der Disputation Sanct Pauli / von der verwerffung der Jüden / wie die im 9. 10. vnd 11. Capittel zum Römern stehet / Wollen etliche harte Leute / viel rauches vnd nicht vast Christliches dings schliessen/welches alles nicht bawet / sondern nider vnd

einreisset / vnd ganz seer vnd hefftig / Denn aus demselben
harten verstand / von der Göttlichen vernehmung / stercken
die sichern Leute ire sicherheit / vnd werden die zaghafft
ten ciesser in verzweuelung gesteckt / das hab ich an mir
selbs gelernet / vnd erfahren ganze drey Jar lang / do ich
in hefftigen anfechtung gelegen bin / vnd damit ichs deut
licher sage / verzweuelung der ewigen seligkeit mit mir
gerungen hat / So habe ich auch sonst erfahren / das vielen
andern / auch dergleichen gangen ist / vnd daraus bin ich
demselben Stoischen verstande feinder worden / vnd nicht
wenig.

Vnd damit derselbe Stoische verstand etwas ge
lindert würde / hat er in derselben obangezognen schrifft /
bald gesucht / wie solche linderung mit gerempeter vnd
Christlicher erklerung / der wort Pauli zu finden / von den
worten / Jacob hab ich liebsgehabt / Esau bin ich feind
gewesen. Item von der rede: Ich wil Pharaonis hertz
verstocken. Vnd von dem Spruch / Es ist nicht am wil
len noch lauffen gelegen / Auch von der Gleichnis des
Töpfers / Hat nicht ein Töpffer macht etc. Item sprich
nicht / Wer wird in himel steigen:

Vnnd diesem allen / so in der Epistel an die Rö
mer geschriben stehet / hat er seine meinung vnsers
achten / wie gemelt / Christlich eröffnet / vnd also
sein bekentnis hie von klar gethan / im LI. Jar / da
er nu vber drey Jar lang / dieser Land Kirchen / als
ein abgefagter feind gewesen / Was aber in Fla
cium angefochten habe / das weis er am besten / wir
wollen nichts dazu sagen / da wir doch wol wüßten /
wie mit Flacio hie von zu reden / Wolten in auch
fragen / wer dieselbigen Stoischen Theologen wer
ten / wider die er damals geschriben etc. wenn wir
mit im zu disputiren gedechten. Ist es al er war /
das er:

das' er Flacius schreibet von seiner anfechtung /
wöllen wir in hiemit dieses nur erinnern / das der
selbe versucher vnd anfechter / noch herumb gehe
wie ein brüllender Lewe / vnd suche den er fresse / der
kan zu jm auch wider komen / da hütete er sich / damit
das letzte nicht erger werde als das erste / denn Gott
lest seiner nicht spotten / Das schreiben wir im an
ders nicht / denn Christlicher meinung / vnd seiner
armen Seelen halben / das zeugen wir vor Gott /
der vnser hertzen sihet. Wer lust hat / der mag in
angezogener des Flacij schrifft ferner lesen / da wird
er finden / wie fein dieses vnsers Galli lere / von
Göttlicher vergebung / vnd vnfreien willen / sampt
der Lere / so Flacius stzt vom freien willen füret /
mit derselben Lere vberlein treffen / dauon ein ander
zeit möchte gehandelt werden / denn wir vns dis
mal vns in keine Disputation geben wollen / ehe denn
der erste Wandel von den Adiaphoren / welcher der
grund vnd vrsprung ist aller obgesetzter volgender
streit ausgefüret werde.

Womit wir aber auff vnser Kirchen Lere / vom
freien willen eigentlicher anweisen / findet man die
itzund beisamen / in corpore doctrinae / Das ist / der
Summa Christlicher lere / welches dieser zeit zu
Leipzig auff's new gedruckt / vnd die Neuptschriff
ten in ein Buch zusammen gedruckt sein.

Aber zu stich vnd letzten hinterhalt / Haben sie
den freit vom Sacrament gesparrt / dadurch sie vns
gezweuelte / Krieg vnd mord zuuerursachen verhoff
fet / vnd das es hierinne nicht mehr / wie mit den vor
rigen andern / fehlen müsse / vnd lassen sich zwar die
sachen also ansehen / also solte es jnen geraten.

Alhie heben sie allgemach an mit feindseligen
worten / Sacramentirern vnd Zwinglerern vmb
sich zu sprüen/vnd recket dieser Wan den hals auff/
verkeret die augen/schwinget die flügel / vnd steller
sich aller dinge/als wolte er kreiben / Er weis aber
selbs nicht/was er kreiben sol / vnd solten wol seine
Gesellen der sachen nicht mit im eins sein.

Unsere Praeceptores vnd Kirchen / sind bis an
her bey einfeltiger Lere der Augsburgischen Confes-
sion blieben/die Leute vleissig vnd einfeltig geleret/
das sie im rechten brauch des Abendmals / den
waren Leib vnd das ware Blut vnsers **DESS**
Ihesu Christi empfangen/vnd im dem **DESS**
Ihesu Christo eingeleibet / vnd lebendig gemacht
werden / mit rechten fruchten seines sterbens vnd
seiner aufferstehung/ Sie auch stets zur Dancks-
gung vermanet/vnd haben was vnerkleret / nicht
rege noch strittig machen wollen / wie itzt die
Schreier thun / die doch wissen / auch das werck
ausweist / das sie solche sachen erregen vnd strei-
ten/denen sie viel zu schwach / vnd die erklerung/
nicht bey einem oder zweien / allein stehen müste.
Weis nu Gallus in diesen sachen so viel vbermas/
vber gemeine Lere / vnd vor andern bey sich/das er
hierinne auch meistern könne/so gebe er seine künste
an tag/berichte die / so nicht so viel wissen / als er
Gallus/vnd bekere die jenigen/so er irrig vermeint/
da vnd dort etc. Vnd thue sich zu Westphalo/helffe
dem sein Vbiquitatem ausfüren / vielleicht wird er
Leute finden/die in Krauen / da es in iucket/vnd las-
se vnter dessen vnserre Kirchen vnbekümmert / vnd
vnbeschweret / vnd helffe Gott bitten / damit von
deis

den sachen ordentlich gehandelt / Christliche vnters
rede fürgenommen / vnd vergleichung getroffen / wer
den / in des wollen wir abermals vnser Kirchen /
demselbigen allmechtigen gütigen Gott befehlen /
das er auch dieses falls / die vor Flacij vnd Galli
oberfall bewaren / vnd darin jr böses giftiges für
nehmen / wie die andern obgemelten / gnediglich hin
dern vnd abwenden wolle.

DJeses sind die sachen / die Gallus an seine
schriffte wider die Acta von Adiaphoris / hat ange
hengt / aus den vrsachen / wie von diesem Wandel
tzt / der bitteren warheit nach / berichtet / ob sie etwa
hafften köndten / vnser Theologen vnd derselben
Berberg nider zureissen / Deren sie allen keines beto
ten jmer fürnehmen dürffen / wenn sie gedachte Theo
logen / nicht zuvor durch falsche vfflage vnd be
schuldigung der Adiaphoren halben / verhasst vnd
verdecktig gemacht hetten / Vnd wird in demselben
anhang Galli / auch viel dings nicht mit weniger
vnwarheit / als von den Adiaphoris / vnsern Kir
chen vnd Lehrern / von jm dem Gallo auffgedichtet /
dauon jm solte gesagt werden / wenn man bedacht /
diese zeit dauon zu antworten / Denn wir auff dis
mal / wie oben gemelt / nicht mehr als von den Adia
phoris mit jm zu handeln fürgenommen / vnd vns
hieuon nicht abfüren lassen wollen / Welches von
ersten abgehandelt werden müsse / vnd jm hierauff
richtig zugehen gebüren wil / Ist jm darnach fer
ner etwas beschert / das kan jm auch wol werden.

WJeher gehöret auch / das dieser vnware haufs
se / denen von Witteberg schuld gibt / sie hetten die
Bücher Lutheri verfelschet / vnd das die Tomi zu
Witte

Witteberg / demnach verschlagen werden solten/
vnd in summa aller verdacht / vnd verfassung / wo
der die gesterckt würde. Nu findet sich die öffentli
che vnwarheit / vnd das kein wort in denselben ver
endert sey / ob wol aus vielen vrsachen zu wünsch
en sein solte / vnser achtens / das man vnangesehen
der Glacianischen schreier / solches so gestrenge vnd
vleißig nicht gehalten hette / denn es würde sich
doch endlich gefunden haben / Wer es mit Lutheri
vnd seinen schriften am besten gemeinet hette /
wenn man das hette erwarten wollen. Aber wie
gesagt / da ist nichts geendert / Was sie aber die Glac
cianer für Lutheri Schrifften vnd Briue / mit ein
führung ausdrücklicher Namen / fürnemer vom A
del / vnd Hochuerdienter / vmb irer eigen Fürsten
löbliche Voreltern etc. in Druck geben haben / ge
dachten von Adel zu Kleinen Xhum / auch merckli
cher verkleinerung vnser Nation bey den Auswem
digen / lassen wir dieselbigen Glacianischen Meister
verantworten / vnd gebet vns nichts an / So haben
dieselbigen Glacianer vnlangst / dergleichen gedicht
von der Dauspostill ausgebreitet / vnd sich beide /
mit gedachten Tomis Lutheri vnd Dauspostill /
dermassen in die Backen gehawen / wie jnen in ei
nem öffentlichē gedruckten Gegenbericht klar ange
zeigt ist / vnd da sie jnen vnrecht gethan vermeinen /
mögen sie sich des als ehrliche Leute ausführen / Denn
sie bis anher kein wort darauff zu antworten wiss
sen / dieses mag man auch neben dem andern nicht
die geringste Vrkund sein lassen / wie ehrliche Wen
del diese Leute fürnemen.

30 den Nachdichtern / Weiland vnd Judaal
wollen wir vnser zeit finden. Daben sich in des
dieses

dieses Gegenberichts sempelichen anzunemen / vnd
mögen Gallo irem Werckmeister / seine gründe er-
halten helfen / der dennoch etwas weniger vn-
schampar ist als die wüßte Gesellen zu Magdeburg/
denen wollen wir / ob Gott will also antworten/
das ire Contrafait der Kirchen / vnd gemeinem
Deutschen lande/dargestelt werden solle/dem mus-
ter nach/wie sie das selbs in iren schrifftten vberge-
ben / vnd sol am austreichen nicht feilen / wiewol
ein ander Maler vnd Pensel hiezuhöret / Denn
da ein fäncklin Ehrlicher Gottseligkeit / Gewiss-
sens/ehre vnd warheit in inen were / müsten sie sich
für inen selbs schemen. Aber thorheit ist es/bey sol-
chen Leuten/ehre / warheit vnd scham suchen etc.

Vnd lesst sich Gallus dennoch vnser achtens/
witziger vernemē/ den das im das Magdeburgische
formular/nach zur zeit zu brauchen gefallen / vie-
leicht möchte es aber noch geschehen / in seinem
fünfffügen Buch/das man Meister vnd Schüler zu
samen fasset/das wollen wir sehen / Aber dem t abt
zu Magdeburg sol geantwort werden / vnd bitten/
sie wollen des verzugs kein beschwernis tragen / sol
an einem andern eingebracht werden. So hat es
vns on das gebüren wöllen / zuuor mit den Ober-
leuten/darnach mit den Untermennern zu handeln/
damit einem jeden sein gebür widerfare.

Vornemlich aber bitten wir dienstlich vnd
freundlich/alle wolmeinende liebe Deutsche/so dies
se vnser schrifft fürkömpt / da sie etwas in der zu
schimpfflich oder scharff vermeinen würden / die
wollen vns das zu gut halten / vnd bedencken die
M vber

vber grosse vnbilligkeit vnd vnwarheit / welche ein
mehrsers verursachen köndte / vnd obgemelter vnt-
ferer schrifft / so lang glauben geben / bis die vom ge-
gentheil mit der gleichen gründen / verlegt werde.

ES haben bis anher / alle guthertzige gehoffet /
dieweil die Acta / das ist / der gantze Bericht / aller
Wandlung von den Adiaphoris / numehr für die
Leute gebracht / vnd in Druck ausgegangen / man
solte doch endlich ein mal der Daderer los werden /
vnd ist zwar diese hoffnung nicht so gar vergebens /
Denn ob wol noch sie die Glacianer sich krümmen
vnd winden / vnd nicht nachlassen wollen / erzeigt
sich doch so viel / das sie den stachel verloren haben /
Vnd dieweil sie nichts gründlichs dawider auff-
bringen können / beharren sie auff irer alten Geigen /
vnd sideln das alte Liedlin wider / von vornen her /
als were kein Bericht nie geschehen / gedennen also
die Acta / dieweil sie etwas lang / vnd derhalben
nicht von jederman gelesen werden / zu vberfallen
vnd zuzudecken / verhoffen auch vielleicht / man wer-
de der Begegnung müde / vnd sie also wie vor der
zeit / on alle einrede / ferner schreien / vnd das letzte er-
ger / als das erste machen lassen.

DJergegen ist diese schrifft furgenomen / dar-
in die Acta in kurtz begriffen / vnd meniglich als zu
einem muster gewiesen / wie gedachte Acta wider
die Glacianer dienen vnd zugebrauchen / vnd hoffen
es werden es nu andere nach solcher anweisung /
besser machen können etc.

DEr gnedige gütige Gott / wolle seine Kirchen
bey ruhe / Christlichem friede / vnd einigkeit erhal-
ten /

ten/vnd diesen armen Leuten / Illyrico vnd Gallo/
iren anhengigen vnd deren gleichen / so die Kirchen
verunrhuigen/spaltung vnd zertrennung / vnd vn-
aussprechlichen jamer stifften etc. selige erkentnis
irer sünden vnd bekerung verleihen / sein es anders
Leute / fur die zu bitten.

Kurtze Erinnerung von Flacij
Illyrici Procuratorischen Buch / so diese Wei-
nachten des LX. Jars / zu einem friedlichen / seli-
gen Newen jar / wider die genandten Adiaphori-
sten / furnemlich Derrn Philippum Melanthon/
samt etlichen Churfürsten / Fürsten vnd
Derrn / deren eins teil verstorben / eins
teil noch bey leben / aus-
gangen.

Nach dem obgesetzter Gegenbericht / auff Gal-
li schrift volendet / vnd in Druck vberantwortet / ist Flacij newes grosses Buch wider die
Acta / ans Liecht komen / aus dem finstern Leibe sei-
ner Mutter / vnd vns mitgeteilet worden / welches
er teuffet / Gründliche widerlegung derselben / Das
wir als bald durchlossen / vnd daraus so viel in eil
vermerckt haben / das Flacius seinen bedacht / vnd
die lange zeit so er im zu demselben Buch genommen
wol angelegt hat / Denn er trawen ein Meisterstück
seines Handtwercks geboren hat / (ist zubejameren
das die vnselige Teuflische misgeburdt eben in das
Feste der seligen Geburt Christi einfelt.) Vnd be-
finden das sich Flacius so viel gebesseret hat / das
M ij er

er auch mittlerzeit ein halber Jurist/ oder do das
zu viel jemande düncken wolt/ wie es denn zu viel/
Zum wenigsten ein gantzer Procurator worden ist/
denn sich dasselbige sein Buch/ nicht für ein Theolo-
gisch Buch sonder für ein Procuratorischen satz
ansehen lest. Dat sich also vielgedachter Glacius
verbessert wie jener Welsche/ der aus einem Procu-
rator ein Ruffian wurd/ das ist/ auff Hochdeutsch
ein Durenwirdt/ vnd lies jme einen Keumen auff
den Armel neben/ de bon in melior/ das ist/ von ei-
nem guten zu einem besseren. Das aber Glacius
aus einem Theologo ein Procurator worden/ ist zu
glauben/ das jme nicht wunderbarerlicher weise die
Kunst eingeblasen sey/ sonder werde vielleicht durch
gemeinschaft/ teiwonung vnd andere wolmeinli-
che fürderung solcher Leute/ dermassen mit newer
geschicklichkeit bemackelt/ vnd verunreiniget wor-
den sein/ wie das Sprichwort lautet/ womit der
Man vmbgehet/ das henget jme an/ So sagt Claus
Narr/ Das Blut fleust zusamen/ da er sich zu einer
Saw in Lot leget/ vnd were bey dem Lamen wo-
net/ der lernet auch Dincken/etc. Wir können aber
vnserer einfalt nach nicht glauben/ das es der ware
vnd binhaffe Teuffel/ böser/ giftiger/ heffiger/ vnd
in Summa in allen Fellen böser machen köndte/
als es sein Procurator vnd Glacius wider die Acta
schreiben/ etwas geschickter vnd getreumbter/ das
ist/ scheinlicher vnd verschlagener mocht es der
Teuffel machen/ Denn man spüret dennoch
auch eben grobes gehirn mit vnter bey vnd in der
selben Procurator Kunst. Aber wenn man böse
Dund machen wil musse man die an Betten legen/
Sonderlich vmb Vincula Petri/ das ist/ S. Peters
Betten

Kettenfeier/der in die Dundstage felt/da die Bremen/vnd Dundsucken/am fersten stechen/ So sein der Wan vnd die Bröt/wie man sagt des Basiliscus Mutter/denn er hat keinen Vater.

Woch ist dieses tröstlich das der Butz heraus ist/vnd sie es nicht böser machen können/vnd trutz sey inen geboten/das sie etwas böser schreiben/Denn wenn sie gleich mit dem Campegio herfür komen/wirdt der danck nicht jr sein/sondern der teure Man Cochleus/löblicher gedechtnis/hat Illyrico solchen Palmen vnd rhum vorlangst abge lauffen/Denn er was vom Sacrament der zeit ge redt worden in seinen schriften wider Philippum/ So er Philippicas nennet/vor viel Jaren zu Leipsig in Druck geben hat/vnd wird Illyricus nicht viel heffiger dauon schreiben können als es Cochleus gemacht/Es were denn sach das Glacius vorsuchen wolte/ob er mit seiner autoritet durchdringen/vnd der Papisten sach/in diesem fall krefftiger machen köndte/Aber sonst sagen wir noch ein mal/ist im Cochleus weit zuvor komen/Das Illyricus also den Cochleum dennoch auch etwas sein lassen mus/vnd er Glacius/sich nicht allein anmassen/das er Männlich wider Philippum streitte/Sondern mus den Cochleum/wie gesagt/dieses falls auch seinen Gesellen sein lassen/Vnd hat traum Glacius gar eine erbare Gesellschaft vnd Bruderschaft/beide vff diesem vnd jenem teil/von vielen seines gleichen/obscuris viris/das ist erleuchte Derrn/die dieses falls/wenn es wider Philippum gilt/mit im dem Glacio eins sind/Vnd die vielgedachtem Derrn Philip po wol so getrost/nach der gurgel stechen/als Glaci

W iij. cius

cius vnd sein Procurator / als nemlich / gedachter
Cochleus in angezogener Campegischer Wandlung/
sonsten aber Wicel / Staphylus / Brickel Eisleben/
alle löblicher gedechtnis / sampt andern vielen vnu-
genanten etc. deren ist keiner / der Flacio sein Aue-
Maria versagt / wenn er Flacius wider Philippum
sieht. Denn was er austricht / das hat sich die gan-
tze Bruderschaft zu trösten / vnd ist solches / geo-
dachter des Flacij Bruderschaft / eine gemeine
Bente / Derhalben traun Flacius / so vngleich nicht
teilen mus / sondern seine Deerbrüder / Rott vnd
Spiesgesellen / in diesem streit erkennen / deren sich
nicht schemen / vnd die an jrem gebürenden anteil /
ehren vnd rhum / nicht gefehrd. Denn ob sie
gleich sonst / der sachen vielleicht nicht aller ding eins
sein möchten / so stehen sie doch wider Philippum
für einen Man / Vnd hat der gute alte Kempffer in
diesem streit / Eisleben / newlich noch in seinen alten
tagen / das Darnisch wider angezogen / *Arma diales
nior desueta &c.* ein vbriges gethan / auch vber sein
vermögen / sich angegriffen / vnd sechs zu fusse / wi-
der Philippum ins feld gerüst / Denn er Eisleben /
ein strück von einem hohen Liede / wider Philippum
gesungen / heisse auff Latin *Versus Hexameter* / wel-
ches ausdrücklich zu melden / damit man den rthon
vom Liede wisse / Denn wenn man es nicht darzu
schriebe / würde man den nicht kennen / Vnd heisse
der Vers also:

Scurriliter loquitur Mendax Sycophanta Melanthon.

DJeses des Scheislebens hohes Lied / hat Flacius
in seinem Buch / als der Capellenmeister auff
gefangen / mit dreien stimmen componirt / vnd auff
die

die Meerpaucken abgesetzt / Singet also Lisleben /
vnd quintirt Glacius sein Trium darein / mit hertzen
lust den süßen Thon / Das ist die liebliche Musica /
das schöne Susanninne / das diese
weeen Kottgesellē diese Weinacht
ten gesungen haben / ein hertz vnd
eine stumme. Also fleust das Blut zusammen / Wat
denn Staphylus nechst Herrn Philippi geschonet /
so nimpts vns wunder / vnd heisst in wol als vnuer-
schempt einen Sycophanten / als Lisleben. Denen
allen ist Glacius zu dancken schuldig / als die sich ne-
ben im wider Philippum brauchen lassen / Aber das
bleibet gleichwol war / das Glacius vber sie alle ist /
vnd solte einer noch dencken / er were ein Prauaricas
tor / vnd hette ein verstand mit den Widersachern /
es weren gleich Papisten oder Türcken etc. Denn er
sieht ja die Papisten in irer Lere nicht feindlich an /
sondern zwacket allein was vnser Leute schreiben /
vnd vergreiffet sich in summa in keinem fall gegen
den Papisten / denn das er die Bischoff vnd Stifft /
gern gestürtzet sahe / das dienet im aber sonst anders
wo / vnd gibt seinen besundern nutz. So haben sich
die Papisten zu Wurmbs hören lassen / sie wollen in
kein Colloquium mehr willigen / weil Philippus le-
bet / so trösten sich andere mehr seines Todes. Dar-
umb helffet ein ander trewlich jr lieben Brüder vnd
Kriegsleute / es ist noch vmb den fromen Man zu
thun / darnach habt jr euch nichts zu fürchten / vnd
könnet alles machen / wie jr selbs wolt / so lang vnd
ferne es euch Gott verhenget.

ES hat sich Dñander / Gott verzeihe im seine
sünde / auff eine zeit hören lassen / er wolte Philippo
eine Ader schlahē / das das Blut in gantz Deusch-
land

land sprützen sollte / in dieselbe Scherstad / sein sezt
diese Helden getretten / Vnd ist Flacius der Ober-
meister / der hat eine gerade faust dazu / Gott gebe
das sie es treffen wie Dsiander.

Damit wir aber ein wenig anzeigen summarie/
was obgedachte gründliche verlegung Flacij zc. für
ein schrift sey. So gehet erstlich die größte / sein vnd
seines Procuratoris arbeit dahin / damit die Acta
verdeckt gemacht / vnd denen ja nicht geglaubet
werde / Denn hiran leit ime dem Flacio alles was
zwischen der scheidel vnd versen ist / Es kan auch an
diesem allen nichts guts sein / Wenn war ist / was in
den Actis stehet / vn̄ an seinen Procuratoribus derglei-
chen / Die gilt es warlich wehrens vnd rettens / wie
ein ider zubedencken hat / Denn er Flacius klagt / in
seinem neuen Buch gar heis vnd tewer / das die
Leut die Acta zulesen / vnd denen glauben zugeben
sich vnterstehen / vnd von den Adiaphoristischen
plauderern eines andern / als sie bisher von Flacio
bericht / vberreden lassen wollen. Die gilt es weh-
rens / noch ein mal / nichts weniger / sondern weit
mehr / als wenn Flacio sein neue vnd wolgebauts
Haus brennet / Wie lescht er denn nun ? Also / er
sagt / man sol den Actis bey Leib nicht glauben ge-
ben / denn die Adiaphoristen haben sie selbst ge-
stellet / vnd die Schrifften daraus sie gefast / viel
leicht vmbgeschmelzt / Das heisst so viel / die Pro-
fessores der Vniuersitet Witteberg / so gedachte Acta
vnter irem Namen / in Druck haben lassen aus-
gehen / sein leichtfertige vnd verlogene Leute / zu der-
nen sich zuuersehen / das sie Falsarij vnd Briefesfel-
scher sein möchten / vn̄ denen also nicht zu glauben
stehe /

stehe/das lassen wir die verantworten/die es ange-
ber/vnd gescholten werden/Sur vnser Person ach-
ten wir Man gegen Man zu setzen / vnd zuuorglei-
chen/ solte dennoch vnsern Praceptoribus on einige
Propopolipia so viel zu glauben stehen / als einem
flüchtigen / verlossenen Vndeutschen / der vnbe-
kantes namen vnd herkomens ist/ vnd einem betas-
sten/verworffenen vnd verdorbenen Procurator oder
zweien/vnd gleich ein blutigirigen Wolff dazu/Vnd
sein vber das vnser Praceptores lügen vnd betrugs
noch nicht erwiesen/Auch solcher bezichtigung von
hohen vnd midern/bis anher verhoben blieben / A-
ber Glacius schonet keines Standes im Römischen
Reich/weder Todten noch Lebendigē / die er schmes-
sens erlasse/Was es aber guts geben / vnd für ein
ende nemen werde / wird die zeit ausweisen. In
diesem Wandel aber/ die Acta belangend / finden
wir aus denselben vielgedachten Actis / das man
sich berufft auff die Originalia/Wat also Glacius die
Actionem ad edendum/damit wir mit dem Procura-
tor Procuratorisch reden / vnd mögen sich diejeni-
gen gefast machen/ so als Verlogene vnd Falsarij von
Glacio vnd seinen Procuratorn berüchtigt werden/
das dieselbigen originalia coram notario & testibus/
vidimirt / vnd auff Glacij Rechtliche förderung für
gelegt werden / Wenn das geschicht/ so ist Glacio
diese gegenwehre genomen / darauff lassen wir die-
ses beruhen.

Wir achten aber das der beweis auff dem Ale-
ger lige / darumb wil Glacius die Acta / als vnwar
verwerffen/hoffen wir es sol im zuerkand werden/
das er einen klaren/hellen/vnd vollkommenen bericht
thue/wie/vnd was in allen gehaltenen Tagen des
N Interims

Interims vnd der Adiaphoren halben in diesen
Landen/der Chur Sachsen vnd Weissen/ beide von
den Landstenden/ Aetern vnd Theologen / gehan-
delt sey/das stünde Leuten zu/die irer sachen nicht
schew trügen / denselben köndte man als denn ge-
gen dem Bericht halten/den die Adiaphoristen ge-
than haben / vnd gegenbericht geben vnd nennen/
Itzt fleucht Glacius nur / vnd stümmelt die Acta/
wie hernach gesagt werden sol/lest etlichs passiren/
etlichs nicht/behelt im sein ausflucht vor / darauff
ist nichts zu handeln / Ein vollkomener Gegenbe-
richt/köndte den Wandel bald/vnd auff ein mal ent-
scheiden.

Vm andern/so wird in den gedruckten Actis
solch ding beschrieben/das vor dem Ausschus vnd
vor der gantzen Landschafft gehandelt/ Ob es nu
war sey oder nicht / was die Acta von denselben
Wandlungen berichten/ist abermals die Kundschafft
bald zu finden/ Denn hie nichts heimlich bleiben
oder verschlagen werden kan. Es befrage sich nur
Glacius bey denen vom Adel/bey welchen die Origina-
lia der Landstende Wandlung/hinterlegt worden
in des mus man sich auff die Landstende semplich
beruffen/auch die nicht ausgenommen / die Illyrico
widerjren Landsfürsten/als vntrewer Leute / gefür-
net haben. Denn sie anders sagen müssen in beisein
anderer/so mit vnd darbey gewesen / als wenn sie
bey Glacio oder jren Glacianern allein melcken.

Vm dritten / wird auch etlicher heimlicher
Wandlungen in Actis gedacht/bey denen Churfür-
sten vnd Fürsten in gemein / aber ausdrücklich der
Römische regirende Keyser Ferdinand etc. vnd Do-
ctor

etor Seld/Key. May. Cantzler/genent werden. Nu
wird man on zweuel die vngenennten Glacio auch
wol namhafftig zu machen wissen / Von den ge
nanten aber halten wir das / so sich gebürt / die
billich Glacius vnd seine Helffershelffer / Procura
tor vnd Principali vnangestochen lassen / vnd an
die iren Geiser/als die ordenliche Oberkeit / nicht
betren hengen sollen.

Aber Glacius ist der newe Papsst/den sein Pfar
herr allgerait dazu gekrönet hat / vnd im den Tittel
geben/das er Sanctissimus heissen sol. Dieser Papsst
hat macht/Keiser / König / Churfürsten / Fürsten
vnd Derrn/hoch vñ nider/tod vt d lebendig/anzu
stechen/zuvermehrten/vnd seinem vnd anderer gefal
ten nach/zu tractiren/Wolten im gleichwol gñnnen/
das er hierinne etwas mehr/als den gemeinen Pö
fel. bedechte / denn/er sich doch zubeforgen / man
werde im Glacio die Füße nicht küssen. Vnd ist vns
vngeweuel / das er hierinne allen verstendigen/
friedliebenden / fürnemlich seinen eigen Derrn /
auch allen vernünfftigen von dem gemeinen Lauf
fen/nicht zu gefallen thue/Denn er handelt als ein
Frembding/des die Schafe nicht eigen sind/vnd
hat sich zwar diese zeit her/gnugiam erzeigt/ Was
rhat vnd gutes dieser Gast mit sich gebracht / allen
denen/bey welchen er diese Jar sich enthalten hat/
Man sehe auch was er jetzt in seiner gewarsam / sei
nen Derrn vnd der Schul zu der er gefordert/sampt
andern zum besten stiftte / vnd wird das vbrige die
die zeit ausweisen. Aber von dem gnug an diesem
orte.

Vnd damit wir wider zur sache komen.

DJeweil es Flacio alles gelegen sein mus / was
in den Actis stehet / ist die Frage / Ob man den Ori-
ginalen / darauff man sich berufft / nachmals den
Landstenden / in der Chur Sachsen vnd Meissen /
Vnd zum dritten / Churfürsten / Fürsten / derselben
Abeten vnd Dienern / vom Adel vnd andern / Zum
letzten / auch hochgedachter itziger regirender Kö-
mischer Key. May. etc. selbs / so viel zu glauben ste-
he / als Flacio Illyrico / vnd den blawen dänsten /
vnd mit Deeres Krafft / gesuchten / boshaftigen /
Teufflischen betruge / so er vber die Acta zeuhet / in
seiner vermeinten gründlichen verlegung / vnd hat
ben dieses also in eine Frage gestellet / Denn wenn
wir hierinne sprechen wolten / würde Flacius bald
vns als anseher der Person / vnd Profopolipten Le-
schuldigen / Wie im denn dieses wort stets im maul
vmbwaltet / Aber wie dem allen / so mus er dennoch
vnstreffliche Kundschaft leiden / ob sie gleich nicht
verloffene / vndeutsche / oder sonst anruchtige Leute
geben werden / Vnd ist dennoch Kleglich / das sich nu
alle warheit / im gantzen Römischen Reich / verlor-
ren / vnd in den Winckel in Sorben gefunden hat /
das numehr niemands warsagen kan / er sey wo er
wolle / denn Flacius vnd sein Procurator etc. / vnd
wen die berüren.

Das ander Argument Flacij. Darumb den Ac-
tis nicht zu glauben stehe / ist / das er viel Contradi-
ctoria / oder widersinnige Reden darinnen weisen
vnd anziehen wil. Auch das etliche aus vnsern Bei-
sellen / nicht den Actis gemes / von den verlossenen
Wendeln geschriben / Aber wie gemelt / gründen
sich die Acta auff die Originalia / auff der Landstend-
de / Keiserlicher Maiestat / Churfürsten / Fürsten
vnd

vnd Herrn / deren Ahet vnd Dienern etc. Fund-
schafft.

Die Contradictoria aber vnd widersinnige Res-
den belangende / so in den Actis sein sollen / stehen
die Acta in öffentlichem Druck meriglich für aus-
gen / da mag ein jeder selbs sich innen ersehen /
vnd vrtellen / wie er es findet / vnd ist mit ehren vnd
warheit keine Contradiction oder widersinnige rede
in Realibus / das ist / in den Deuypuncten / darauff
der Wandel stehet / zubeweisen. Denn was er Glacius
vnd sein Procurator / als für widersinnig in des-
sen anzeuhet / ist öffentlich zu sehen / das es vntrew-
lich / bösslich vnd felschlich geschihet / wie das zu
seiner zeit sol angezeigt werden / Das aber etliche
Datum / Namen vnd dergleichen versehen vnd vers-
setzet sein / nimbt dem Brieffe oder Schrift nichts
des Original verhanden / Das auch Glacius für
warhafft vnd verlogen / Darinnen angezogen
wird ist wol zusehen / wie es zu gangen. Sein auch
im Deudtschen dieselben Contradictiones nicht zu
finden / wie er selbst meldet / vnd kondten die am
besten Bericht thun / die die Acta gefast haben.
So haben wir vernomen / das die Originalia der
massen durch einander gefunden / das nach we-
nig Jaren / wo die jenigen / So bey den hendeln
gewesen abgestorben / sich nicht mehr würde in
dieselben leichtlich zurichten gewesen sein / kan auch
ein jeder selbst erachten / nach dem sich niemandt
dieselbezeit solcher Schelmerey besorget hat / damit
dieselben handlungen vom Glacio vnd seinen Glacia-
neren / nachmals beschweret worden / Das man
solchen vreis in aufzeichnung aller reden / Personen /
zeit vnd Schrifften / wie das wol jtz von nöten /
N iij nicht

nicht gethan habe/welches den Flacium vnd seinen
Dauffen diese XII. Jar her gantz freidig vnd böse
wider die Adiaphoristen gemacht hat/wie sie denn
offentlich geschrieen vnd geschrieben haben/ da
man der Acten halben vertröstung thet/es köndten
kein Acta vorhanden sein die Adiaphoristen bet-
ten nichts/als was sie selbst erdichten würden etc.
Aber Gott sey lob/ der hat dennoch so viel von den
gepflegten handlungen bescheret/das zusehen siehet
jeder menniglich/wie Flacius vnd seine Helffers-
helffer nicht als redliche Leute handeln/ Vnd
abermal hat Gott so viel bescheret/das Flacius zu-
rechten vnd zusechten/dichten vnd trachten/liegen
vnd triegen hat/wie er zuwegen bringen möge/da-
mit demselben gethanen waren berichtet/vnd der
auff so bestendiger/gründlicher erweisung/davon
oben gemelt/nicht geglaubet werde. Vnd leßt sich
ansehen/da dieser Flacianisch hauffe getrawet her-
te/das so viel berichts noch vorhanden/Er solte wol
wo nicht gemacher/jedoch vorsichtiger gescholten
haben/vnd hat sie die vbergrosse lange gedult der
Adiaphoristen betöret/vnd hierinne gestercket/die
so ein lange zeit auff Flacij vnd der Flacianer liegen
vnd triegen/stil geschwiegen haben/denn daraus
haben sie in irem sinne geschlossen (wie sie denn
auch von sich geschrieben) die Adiaphoristen wis-
sen keinen gegenbericht zu thun/sonst würden sie
nicht also schweigen etc. Das aber vnserer gesellen
etliche vor der zeit von etlichen Sachen anderst ge-
schrieben/hat sich niemand zu verwundern/denn
es inen an volkommenen bericht gemangelt hat/wie
manchem ehrlichen Man/den Flacius durch sein
Mörderisch/auffrurisch liegen vnd triegen vor der
zeit

seit irre gemacht vnd eingenomen hat / vnd hett in
gut hertzige Leute sampt vnseren gesellen den Be-
richt vor gehabt der in den Actis eröffnet/hette Glac-
cio anderst können begegnet werden / als bisher ge-
schehen / wie dieses Urkündt aus abgesetzten Bes-
genbericht wider Galli schrifften zunemen / Vnd
dancken viel Christliche hertzen vnd wir neben inen
Gott darfur das doch ein mal ein vollkomener be-
richt / herfur komen / dardurch man zur war-
heit geführt wurde/ wie seer auch Glacius vnd sein
Procurator dar wider zappeln/haben auch viel fro-
me Christen/vnd hohe Leure/nach solchem eröffens-
ten Bericht/ bezeuget/ das ob wol sie vnser Theos-
legen nie verdacht gehabt/ das sie dennoch so viel
von inen nicht gewisset. So sein sie dardurch auch
bey vielen Glacianern entschuldiget.

Vnd damit wir ein wenig Berichten/ wie Glac-
cius mit seiner grundtlichen widerlegung vmb gebe/
So zurreist er Erstlich die Acta wie die Richtig vnd
ordentlich gesetzt sein/zuhudelt vnd würet dieselben
viel erger/ denn ein wilde Sawe ein Wiesen oder
gebautes Feldt/das sich der Bosheit zuwunderen
ist/ zwack stückweis heraus vnd Articuliert dar-
wider / vnd wenn man dargegen die Schrifften
gantz ansihet/ So findt man die Procurator Kunst/
von welcher der Teufel seinen Namen hat / Denn
man kein bessere oder krefftiger vorlegunge dieses
Procurator teufels in/vnter vnd mit dem Glacio/
haben Fan/denn das man die Acta gantz/densel-
ben vbel geschelmeten / gefleischten stücken entge-
gen setze / Vnd hat warlich der Procurator den
Meister nicht bey sich gehabt/ da er sein vorlegung
also

also stellet / das er die Leute in die Acta einweist/
dafur man im billich dancken mag/Denn niemar d
kan das Glacianisch Procurator werck verstehen
noch darnon vrteilen/ Er halte es denn gegen denn
Actis / Diemit solte wol verursacht werden / das
die Acta so viel Frage gewonnen / das man sie wie
der /vnd zum vierden mal müste auff legen /Vnd dies
weil er der Procurator/darüber schwitzt / wie er die
Acta bey dem gemeinē Man/verkleinere/ allen glau
ben denen entziehe vnd beneme / solte er billich das
selbige Buch/nicht in die frage bringen/ sondern zu
vnterdrucken sich beuliffen haben / vnd auff seinen
Terminis/von denen anfenglich vermeldet / geblie
ben sein / vnd fort gewarnet haben / das sich die
Leute nicht verführen lassen wolten / ire selbs Giff
fliehen/dem Buch nicht glauben/es hette eitel Lü
gen/eitel widersinnige Reden / eitel verfelschte / ge
dichte Briue/vnd Handlung / deren nie nichts/
oder ja nicht der gestalt/eingebracht/fürkomen/ge
handelt worden were. Die Adiaphoristen wüsten
von nichten/mit warheit zu berichten/ müsten alles
erdichten etc. Wenn er also hinaus gefaren were/
hette er dennoch die jenigen / die noch an im han
gen/wie ein Apffel an einem Baum/zum wenigsten
stutzig machen können/Er hat aber doch etwas sa
gen/vnd verursachen müssen / ob im gleich nichts
gefallen / denn man lest niemands hülflos verur
teilen/es ist aber also dahin gebracht / wil jemand
vber solchen streittigen Wendeln / vrteilen / der ein
fromer Christ/oder nur politicē / ein redlicher war
heit vnd Ehrenliebender Man ist / der wird denn
noch sich schuldig erkennen müssen / die Acta gegen
der verlegung zu halten/vnd wird nicht fehlen / es
mus

mus einem solchen als denn mehr einfallen / denn
Glacius vnd sein Procurator bedacht haben / das
lassen wir an seinem ort / einen jeden selbs bedens
cken vnd erfahren / Denn es schreibe Glacius vnd
sein Procurator von Lügen / Contradictorijs / dichten /
verfälschungen / wie / vnd was er wolle / lügen hin /
lügen her / So gründet sich die Handlung auff Ori
ginalia / Landkündige / Keiserliche / Churfürstliche /
Fürstliche / Herrn vnd Diener / Edel vnd vnedeler
Kundschaft / wie oben gemeldet / Vnd wird sich
nicht als bald / für Lügen verwerffen lassen / was
Glacius dafür erkennet / vnd verdammet haben
wil / vnd gehöret mehr dazu / als stümmeln / fleisch /
en / schelmen / vnd leßt sich also nicht ausrichten / Ist
auch niemand so grob / der die Acta liest / er findet /
das sich solche Handlung / auff anziehung solcher
vmbstende / auch leiblicher vnd schriftlicher Kunds
schaft nicht dichten / noch verschlagen lassen / wie
hoch auch Glacius sich bemühet / die Leute des wo
derspiels zubereden. Aber es leßt sich wol mercken /
das der Procurator Glacius es dahin setzet / das sei
ne Glacianer nur des Glacij Buch / der vermeinten
verlegung lesen werden / vnd die Acta nicht ansehen /
wie denn dieses Gesinde zu thun pfleget / das allen
Bericht fleubet / vnd nicht hören / noch sehen / wiss
sen / oder verstehen wil etc. Das müssen wir Gott
befehlen / denn es walten / vnd dieselben Glacianer /
sampt irem Vater vnd Fürer Glacio / imer hin Glacia
nisiren vnd flattern lassen / bis sie des müde werden /
Vnd müssen dieselben vnbehawen Filcianer denn
noch so viel daran setzen / wenn sie also on allen bes
scheid / wider andere schreiben wollen / Wir sagen
aber von denen / die als ehrliche Leute / auff verhöre /
D beider

beider part richten/ vnd nicht die Alerger allein/ sondern auch die antwort hören wollen/ Denn was die jenigen für Leute sein/ die vnuerhörte richten/ ist oben von Gallo gesagt/ Dieselben ehrlichen redliche Richter/ werden in der vergleichung was beider seits eingebracht/ dieses des Glacij Procuratorwerck bald sehen/ Vnd zu einer kurtzen vrkund lese man/ wie die Pegawischen vnd des Torgischen Landtags wandlungen/ in des Glacij Buch verlegt werden/ vnd die Procuratorischen inductiones/ mit irem fleischen/ schelmen vnd stümmeln/ wie sie vor dem Man abziehen/ verwickeln vnd verbrechen etc. Es halte der Leser die Acta dagegen/ so wird er ein klarres muster/ dieses Procuratoruffels sehen können/ bis man es den Einfeltigen/ deutlicher vnd in specie weise. Es sollten einem dieselben Procuratorböfslin/ im Aderlass wol gefallen/ wenn die nicht so zu grossem jamer der heiligen Kirchen Gottes/ vnd gemeines Vaterlandes Deudscher Nation/ gebraucht würden/ Vnd bekennen vnser teils/ das wir vns nicht haben enthalten können/ der vberaus grossen bosheit/ mehr denn ein mal zu lachen/ da es doch nicht ein schimpfflich gelechter gibt/ Denn es öffentlich zu mercken/ das er in seiner verlegung/ mit jm selbs nicht zu frieden/ als der da merckt/ das es nicht thun wil/ vnd gerne böser sein wolte etc. Aber dieser Procurator hat nur eine Taschen/ vnd kein Gewissen/ weist sich auch öffentlich aus/ das eben sie/ die rechten waren Lumpensetzer vnd Schreiber sein/ wie sie andere Leute verechtllich nennen/ vnd haben sich dieselben Procurator ire tage/ als Lumpenmenner/ solches Lumpentragens geneeret/ So sein sie nicht zuuerdencken/ das sie zu dem Dauffen vnd

vnd Theologen /ire Lumpen setzen / vnd verteidigen
helffen / Das gute wercke schedlich sein zur seligkeit.
Gott sey lob / das ir euch auch so wol bewiesen habt
lieben Procurator vnd Herrn / wer es mercken wil /
der hat vnkund gnug / das euch ewer Gewissen vber-
zeuge etc. Vnd das ir mit ehren vnd warheit / ewer
sachen nicht mehr zu helfen wisset / das sey Gott
gedanckt / es folge nu was da wolle. Solches flei-
schens / stümmeln vnd schelmens / des offft gedacht /
hat Glacius auch vor der zeit sich gebraucht (one
zweiuel auch aus der Procurator Schule / mit de-
nen er lange geleichet) Denn wir vns zu erinnern
wissen / das der Ehrwürdige / Nochgelarte / Christo-
liche / trewe vnd woluerdiente Lerer (dennoch ist es
war) Justus Menius / sich beklagte / Glacius hette
im seine Verantwortung vbel zurissen / Aber gedach-
ter Menius / Christlicher vnd seliger gedechtnis /
schriebe eine antwort drauff / die ligt noch auff dem
Glacio gantz vnd vnzurissen / Danon Glacio vnd
seinen Gesellen / die Haut abgehen möchte / vnd sol-
te mit einem viertel Jares / von der Ecclesiastica histo-
ria / vnd andern seinen Annaten abzukeuffen sein /
Denn der dieselben Antwort verursacht / hat sich
nicht wol vmb des Glacij Wendel / vnd alle die seinen
verdienet etc. Das ist auch daraus zu spüren / das
diese Glacianer / Menij Namen so feind sein / vnd ste-
chen auff seinen Grabstein / wie die Pawren auff
des Neidhards / Wette man denselben Schreiber /
oder desgleichen / der köndte die Lumpensetzer of-
fenbaren / vnd das zurissene wider zusammen bringen /
Aber wenn man nicht Dabicht hat / so mus man
mit Eulen baisen / Wer weis / vielleicht möchte vn-
ser DLRX Gott / durch ynmündige bescheren / solte

es vns so gut vnd vergünnet werden/wolten wir vns
hieran auch versuchen/vnd vnfers vermögens/der
warheit beistand leisten / Vnd damit niemands zu
kurtz geschehe/müssen wir Gallum dieses falls lo-
ben vor Glacio/Denn er Gallus gibt sich dennoch
auff den rechten weg / vnd nicht Procuratorgriff/
nimpt den Dandel an im selbs für/setzet seine grü-
de wie gehöret / Vnd helt in summa den Process/als
der Dandlung leiden könne. Aber war ist es/er ge-
wint nicht viel / der in dieser sachen gerade zuge-
het/wie oben zusehen/dafür grawet Glacio / sol in
doch ob Gott wil/sein Procuratorwerck auch nicht
helffen.

3^{Um} andern/so tregt Glacius der Procurator
in seiner verlegung Dundsbar ein / vnd eben seer die-
cke vnd mercklich/Fraget was zu Regensburg zwis-
schen Keiser vnd König / Hertzog Moritzen vnd
andern etc. gehandelt sey/ Darauff wir jnen nicht
besser wissen anzuweisen / als an Key. May. selbs/
Denn da ist sich des am besten vnd gewisten zuer-
kundigen/Ist jneu nu so viel daran gelegen/mögen
sie eine Post gegen Wien abfertigen. Diese Den-
del gehen die Theologos vnd Adiaphoristen nichts
an/Aber Glacius lest sich all zu grob mercken / das
eben auff solchen hendel sein Theologia vnd alle
anfechtung des Chorrock's / der Theologen vnd
Adiaphora stehe / vnd warumb es im vnd seinem
schreiben allen zuthun sey / da er doch / wenn es
im von andern fürgehalten würde / vielleicht den
Namen nicht haben wolte/Wil Glacius hieran/so
hilfft es nichts/wenn man noch zehen mal/Acta/
vnd Acta Actorum schriebe / Vnd zu mehrer vrr-
kund / füret er verloffene / hingelegte / vnd vertra-
gene

Gene Fürsten vnd Kriegsghendel ein / ob man der vier
leicht vergessen wolte / damit deste weniger zu zweie
ueln sey / wenn man es sonst nicht griffe / Was des
Glacij Theologia / vnd was vnter seinem Chorrock
hange / Denn es hat Glacius vergangner Jar/
samt seinen Kottgesellen zu Magdeburg / ein Choro
rock gemalet / als lege das Papstumb vnd falsche
Lere darunter / welches ein auffrührisch / boshaft
tigs gedicht / vnd Lügen ist / das sie doch in Druck
haben lassen ausgehen / vnd hoch vnd nider / vn
schuldige / vnd woluerdiente Personen / als böse /
aufrührische Buben / bemalet / Wenn sie nu itzund
auch einen Maler hetten / der im dem Glacio / sei
nen Chorrock mit warheit malet vnd ausstriche /
dem muster nach / wie inen Glacius selbs angibt / in
gemelten vrkunden etc. Die solt man wol schwerd /
Espies / Darnisch vnd Büchsen / darunter verdeckt
finden / vnd etwas noch mehr etc. Mer verstendi
gen / ist gut predigen / spricht der Procurator / Jes
doch des zu einem kleinen Exempel vnd müsterlin /
so wil er mit dem seliglichen / verstorbenen Churfür
sten / Hertzog Moritzen etc. hochlöblicher gedech
nis / in seinem Grabe zuthun haben / vñ das der das
Interim aller dinge habe angenommen / vnd weis
was mehr gethan etc. welches sachen er im so hoch
angelegen sein lest / das er auch wider hochgedach
ten Churfürsten / in des Sleidani verfechtung drew
et / deren er viel zu schwach / vnd das Ius Canonicum /
Pepfliche Recht / vnd Panormitanum herfür sucht
vnd einfüret / welches sein des Glacij eifer / vor kuro
tzer zeit / mit bloßem angesicht / nicht gern angegrif
fen hette / Er auch Glacius on zweuel / es andern
nicht gut sein lassen würde / wenn sie das wider in
D iij brauch

brauchen wolten/ob wol an jm selbs solche einfür-
rung nicht zu taddeln / Aber wider die/ den Glaci-
cius nicht gnedig ist/mus jm alles dienen / heiliges
vnd vnheiliges / Himel vnd Erden / Freund vnd
Feinde/Wölff vnd Leute / das doch zu seiner zeit/
wie sichs gebüret/verantwort werden solle / Vnd
wil Glacius/als ein freidiger Man / mit dem Kopff
hindurch/straffet alle vernunfft vnd bescheidenheit/
so man gegen der hohen Oberkeit/ Christlich brau-
chen kan/vnd zu denselben schweren zeiten gebrau-
chet hat / da er es doch weit nicht so gut hette ma-
chen sollen/Wenn er an der jenigen stat gefessen wer-
re/die er jtz schendet/da sie es nicht hören/vnd wie
bestendig vnd freidig Glacius sey / wird ein mal die
zeit ausweisen. Das aber war sey / was von Herz-
zog Moritzen/des Churfürsten etc. Wandlungen /
in den Actis beschrieben / als die sich des Interims
halben/zwischen jm vnd dem Grosmechtigen Kai-
ser Carol etc. auff dem Reichstag zu Augsburg/ des
XLVII. zugetragen/sein in gedachten Actis/Chur-
fürsten vnd Fürsten / wie gesagt / in genere / vnd
jtzund regierende Key. May. namhaftig angezo-
gen/die vngezweuelt jres hohen Namens vber vn-
warheit vnd gedicht nicht wird missbrauchen las-
sen/ Dieweil aber je Glacius mit Fürstlichen Dem-
deln vnd Personen wil Theologisiren vnd Adiapho-
risirn/vnd also aus dem wege faren / so wollen wir
jn zur sachen führen / hochgedachte / des Churfür-
sten Hertzog Moritzen Person/weil Glacius der so
vngnedig/rhuen lassen/auch alles hindan setzen/
was vielgedachter Glacius vnd Sleidanus / wider
jn in seinem Abubette schreiben/Vnd lasse setzen/das
der Churfürst Hertzog Moritz / das Interim aller
dinge

singe angenommen hette/vnd verwilliget/ Auch sich
das jenige/darinnen Churfürsten vnd Fürsten/auch
Kaiserlicher May. selbs kundschafften angezogen
werden/nicht also verhielte etc. Gesetzt dieses alles/
so stehet doch die gantz sacht darauff/was hochst
gedachter Churfürst/ mit seiner Landschafft vnd
Theologen/des halben gehandelt habe/vnd wer-
den sie die Glacianer/jnen den verstorbenen Chur-
fürsten Hertzog Moritzen etc. doch beschuldigen
müssen/das er das Interim von seinen Theologen
vnd Landstenden/niemals gefoddert habe/ Denn
er nicht das Interim/ sondern anders nichts je-
mals gesunnen noch begert / denn was des mit
Gott vnd gutem Gewissen / geschehen köndte / dar-
mit Gott was Gottes / vnd dem Kaiser/was des
Kaisers/gegeben würde etc. Wie aus den Actis nach
der lenge zu sehen / vnd würden sich dennoch die
Landstende/Theologen vnd Kirchendiener/zu erin-
nern wissen/wenn gleich keine Originalia verhan-
den weren/was mit jnen gehandelt / Vnd trutz
nicht Glacio allein/sondern allen Teuffeln vnd jrem
Werkzeug/das sie es anders darbringen.

Ist es nu Glacio dem Luerer/vmb die Religi-
on/vmb die arme Kirche vnd Gemeine / deren Pa-
tron er sein wil (darumb man jm bald wird Chri-
stianissimo schreiben müssen / wie dem Könige in
Frankreich/denn des Papst Tittel hat er vorhin/
das er Sanctissimus heist.) Ist es nu Glacio / wie
gesagt / vmb die arme Kirchen dieser Landen zu
thun/was gebets jnen an/was Kaiser vnd König/
Churfürsten vnd Fürsten mit einander handeln/
Darumb bleibt Er nicht in diesem geraden weg
vnd Terminis/Sagt was Hertzog Moritz des In-
terminis

terims halben / mit seinen Theologen vnd Landts
stenden / vnd also mit der Kirchen dieser Lande ge
handelt habe / vnd füret sein sach hiraus / Darumb
griefft er in das / so seine vermeinte Adiaphora vnd
Adiaphoristen gantz nichts angehet / etc. Die leff
sich Glacij Theologia / wie oben gemeldet / alzu seer
mercken / Denn dieser Theologus wil schlechtes
gen Dose vnd mit Fürsten hendeln zuthun haben /
da wir doch vnser einfalt nach dafur achten / es sol
te bas gethan / auch gemeiner Kirchen vnd
Vaterlandt zutreglicher sein / Er liesse sich an ver
tragenen vnd verbrieften sachen vnuersucht / vnd
aid vnd fried feste stehen / etc. Wenn aber Glacij
geifferender Geist / je diesen oder jenen / als der newe
Papist vnd Schneiderkönig / do vnd dort nicht
wissen vnd in Derren Sachen Procuriren wolte /
solte er mit den jenigen handelen an welche die Sa
chen gehören / vnd jr eigen sein / vnd arme vnschul
dige Schul vnd Kirchenpersonen / nicht in solche
seine weltliche Theologia vnd Kriegsadiaphora
mengen vnd einziehen. Aber diese gesellen müssen
zu jren schebigen Kopff ein Dütlin haben. Vnd las
sen sich doch zwar grob gnug mercken das jnen das
halten vnd bergen zu lang werden wille / vnd sie
schnappen zu lassen vnd laut zu lauffen gedencken /
Denn vber angezeigten mercklichen vrkunden / ist es
auch sunst in jrem Buch alles Streitbarlich / voller
mutts / vnd Kreigs / Es nent auch Glacius selbst in
dem selben seinem newen Buch der verlegung sich
vnd seinen hauffen ausdrücklich / die geschwornen
Kriegsteute Christi. Gott behüte die armen Leute /
mit den Derrn findet man allweg rhat / Wer draw
et der warnet / darumb kan ein ziemlich auffsehen
nicht

nicht Schaden/ Denn wer ohren hat zu hören/mag
im Glacii Buch eine gute warnung/ vnd einen ge-
malten Ritter vnd Sendrîch sein lassen/Glacijs aber
ist nicht allein ein geschwornen Kriegsman/ wie er
sich nennet/ sondern auch ein bestetigter Weerpredis-
ger/ Kermenschlager/ vnd Blaser/Ja wol Kriegs-
hat dazu/vnd vnser D^{ER} Gottes Sendrîch/wie
S. Franciscus in libro Conformitatum / Vnd ist die-
ser Kriegsman Glacijs so freudig / das er auch wol
die Kugeln mit den Ermeln auff fangen dürffte/
wie jener Kriegsman Christi vor Mülhausen etc.
Er darff auch den armen verstorbenen Carolum V.
Ritterlich in seinem Grabe anrennen / vnd einen
AntiChrist vnd Dur schelten / Lebet aber die Dure
noch / es solte wol dieser Kriegsman nicht so böse
sein.

D^{ER} loblichen/Christlichen/vnd heiligen Für-
sten / Fürst Georgen von Anhalt etc. haben diese
Glacianer lange zeit in jren Schrifften vmbgezogen/
vnd helt sich Glacijs/ als an dem sich nicht zuuer-
greiffen sey/der in auch als der leidige Teuffel/in sei-
ner seligen ruhe/nicht ruhen lassen wil/so viel an im
ist / vnd wird von dem vnflätigen Glacio / weder
dieses noch jenes bedacht etc. Aber er greiffet vnserm
D^{ER} Gott in die augen/wie geschrieben stehet/
hawet vnd speiet vber sich/des müssen im die Spen
vnd Kotz/in seiner selbs augen vnd bart fallen / wie
man Glacium vor der zeit erinnert hat / da im gesagt
wurde/das er Glacijs sich nicht an lebendigen / fro-
men/woluerdienten/Christlichen Leuten/genügen
liesse/dieselbigen auff zu fressen / Sondern auch als
ein mörderische Nyena/dem Menschen fleisch in die
Greber nachkröche/vnd die verstorbenen mit seinen
P zenen/

zenen / schenden vnd schmehen / anfechte. Vnd
weis der schnöde Man / dem verstorbenen Fürsten in
seinem Grabe / keine grössere schmach / in seinem sin-
ne / auffzuthun / denn das er jnen verechtlich / Probst
vnd Thumbprobst nennet / Sehet wunder zu / wie ist
dieser Sanctissimus so ekel.

Doctor Luthern seligen / ist dieser Fürst / gar
ein lieber / werder vnd tewrer Probst gewesen / der
von diesem Probst vnd Thumbprobsts Namen /
viel anders gehalten / als der Ekelheilige Flacius /
Vnd das war sey / da noch Fürst Georg / so ferne
nicht komen / vnd mitten vnter den Papisten war /
im 1533. Jar / auch von denen nicht viel kurtzweil-
hette etc. dieselbige zeit schriebe Doctor Luther / sei-
liger vnd Christlicher gedechtnis / gar einen schö-
nen Trostbrieff an in / dem seligen Fürsten / aus dem
Spruch im Johanne / Confidite, Ego uici mundum.
Des eingang wir von Kartz wegen hienach gesetzt.

REVERENDO IN CHRISTO DOMI-
no, & clarissimo Principi D. Georgio praeposito
Magdeburgensis Ecclesiae, Principi ab An-
halt, Comiti Ascaniae & Domino Bern-
burgae, Domino suo imprimis
clementi.

GRatiam & pacem in Christo, Merito nominabo te
& reuerendissimum Episcopum (taeco praepositum)
& clarissimum Principem, Optime & Generose Domi-
ne, cum uideam te unum in toto Imperio, praesertim in
eo gradu & statu positum, amare sinceriter & promo-
uere uere fideliter uerbum Christi, atq; mihi saepe miraculo
fuit id ipsum cogitans, & planè singulare Dei donum
agnosce

agnoscere cogor, quod tua sponte caperis urgere eam
doctrinam in populis tibi subiectis, non adulator neque
Palpo (DEVS scit) sed gratiam Christi in te tam mira-
biliter erumpentem & fulgentem prædico & glorifico,
simul oro & spero totis suspirijs quod is qui incepit in
pectore isto tantum opus suum ipse quoq; perficiet &c.
Gibt zu Deudsch vngefährlich folgende meinung:
Gnad vnd fried in Christo. Ewer Gnade mag
ich billich/ beide einen Nochwürdigen Bischoff (ge-
schweige denn einen Probst) vnd einen hochrühm-
lichen Fürsten nennen / dieweil ich sehe / das die ab-
lein im gantzen Reich / sonderlich als eine Person/
der wurden vnd standes / Gottes wort / von reinem
hertzen lieb hat / vnd trewlich fördert / Vnd habe
mich offit verwundert / wenn ich dauon gedacht ha-
be / vnd mus es schlecht / als für eine sonderliche gas-
be Gottes erkennen / das ewer Fürstlich Gnade dies
se Lere / von jr selbs angefangen / bey jren Vntertan-
nen zu treiben / Gott weis es / das ich E. S. G. nicht
heuchele / noch zu liebe rede / Sondern ich mus die
Gnade Christi / die so wunderbar in ewer S. G. her-
für bricht / vnd glentzet / rühmen vnd preisen. Vnd
bitte vnd hoffe / mit tieffen seufftzen / das / der so groß
ses sein werck in solchem hertzen angefangen hat /
es auch vollenden werde etc.

Vnd stehen in summa / des heiligen Fürsten /
Christliche Bücher / bekentnis vnd schrifftten / in öf-
fentlichem Druck vor augen / meniglich / vnd wird
die zeit deren noch mehr an tag bringen / Aber schaa-
de were es vnd zu beklagen / da dieser vnstetige Glacio
us / sampt seinen Procuratorn / einen ehrlichen Man
loben solten / geschweigen / einen solchen heiligen
P ij Man /

Man/vnd Fürsten/dem ferner Doctor Luther vnt-
ter augen schreibt/Feria tertia post Exaudi im) 5 3 94

CLarissime Princeps, rogauit me N. N. Iuuenis opti-
mus & Poëtica vena insignis, vt sese tuæ Celsitudinî
ignotum commendarem. Captus est enim miro affectu
nominis tui studioq; etiam nobis prædicantibus, prin-
cipem esse te tam rari exempli non modò nostro seculo
sed omnium præteritorum, qui ultra alias virtutes &
dona diuinitus tibi data quæ cæteras Principes obscu-
rant, videlicet literas, vt vniuersa studia humanitatis &
eruditionis, non tantum ames & foueas sed ipsa re &
persona propria excellentissimè præstes. Patitur igitur
Cel: T. laudari & prædicari in te virtutes & dona
Dei, si qua fortè exemplo Cel. T & alij principes, maxia-
mè verò Ecclesiastici excitentur, qui boni sunt, aut pu-
desant qui mali sunt, Nam indignum est tantum lucis
& Decoris sub modio abscondi, Et quis non optet tra-
les hodiè in Ecclesiastica gubernatione vel pauculos alios
quos reperiri? Imò quis non confidit si vel tres habere-
mus T. Cels: similes in Ecclesia gubernatores præci-
puos, eam ipsam Ecclesiam, breuî felicissimè reforma-
tum iri, ut de summo & primo dono nempè pura Euan-
gelij doctrina taceam, quæ tuis Auspicijs planè esset
regnatura. Nam sicuti sapius apud tuam Cels: testatus
sum, ME NON OPTARE RVINAM EPISCOPATVVM
SED REFORMATIONEM.

Et quotidie oramus, vt Dominus dignetur organo
tali quale T. Cels: est, aliquando vti, & ad gubernatio-
nem dignam tantis dotibus exaltare. Vnde mihi placuit
quod N. voluerit nomen tuum celebrare, quis scit quam
occasionem quærat Dominus. Nam certi sumus his lac-
tibus.

libus T. C. magis humiliari quam inflari, vt qui gloriam solius Dei ardentissime & vbiq; spectet, Et tamen non oportet (etiam inuita tua celsitudine) lucernam sub modio abscondi, &c. Vnd werden solcher Kundschafften viel zu seiner zeit an tag komen. Ob es aber wol etwas zu lang worden / haben wir doch eingeleibten Brieff / auch den armen Adiaphoristen / so nicht haben raten können / die Bischoff zu veriaßen / zu einem kleinen Tröstlin / hierein bringen wollen / die weil Lutherus darinnen ausdrücklich / mit seiner Hand schreibet / das er zum öfftermal / vor Fürst Georgen bezeuget habe / das sein Lutheri wunsch / noch wille nicht sey / das die Bistumb in einen hauffen fallen sollen / Sondern das die reformirt werden möchten. Item / das man sehe / wie Lutherus der Kirchen zucht vnd Disciplin / zu der auch die Ceremonien gehören / nicht so feind gewesen sey / wie diese Schreier geglaubt haben wollen / da man des sonsten nicht vrkund hette / Denn er diesen löblichen vnd fromen Fürsten / so wol hat leiden können / das er sich in obgesetzter schrift / neben seiner fürderung / der reinen Lere / auch der gedachten Disciplin vnd Kirchenzucht / bey hochgedachtem Fürsten verträstet. Vnd was hie Illyrico gesagt wird / des magstich Gallus auch annemen / der diesen tewren Fürsten / etwas strefflichers mit gefahren / vnbedacht / das das Haus Anhalt / seine Lands Fürsten / vnter denen er geboren / noch hat Gallus / vnter der Treppen herfür / sich gegen seinem Lands Fürsten / vnd solchem seinem Erbherrn dermassen verhalten dürfen / wie wißlich. Vorzeiten hette man einen solchen Schender seines vnschuldigen Herrns / auff's wenigste zu einem Bischoff zu Re-

gensburg gemacht/ Aber zu lang von diesem/vnd
gehöret das vbrige in eine volkomene antwort.

Erner so stelt Glacius Procurator sein Buch/
als ein Netz oder Fallstrick für/Denn er säget traum
was zu sagen/vnd nicht zu sagen stebet/vnd greiffet
den grossen Herrn in die Nar/bis vber die Knübel/
vngeweuelte der meinung/er wolle es ändern/wel
che die macht nicht haben/auch der sich nicht an
massen/die Glacius der newe Papsst vnd Schnei
derkönig/hat Fürsten vnd Herrn zu schenden/so
nahend bringen/das man sich verrede/vnd sage
vnd klage herwider dauon billich/vnd mit warheit
zu sagen/vnd zu klagen sein möchte/Denn er steckt
den Loben ja weit herfur/ob jemand auffsetzen
wolte/Vnd abermal zu einem Kleinen Exempel/ber
schweret er den verstorbenen Churfürsten Dertzos
Moritz etc. hochlöblicher vnd Christlicher gedenck
nis/wie der so grausamlich vngestümme vnd Ty
rannisch mit fromen Christlichen vnstrefflichen
Lerern vnd Predigern vmbgangen sey/etc. vnd sol
cher Nüslin viel mehr/wer sie aber kennet der kennt
sie nicht/Denn dieser Teufel vnd Procurator seche
gerne/das man Feuer auff schläge/die Fürsten zu
samen hetzet/darfür Gott gnediglich sey/der ver
leihe gedult allen die vnrecht leiden/Er der **D L R R**
D L R R/ wirdt richten vnd rechen zu seiner zeit.

Was aber in Thuringen. sonsten der Adiapho
ren halben/in öffentlich gehaltenen Landtagen mit
den Landstenden gehandelt/mage man in Wenig
schriffen sehen/der die/seiner ehren notdurft nach/
in Druck geschaffet/vnd aus denselben vrtellen ob
sich

sich die der genannten Adiaphoristen handlungen
vergleichen.

Es were noch viel von der Rhetorica Kunst / ge-
schwinden / grausamen / Teufflichen Sophistes
reien / liegen vnd triegen zusagen / damit des Glacii
Procurator werck gemacht ist / Aber dieses sey zur
eilenden vnd Kurtzen erinnderung genug / lassen das
vberig alle Christliche verstendige selbst richten / die
mehr finden werden als wir verstehen oder anzei-
gen können. Den einfeltigen aber / so vielleicht an
etlichen sich stossen mochten / Solle zu erster gelee-
genheit verner vnd notdurfftiger Bericht gesche-
hen / Damit die Procurator Artickel auch in specie
verantwort werden / welches itzunder in der eil nicht
hat geschehen können / versehen vns auch Glacius
vnd sein Procurator / solle vns vnbeschweret / auff
wenigst die halben weil gönnen / die sie zu irer ver-
fleckung inen genommen haben / möchte sich zutra-
gen / das sie wol etwas ehe gefürdert wurden / In
dese sey Glacio alles das auch gesagt / was droben
Ballo.

DJeweil vns aber je der Teuffel mit Procura-
toren beschmissen hat / wie ihenen Wirdt mit Was-
then / die von der Dürentze sagten / vnd wir dieses
mal doch in genere etwas ein wer ig zuantworten
furgenomen / haben wir diesel ige vnser Kurtze Ant-
wort in volgende Replica gefasst / welche wir hiemit
in der besten form / vnd weis / wie sich das zu recht
gebüret einlegen / vnd den Richterem vbergeben / mit
notdurfftiger Protestation / das der Sachen nichts
begeben werde / vnd nach dem die fürnembsten Ar-
tikel vorhin notdurfftig verantwort / wollen wir
wider das andere / die neuen beschuldung vnd Al-
legata

legata das Glacis/generalia Iuris contra setzen / vnd
stillschweigend / hiemit nichts begeben haben /
de quibus omnibus solenniter denuo atq̄ denuo protes-
tamur / Actum in der heiligen Fastnacht.

Volget die Replica:

ES bringet Glacius itzund vber die andere vortu-
men / ein newes auff / vnd disputirt noch hand-
delt nicht die Sachen so er fürnimpt / nach gestalt
vnd art derselben / auch nicht wie der Gelehrten / vnd
warheit liebenden gewonheit ist / Sondern Articuli-
lirt vnd setzet seines gefallens / wie ein Procurator /
was er vermeint jm dienlich / vnd andern nachteil-
lig / zwackt stückweis / aus richtigen ordent-
lichen schreiben / was er wil / leget das aus wie
es jm dienlich / Denget ein Blöslin oder nota-
bile daran / lesset auffen / thut dazu / macht ausles-
gung / volge vnd deutung / aus seinen heffigen / irri-
gen vnd neidischen Schwindelhirn / Wolan / dies
weil denn der Handel / zu der Procurator vnd Zun-
gendrescher Handwerck / oder maulwerck gereicht
(des worts dieser Spey viel gebraucht von andern /
da er eigentlich an jm selbst ist) vnd sol replicirt vnd
triplicirt werden / Wollen wir / vns der armen vber-
wundenen / ausgeholhippelten / verdampften (in
des Procurators sinn) Adiaphoristen / nach vnserm
vermögen annemen / Vnd werden von Glacio / mit et-
nem erdichtē / vnuersten digē namen dem Pöbel das
Maul auffzusperrē / Adiaphoristen / genennet fro-
me / getrewe / Gottfürchtige warheit / vnd friedlieb-
bende

bende Derrn vnd andere / vnd nicht vnrhulige vnd
schadenfroer / landflüchtige vnd betaste / wie dies
ser Procuratorische hauffe vnd Illyrische Rotte
ist / dieser genanten Adiahoristen / wöllen wir vns
wie gemelt / nach vnsern vermögen / annemen / ver-
hoffende die Procuratur erlicher zuuerweisen / als der
Glacianisch Procurator thut / dieweil aus Gottes
gnaden / die sacht besser / bestendiger vnd gantzer /
denn sein loses / vngegründ vnd zuriffen mantwerck
ist.

Vnd zum ersten / Nach dem der Illyrische Pro-
curator vermeldet / wie er in demselben seinen Satz /
vnd andern seinen vorhin / bis in zweihundert Lügen /
den genanten Adiahoristen / an im selbs
fromhertzige Christen / fürgeworffen / zeihen wir in
in allem seinen gewesch / mit dem er in etlichen Ja-
ren / nach seinem hinter der Thür genommen vrlaub
vnd verlauffung / viel böses Pappier mehr beschmit-
zet hat / in demselben allen / zeihen vnd beschuldigen
wir in / vnd sonderlich in diesem der vermeinten
zweihundert Lügen / nicht mehr denn einer Lügen /
Sagen vnd setzen aus dem munde in die Federn /
mit der warheit / das alles das jenige / so der Lums-
pensetzer in seinem flickwerck farbringt / fürgibt /
schreibt vnd anzeucht / zu beschwerung / verunglim-
pfung vnd verkleinerung / obgenelter / fromer / ge-
trewer / Christlicher Leute / Hohes vnd niderstans-
des / vnd von den Wandlungen / dabey sie gewesen /
vnd dazu geraten vnd geholffen / Das alles sagen
wir / das wider die Leute vñ hendel / der Glacianisch
Procurator sagt / schreibt / gesagt vñ geschrieben hat /
in gleichen fall vnd der gestalt / noch schreibē möch-
te / sey alles eine vnwarheit / eine erdichtung vnd Lügen /

gen / Erbieten vns das im fall der notdurfft /
vber vorige bescheinung / in vielfeltigen / gegründe-
ten / vnd warhafftigen Schriffren dargethan / noch
mals war zu machen / wenn / vnd wo wir sollen
vnd vns geziemet / Sagen abermals / das der Illy-
risch Procurator / sampt seinen Principal / nur ein-
mal gelogen hat / vnd leugt (auff Hochdeudsch) in
dem das er mit vnwarheit / vnd Lügen / die vnschul-
digen zu berüchtigen / vnd grewliche zertrennung
anzurichten / sich mutwilliglich vnterstehet / zu
schwechung der warheit / vnd sterckung der Lügen /
Vnd referirn vns dieses mals / eben auff dieselben
folia vnd bletter / des nechst ausgegangenen zu Wite-
teberg / nicht Comments etc. wie der Schandvogel
es nennet / Sondern Exposition vnd Bericht etc. die
in des Flacij vnflatsätze / angezogen / vnd deren
Numeri namhafft gemacht werden. Bitten vmb
Gottes / der warheit vnd Christlichen liebe willen /
ein jeder wolle dieselben Acta vleissig lesen / vnd erse-
hen / vor vnd nachgehende erzehlung bewegen / vnd
die zurrissenen Lumpen / des Illyrischen Procurators
sich nicht irren lassen / noch auff sein auszwacken /
fleisch vnd stümmeln gassen / Sondern den gan-
tzen vnd volkommenen bericht / wie gemeldet / erwe-
gen. Vnd hat er der Procurator / in diesem / vnsern
Principaln vnd vns / auch der sachen hochgedienet /
das er den Leser auff den ausgegangenen / gründli-
chen waren bericht weist / Denn wir eben dieses
bitten vnd wünschen / dieweil daraus eigentlich /
seine freueliche bosheit zu ersehen / wie er mit Ca-
lumnijn / verfälschung / vntrewer erzehlung vnd aus-
legung / vnd dergleichen Illyrischen griffen / oder
artibus diabolicis, sich zu putzen / vnd andere zu schen-
den

den vnterstanden / vnd solches nicht besser / ander ge-
stalt zu weisen möglich.

Wff seine deutung aber / volgern / nachrechnen /
suspiciiren / glosiren / notabilia / diebischen zusetzen /
sagen wir das zu der einen lügen / nur ein betrug in
dem allen ist / lassen es diesmal darbey bleiben /
das also Glacius mit seiner Rotte sey nicht mehr
denn ein mal ein schedlicher muttwilliger lügener
vnd trügener / vnd do das eine stetige / grobe / ver-
meissen jr liegen vnd triegen / solte stückweis erzelet
werden / wurde zeit vnd zeuges zu wenig werden /
Darumb solle es bey der einen Lügen / vnd bey
dem einen / wie gemeldet / des Illyrischen Hauffen
triegen / itzundt bleiben / mit angehengter erinne-
rung / das der Illyrische Procurator in dem da er
heimliche gestolene briene vnd Schrift anzeu-
het / die doch (Gott sey lob in ewigkeit) diese
frome / getrewe Leute wol vnd ehrlich verantwor-
ten kondten / ja die zeit / Leute / hendel vnd sachen an
jnen selbs verantworten / ob gleich hin vnd wider /
die falschen Ausleger vnd Glosirer / zu vngelegens-
heit / mit denselben viel vnrichtigkeit zu machen / sich
anmassen / In dem aber da solches angezogen / sa-
gen wir / würd vnredlich vnd strefflich gehandelt /
zu deme / das solche Briene / mit verdeutschung /
vnd in andere wege / felschlich vnd verkerter weise
eingeleibt / wo / vnd wie es diesen bösen / friedheßi-
gen vnd schnöden hauffen / zu jrem getümmel dien-
lich. Vnd sol von diesem allen / zu seiner zeit / inspe-
cie ferner gehandelt werden. In des stellen wir den
Auspruch / von obgemelten eingebrachten / zu allen
denen / zu welchen ein Gottfürchtiger Christ / vnd
jeder / so seiner Dendel / keine schein treget / sein sache
stellen

stellen sol/im Himmel vnd auff Erden/von wegen der
armen/beklagten / vnd von dem Procurator verur-
teilten Adiaphoristen/ehe denn zu dem rechten/vnd
für den Richter gekommen/vnd sein diese genante
Adiaphoristen/an im selbst/wie oben gemeint/getrewel
vnuerlossen/lieb vnd einigkeit / bewarende Diener
Christlicher Kirchen vnd Schulen vorbehehlich.

Beschlus.

Als nach eröffnung der falschen Lere vnd miß-
brauch im Papstumb/die spaltung in der Res-
ligion vnter den Christen entstanden / haben
viel weise Leute Samaliels rat hierinne gebraucht/
vnd man sagt fürnemlich von Keyser Carl des V.
gewesenen Cantzler/dem Cardinal Mercurino etc.
das der jr Key. May. trewlich widerraten habe / etz
was thetlichs wider die genanten Lutherischen für-
zunemen / Denn so die sachen aus Gott / würde der
mit Menschlicher gewalt nicht zu steyren sein / We-
re sie denn nicht aus Gott / so würde sie sich selbst ab-
arbeiten. Dieweil denn dieser zeit Gott verhengt/
das vnruhige Leute / Flacius vnd Gallus / vnd deren
zugethanen / durch boshaftiges gesuchtes streit-
ten/vnd genötigtes widersprechen solche zwietracht
vnd vneinigkeit vnter vns erregen / das Menschlich-
chen augen anders nicht erscheint / als ob dadurch
eben von den jenigen / die sich der warheit vor an-
dern / vnd am meisten rühmen / die ware Lere ver-
druckt werden solt / trösten sich dieses die Widersach-
er / als ob das ende der genanten Lutherischen
Ketzerrey neher sey / vnd vor der Thür / So hat der
Stern

Sternseher Cardanus/wie er furgibt/sein gemerck
von den Lutherischen / an dem Drachenschwanz
ersehen/daraus er weissaget/wie sich die selbs abar-
beiten sollen. Nu ist es war/das alle bedechtige die
vernunfft dahin furet / dieweil sich diese Kirchen/
dem Papsst nicht vnterwürffig machen können / es
würde endlich die sachen / aus mangel einer gefas-
ster Ordnung/ vnd notdurfftiger auffseher vnd exeo-
cution / zu einer vnordnung geraten müssen / daraus
zerstörung erfolgt etc. Wie denn wissentlich/das der
Luther selbs offemals gesagt / Es würde an einem
Papsst fehlen/wir müsten einen Papsst haben/ vnd
haben verloffene Krieg / grössere zerrüttung verur-
sacht/ vnd gedachten verunhuigieren allerley schein-
vnd gelegenheit/die zuerweitern mitgebracht / de-
ren sie denn auch zu irem eigenem mutwillen/vnd
anderer gefallen/ vleissig gebraucht / vnd noch teg-
lich brauchen/ Ob wol aber dem also / achten wir
doch / Cardanus habe seine Prophecey nicht von
den Sternen/oder vernunfft/sondern von einem an-
dern Meister/der diesen Flacium vnd seine Bruders
schafft vor längst gekennet / vnd lassen denselben
Propbeten an seinem ort. Es liessen sich auch die
Papisten anfangs als Flacius Illyricus sich erfüll-
chen / wider die von Witteberg auffwarff/ solcher
reden vernemen/Man dürffte keines Schwerds ge-
gen den Lutherischen / der Geist were vnter sie kö-
men/das sie sich selbs stürzten würden/ Wider ge-
melte hoffnung/Trost vnd Propheceien/der Wider-
sacher vnd des Teuffels selbs / müssen wir hiemit
kürtzlich zum Beschlus / alle wolmeinende liebe
Christen/als wider die ergernis des Creutztes / ver-
warnen/ Denn die warheit nimer on ansechtung/

es geschehe durch öffentliche gewalt / oder heimlich
eben betrug vnd lügen / vnd bleibet dennoch die
warheit / ewig / wie hart vnd hefftig sie widerföch-
ten werde. Vnd wie Christus sagt: mus ergernis
fomen / aber wehe dem / dauon es kompt. Es ma-
chen es aber dieser Flacius vnd Gallus / vnd ire Flac-
cianer vnd Galater / so grob / hefftig vnd böse / das
eben dieses / daraus die Widersacher vnsern vnter-
gang verhoffen / vnd iren Trost schöpffen / allen
glaubigen fromen Christen / ire zuuersicht bester-
get vnd vergewisset / wie das Gottes gnedige hülff
vnd rettung der warheit / vnd Christlicher Lere
nicht fern seyn / ob gleich mittel vnd wege nicht er-
scheinen / Denn man kan ja die sachen vnserer Kir-
chen wider diese Verfolger vnd Dadderer / Gott
heim stellen / vnd im getrost sagen / wie David im
Psalm / Deus iudica causam meam. **WELCH** du weißt
vnd siehest was man thut etc. Vnd erkennest aller
Menschen hertzen vnd werck / dir sey das vrteil heim
gestellet / vnd dergleichen etc.

DJeweil denn am tag vnd offenbar / das diese
vermeinte Theologen etwas Neues suchen / setzen
vnd machen / vnd das sie es anderer wege nicht ge-
trawen aus zuführen / vnter dem schein Christliches
eiuers versuchen / wollen wir hiemit meniglich
als wolmeinende verwarnet haben / vnd mag ein
jeder zusehen / das er sich selbst nicht hindere / gunst
oder hass bewegen / vnd von der gegründten Ehre /
so bis an her / Gott lob / bestendig in vnsern Kir-
chen geleret / vnd noch teglichen durch vorige
vnd folgende Schrifften / widerholet wird / zur
Flacianischen newerung abführen lasse / welche Lere
bis anher vnser alte widersacher die Papisten ha-
ben

ben stehen lassen müssen / vnd diese vnser neue Wi-
derfacher ob Gott wil bleiben lassen sollen. Das sey
den zuhorern gesagt / inen den newen Lerern wol-
len wir sagen das geschrieben stehet / Wer die Kir-
chen Gottes verunruigt / der solle sein vntheil tragen
er sey wer er wölle / aber trewe Christliche wol ver-
dince vnd vnschuldige Lerer haben sich / vnter an-
deren wider die giftigen schmach vnd vnwa-
re aufflagen irer lesterer Gottes gnaden
vnd Segen zu trösten / wie sich Da-
uid tröstet / Sie flucheten ich
aber segnete.

FINIS.

Correctur.

B ij. lies / die Confession verwardien allein / des etc.
vnd wurden doch lies / wurde. B ij. Kirchenordnung
zu bestellen vnd eine lies / zu bestellen gedrungen ist eine.
B iiij. diese nicht die geringste das vnruige / l. diese nicht
für die geringste bedacht das vnruige etc. fenere l. fernere /
auff dem radeschlag l. auff den thatschlag. R ij. Exem-
plificirt l. exemplificirt / R ij. Item es gehört aber / dele aber.
R iiij. dem namen Adiaphora l. der Adiaphora. S. einem
jeden verantworten l. einem jeden selbst verantworten. S
ij. erbeten in Adiaphoris l. erbitten / S. ij. weis hat ver-
komen l. hette pro hat. vber sie zoge l. vber sich. S ij. stehe
nicht allein in menschlichen / dele allein. S ij. post ehe den
der Bapst / l. Bapst / p schreiet l. aus schreiet. S vercrosten
l. vercrostet. S ij. p mussten wir l. müssen vnd die nicht ab-
zuleinen l. vnd dis nicht abzuleinen. J lermen lege lernen. J
ij. szung l. szund. verlaen l. verlassen. horen beide / l. horen
bede.

1873262

bede, **Z** iij. lauten l. lauten. vnchrislich worden l. wurden.
 nach (Illyrisch) l. vnd / vnreinigung l. einigkeit. exemplieren
 l. exemplificiren. nach der zeit l. noch **Z**. als verleugnet l.
 verleugner / deren argument l. deren argument / messigen
 lege rechmessigen. **Z** ij. sicher zeigt l. sich erzeigt. **Z** iij. anz
 zufahen / lege anzufechten. sich lege sich / has lege das. **Z**
 verfechten l. widerfechten / *repurgatiue* lege *repugnatiue* **Z** iij.
 verhoffet l. verhoffen. **M** ij. getreumbter l. gereumbter. **V**
 vnd gleich ein l. vnd gleich einem / forderung l. forderung.
V ij. gelegen l. gelogen. **V** iij. den *Glacium* l. denn *Glacium*
 etc. post erweisung l. stehet / aus abgesetzten l. obgesetzten.
 leure l. leute. zwack l. zwacke. Nach dein wort (furkomen)
 lege vnd. **O** (oben von Gallo) dele von. **O** ij. solchen hent
 del l. hendeln **O** iij. drewet l. dritten. Herzog lege Herzog
 vber angezeigten mercklichen l. vber angezeigte mercklich
 liche.

Formen



[Faint, mostly illegible text visible through the paper, likely bleed-through from the reverse side of the page.]